

"Liliaka"

Baibil stady ka kum. JAN dukiara.

Presant — atkaia apia.



**"Ai shipka nani nina kat maki winisa, bara klar bila wina
saki latara brih auya."**
—Jan 10:3b

DIA DUKIARA JAN SMALKANKA BA ULBI SAKAN?

"Bamna Jisas mita sain aihka wala nani...." —Jan 20:30, 31

Jan naha smalkanka ulban waitnika na, witin silp ai dahra aisi ulban "baha disaipilka ra Jisas latwan kaiki kan ba." Sip kaiasa Jisas Jan ra kau latwan kaikikan ai disaipilka wala nani ba wal, tanka lika apia kaia. Ban sakuna ai daukanka suapnikira wal, bahara kau latwan kaiki baku kan. Jan naha latwanka na ai kupia aiska wal brin, bara witin kasak pali nukun Kraist kamisan ka ba dia sa, bara dia pali dukiara naha tasbara balan ba.

Matyu, Mark, Luk smalkanka ulbi sakan mani ailal luan ninkara, smalkanka kuninkira nani manas bal takan. Naha smalkanka nani bila Jisas ba upla kum kan. Jan naha wali witin naha wauhkataya ulban, Jisas ba Gad kan bara upla takan. Bakusin diara aihka nani ailal Jisas daukan ba wina, Jan diara aihka nani ailal daukan ba wina ani Jisas ra witnis baku help taki nani ba ulbi sakan, Witin ba Kraist baku ai tanka mariki nani ba ulbi sakan. Bara naha diara aihka nani ra "Sain nani" wisata.

Bakusin Jan param ulbi sakan dia mita pris tara nani ba Jisas ra misbara kaiki kan ba, bara dusprihni ra pruaia ba dukiara sin ulban. Jisas ba Gad baku kan! Jan naha marikisa Jisas ba ridi taki kan "Gad Syipka Luhpia" takaia, baha tasba saurka brih saki ba. Jisas, ai wina tara ba sakripais kasak pali baku yaban, Gad makaban ba kat, Tasba saurka suih tikaia dukiara.

Jan lukanka ba naha kan: Witin ai smalkanka (Bila yamni nani ba), aisikakaira nani ba Jisas ra kasak lukbia bara raya bankaiara laka bribia. Kasak puri sunisna naha "Bila yamni nani" Jan wauhkataya ra ulban na, man nani tam bribia Jisas ra kasak lukaia bara rayakam ra Witin brima Sasakrikam bara Dawan kam baku. Jisas sika rayaka ba, bara Witin sans maikisa man wal iwaia bankaiara kat. Naiwa pali rayakam daukanka almuk ba suaisma wis, bara Witin ba rayakam ra briaisma. Tinki pali wis rayaka raya maiki ba dukiara. Liliam bris yu bani Witin wal prin lakara wal iwikira. Yu bani kupia laka dauki wal iwi bas. Wala nani sin aisas naha Kraist ka yamni pali na dukiara. Witin nanira sin latwan kaikisa bamna!

—(Mrs.) Vicky R. Benson

Copyright 1980 by Vicky R. Benson

DAWAN BILA NAHKI STADI MUNAIA BA.

1. Dawanra puram suni hilp makas. Man Dawan hilpka *nit* sma, Baibil ra dia lan takisma ba tanka briaia dukiara. Lawana nani 119:18 ba man puram sunra bris: **"Naikra nani langhs, bara yang lamka yamni ka nani ba kaikamna"**.

2. Tiks ulbanka bani ba tankira aisi-kaiks, plis kum bin apu kakara. Ani bila kau man mampara kulkanka brisa kaka, mununhtara lain kum wal mark muni suis. Kupiamra bribas Gad ai bila bâk ku manra aisi sa.

3. Baibil tiks ka bani wina makabanka nani ba ansika yas.

4. Ansikam nani ba laki kaiks, nina tani pura taya prakaika bilara nani ba wal.

5. Tiks yaban nani ba sinskam ra lan taks. Tiks bani ba bilam baikra karna wal aima ailal aisikaiks lan takma ba kat, lan takaia tikska nani ba kaikras aisama ba kat. Bankra sipsma tikska nani bara tanka nani ba sin ulbi saki briaia, winamra brih taukaia dukiara. Yu banira bilam baikra karna wal aisi wibas kupiam kraubia dukiara. Prinkam kum kum ra aisi wis, baku bara witin anira mistik bara ba sip kabia wapni daukaia. Apia kaka tikska nani kaikras kira ni ulbi saki, bara praki kaiks pain ulbram sapa. Pain lan kama sin tikska nani ba, wik banira aima kum aisi kaia sma, wik matlalkahbi pura kum. Baha ninkara kati bani aima kum. Naha "ritska



yamni” Kupiamra manki brima taim, turkam aisara bara daukankam nani ba sat wala kabia. Tiks wala nani sin pliki lan takis.

6. Gad bila aisikaikram ba luki kaiks, stady muni bara sinskam ra lan taki wal. Gad bâk sakan pramiska kum brisa, baha nani kakna kra, tihmya kra ai bila tanka ra luki kaiki ba dukiara:

Pyua bani Dawan laka bila wauhkataya ba aisi kaiki bas, kakna bara tihmia bahara dia daukaia ulban ba dauki kaia dukyara. Baku diara sut daukisma ba, yamni man takbia.
—Jasua 1:8

Sakuna witin Dawan lâka ra ai latwanka laka ba brisa; bara baha lâka dukyara kakna ra tihmia ra sin ai kupia wal aisisa. Bara baha uplika ba dus kum baku sa, awala lamara mangkan ba, ai pyua kat ai ma saki ba ai wahya nani ba sin srarwas sa. Bara diara sut witin dauki ba yamni man takisa!
—Lawana nani 1:2, 3

7. Gad dia aisiba alki dauks. James 1:22 ra wan aisi wan wisa, “**Sakuna sturi yamni na walaia baman apia, dia wiba alki daukaia sa; kan baku daukras kaka, winam ra kunin munisma.**” Gad waitna ba praki kaikan bara ai bila nani ba walisa sakuna alki lika daukras, waitna tanis ba auhya ra ai watla bapan. Bara li auhwi lisamra dikan bara baha watla auhya ra bapan ba, kauhwan bara sauhki tikan. Bansakuna baha waitnika, mairka bara tuktanda nani Jisas smalkanka *bila wali* bara *alki dauki* ba waitna sinskira baku sa, baha ai watla walpara bapan ba. Pasa krawan, li auhwan bara lisamra balan, bara ai watla ba kasak karna pali bui kan, walpara bapan mita. Gad dia wan wi ba kat alki daukisma taim baman yawan sipso spirit ra pawaiya bara Gad wal kau pain kakaira takaia sipso. Wauhtaya kumra man dia daukaia lukisma ba (plan) bara alki dauks. Dawan man wal kabia bara witin help mai munbia.

2

¹⁴Baha Bila ba, upla takan bara yang nani tilira iwan. Bamna yang nani ai prana ba kaikri, baha prana Aisa Luhpia kumi baku Gâd wina brin ba.

¹⁵Jan, witinka dukyara witnis aisi, naku win: “Naha sika baha yang witin dukiara aisi katna ba nani aisi; witinka nini ra aula ba lika, yang wal kau tara sa; kan yang apu kapri bara, witin pat bara kan.” ¹⁶Yang nani sut, wi-

tin ai yuyaka tara nani ba wina, yamnika sât, sât nani bri bangri sa. ¹⁷Gâd mita lâ ba Moses bak yan kata; sakuna latwan laka bara kasak tanka ba lika, Jisas Kraist bak baman lika sip kata. ¹⁸Upla kumi sin Gâd ba kaikras pali sa, sakuna ai Luhpia kumi baman, witin sika Gâd, Aisa lama pali kat wal asla iwi ba witin mita sika. Gâd tanka ba wan marikan.

Wark daukaia nani.


A. Makabanka banira ansika ba uls. Sip ansa munras mai munbia kaka makaban ka banira, Baibil sturka ba kli aisi kaiks.

1. “Bila ba” ya kata? _____ (burs 1)
2. “Bila ba” anira kan? _____ (1)
3. “Bila ba” witinra dia bara kan? _____ (4)
4. Ingni ba anira ingwisa? _____ (5)
5. Yaura Gad mita blikan ingni ba witnis ka aisa-ia? _____ (6)
[Naha na Jan Tatabra kata, Jan wala naha smalkanka ayul-bra lika apia.]
6. Ya nani mita Jisas ra briras kan? _____ (11)
[Nisan kum baku mita lika, Israel bui. — Gad ai uplika bak sakan nani mita — Kraist ra briras kan.]
7. Jisas brin nanira dia karnika yaban? _____ luhpia _____ karnika ba yan. (12)
8. Witin nani Gad luhpia sa, “diara nani paskan ka ba wina _____, baku sin upla _____ baku sin _____, sakuna _____ mita ai karnika wal mangkan bamna.” (13)
[Upla kum Gad luhpia takan ba, baha Gad mita witinra

4

8. Dawan Gad bila ba upla wala aikuki sir muns. Simbaku dia pamalikam wal lan takram ba upla wala nani ra sin smalks. Klismalkan 6:7 ra naku wisa: “**Bara luhpia nani ra ban smalki bas. Wamtlra ra kama, yabal ra kama sin baha dukyara aisi bas. Aitnikisma pyua ra, krikrikam wina kli buisma pyua ra sin.**”

STURI 1. JISAS KRAIST UPLA MAWAN RA BALTAKAN-KA TARA BA.



Jan 1:1-18

¹Tasba na kau paskras kan bara, Bila ba pat bara kan. Bila ba Gâd wal kan bara witin sika Gâd kan ba. ²Ta palira, bamna Bila ba Gâd wal kan. ³Witin bak Gâd mita diara sut paskan, witin apu kira diara nani bara ba, kumi sin paskras kata. ⁴Witin ra raya kaia laka ba bara kan, bara naha rayaka na sika, upla nani ingnika kan. ⁵Naha ingnika na, tihmu tara tilara ban ingwisa, bara tihmu tara ba mita

sin sip daskras, ban ingwisa.

⁶Waitna kum bara kan nina ba Jan, witin ra Gâd mita blikan, ⁷naha ingnika dukyara witnis aisaia, bara baha aisanka ra upla sut kasak lukbia. ⁸Jan ba naha ingnika apia kan; sakuna Gâd mita witin ba blikan, naha ingnika dukyara aisaia. ⁹Ing-nika kasak pali upla sut ra ingwi ba, naha tasba ra aula sa. ¹⁰Baha Bila ba, naha tasba ra kan; Gâd mita witinka bak, naha tasba na paskan, sakuna naha tasba ra iwi nani ba mita, witin ra kaikras kan. ¹¹Balan ai tasbaia palira; sakuna ai uplika nani mita, witin ba briras kan. ¹²Sakuna, ya nani witin ra brin; bara kasak sin lukan; nani ra, witin mita naha uplika nani ra, Gâd luhpia takaia karnika ba yan. ¹³Witin nani Gâd luhpia sa, diara nani paskanka ba wina lika apia, baku sin upla brinka bak sin apia, sakuna Gâd mita ai karnika wal mangkan bamna.

3

diara aihka daukan sa. Kristian kum luhpia bara wisi baku takras; uplika want bara wisi lika baku takras; bara baku sin takras upla want sa man ba kli aisubi takma. Kli aisubi taka-ia ba Gad karnika mita sa.]

9. Bila ba dia takan? _____ (14)
10. Bila ba anira iwan kata? _____ (14)
11. Kraist brisma bara dia dukia nani brisma? “Kan witin ai _____ tara nani ba wina, _____ sat, sat nani bri banghri sa” [blisin nani] (16).
12. Upla kumi sin Gad ba kaikras? ya sip kan ki balaia Gad ba wan marikaia dukiara? ai _____ kumi baman (18).
[Jisas sika Gad bamna, Witin sip kan tasbara kaia sim minitkara ai Aisa wal kaia, ai pliska bankaiara iwi kan bara. (Burs 18 ba wihki burs 1 ba wal praki kaiks.)]

B. Naha tikska na ulbi bara sinskam ra lan taks: **Jan 1:12.**

Jisas ba Gad sika—Witin upla natkara balan.

Yawan Jisas Kraist briaia bara ai nina ba kasak kulkaia, kuna baha kainara yawan kasak pali sa nu takaia *Witin ba* ya sapa. Kan burs 18 ba bila wisa Jisas balan naha tasbara Dawan Gad ba wan marikaia dukiara, kan upla kumi sin Gad lamara sip waras kan Witin nahki pali ba kaikaia. Gad prana ba ingni pali sa. Gad ba Holi pali sa bamna.

Waitna ba saura kira bamna, spirit tanira tihmyatara ra iwisa. Tasba na sibrinkira palisa kan Gad kaikras bara Witin wal sin iwras bamna. Bansakuna yawan burs 5 ra kaikisa, tihmyatara ba ingni ba mapara sip pura luras kan.

Baibil bila: “**Gad ba ingni sa, bara witin ra tihmu kumi sin apu sa**” (1 Jan 1:5). Jisas, Gad baku “**Ingni Kasakkira**” makan (Jan 1:9). **Ingni Kasakkira** bak ku, waitna ba witin silp ra kaikisa nahki *pali* kat saurakira kum ba. Bara **Ingni Kasakkira** bak ku, witin sip sa Gad ra kaikaia ai prana aiska *pali* ba kat. Bakusin kaikaia sip sa waitna ba rait *pali* nahki kaia ba.

5

Aihka prana pali sa, wan tasbaia saura kira, sibrin kira ra “Ingni Kasakkira ba (Jisas) bal ingni daukisa Gad wan marikaia dukiara! Tuktan mairin lupia kum aisata baku,” Gad lilka kau painkira alki sakan ba sika Jisas! — Upla kum ra waitna ba sipkan kaikaia, walaia, bara kangbaia sin, ai mihta ni. Jisas ra.

Jisas ba waitna nani tilara iwan. Tanka upla tilara iwan. Baha bila “iwan” tanka lika *tent watla* daukan. Burs 14 ra wan wisa. Baha sin wan wiaia wantsa, Jisas yawan nani tilara iwan. Testament Almukra, tent watla ba tempel kum kan kuna karpa wal paskan kan. Gad mita marikan nahki paskia ba, Israel uplika nani mahka plis kum wina plis walara impaki kan taim ai sturka ta krian pyua ra. Tent watla ba pas daukata — kau kaina mapara Tempel watla ba makan Jerusalem ra. Bahara Jehova Gad iwiki ai uplika bak sakan nani ba tilara. Kau kaina mapara, Israel uplika nani Gad mawan ra saura daukan, bara Gad prana ba Tempel ba wina taki wan. Bansakuna nanara Jisas Kraist wina tara ra, Gad kli balan selp ai tawanka bara ai uplika nani tilara! Sari pali apia sa ki upla ailal naha sip kaikras muni banghwi ba? — Bansakuna baha uplika nani Gad ra kasak lukan nani Jisas ra Gad prana ba kaikan (burs 14) witin balan taim.

Jisas ba Gad bila sa.

Baibil bila wisa: “Man bilam ba, yang mini nani lampka kum sa, bara ingni kum sa yabalkira” (Lawana nani 119:105). Jisas nina wala ba lika “Gad bila ba.” (burs 1 ba burs 14 ba wal praki kaiks.) Baibil ba, Gad bila ulbi sakan ba sika, bara Jisas sika Gad bila raya bankaya ba, kan Gad sika Jisas Kraist bakku uplara Witin param takan.

“Patitara pyua ra, ai dahra aisasara nani bak Gad wan damika nani ra natka sat, sat ra aima ailal aisin; bara nanara naha tnata yua nani nara lika, witin mita ai Luhpia bak wan aisin sa (Hibru nani 1:1, 2a).

6

Jisas ba Gad Rayaka sa.

Aima kum pan man aihka damhra walram ki, Kraist wan kupiara brisuya bara yawan Gad luhpia taki ba dukiara? Naha na baku sa kan, “Rayaka ba Witin ra kan bamna” (burs 4).

Paspali ra yawan Jisas ra kaikisa diara rayaka bri nani ba paski kan (burs nani 3 bara 10). “Witin bâk Gad mita diara sut paskan ba Witin dukiara. Bara Witin ba diara sut kainara pat bara kan, bara diara sut ba Witin ra raya iwisa” (Kolosi 1:16b, 17). Jisas ba, Gad baku, rayaka sut *karma* sa. Bakusin Witin rayaka sut *alki brisa*. “Kau Witin mita ni upla sut ra rayaka yabisa, pasa, diara wala nani sin sut...Kan Witin taka mita sika yawan raya sa, ayawisa, nara sin banghwise” (Wark nani 17:25b, 28a).

Dia natka ba kat waitna ba solka kum raya iwi kaia takan, Gad mita waitna ba paskan taim kakma ra rayaka winghka ba puhbi yan, baku sin Jisas ra karnika yaban wina tara bani purara, ya Witin ra aula nani ra raya bankaya laka yabia dukiara (Spirit tanira) (Jan 17:2). “Ani uplika Gâd Luhpia bri ba, witin naha raya kaia laka na sin brisa; sakuna ani uplika Gâd Luhpia briras ba, naha raya kaia laka na briras sa” (1 Jan 5:12).

Man pat rayaka raya briram ki—Spirit rayaka—Jisas briram taim bara Witin ai ninara kasakkam lukan ka witin ai ninara mangkram bara? Man baku pat daukram sa kaka, man ba Gad luhpia kum sma, Gad wina aisubi takram, bara man Witin ai rayaka bankaia ra ba brisma. Witin ai ingnika ra wapisma bâra, ai tanka kau param kaikisma rayakam ra, bara man blesin yamni nani sin bri kama witin ai rayaka ra dimi iwisma bara. Man kau Witin ba brirasma kaka. Dia mita naminit makabras ai rayaka ra dimaia, bara rayakam raya yabaia—bankaia ra raya kam ba?

Kasak pali nusna man durkam ra upla kinghbi kan pat bukut bram. Naminit pali Jisas man namiara sa, kupiam durka ra kinghbi sa. Witin pramis daukisa, “Kais yang dur ra kingh-bisa; ya yang bili baikra wali dur ba kuakbia kaka, ai watla ra dimi witin wal plun pimna” (Param Marikan 3:20).

7

STURI 2. JAN TATAHBRA BA JISAS YABALKA RIDI DAUKI SA.



Jan 1:19-34


¹⁹Ju nani Jerusalem wina, prist bara Libait nani saki Jan ra blikan, makabi walaia, witin ba ya sapa. ²⁰Bara Jan lika, ai tanka yukukras param pali saki, win: —Yang lika Misaia apia. ²¹Kli prist bara Libait nani bui makabi walan: —Ban kaka, man ba ya? Man ba dahra aisasara Ilaidya? Pana Jan win: —Yang baha apia sni. Witin nani kli, kli makabi wali kan: —Bamna, man ba baha dahra aisasara balaia kata ba ki? Bara Jan, witin nani ra win: —Apia. ²²Kli aisi win: —Ban kaka, man ba ya? Yang nani ra ai blikan uplika nani ra, bila brih waia sna. Bamna man pali dukyamra

dia wan wiaia sip sma ki? ²³Jan pana win: —Yang sika upla iwras tasbaia ra bila baikra kum wini ba: “Dawan kainara yabal wapni kum dauks”, dahra aisasara Aiseya aisin ba baku. ²⁴Parisi nani mita Jan wal aisaia blikan uplika nani ba, ²⁵makabi walan: —Bamna man ba apia, Ilaidya sin apia, bara baha dahra aisasara ba sin apia, baku kaka diakan upla nani ra tahbi daukisma? ²⁶Jan pana win: —Yang lika li ni upla tahbi daukisma, sakuna man nani tilamra kum bara sa, man nani witin ba kaikras sma. ²⁷Witinka yang nini ra aula. Yang witin suska awa pan sin langkaia aitan apia sni. ²⁸Naha diara sut na, Jordan awala lalmika tanira takan, plis kumi nina Betania wi bara; bahara lika Jan upla nani tahbi dauki kan.

²⁹Yaprika wala, Jan kaikan Jisas witin ra aula kan, bamna upla nani ra nan win: “Kais man nani, naha waitnika aula na sika, Gâd Syipka Luhpia, naha tasba saurka bri saki ba. ³⁰Yang witin na dukyara sika aisi, nan wisatna ba: ‘Yang nini ra upla kum aula ba sika, yang wal kau tara sa, kan witin lika

8

yang apu kapri wina ban bara sa.” ³¹Yang sin, witin ba ya sapa kaikras katna, kuna upla nani ra li ni tahbi dauki balri, Israel uplika nani mita witin ba kakaira takbia dukyara.” ³²Bara Jan naha sin win: “Yang kaikri Spirit Hulikira butku baku, kas-brika pura wina bal iwi witinka pura kat takaskan ba. ³³Baha kat sin yang witin ba ya sapa kau kaikras katna; sakuna witinka li ni tahbi daukaia ai blikan ba mita ai wisata: ‘Ani waitnika pura ra Spirit Hulikira ba bal iwi takaskan kaikma ba, baha mita



sika, Spirit Hulikira ni tahbi dauki ba.” ³⁴Pat yang mita kaikri, bara baha witniska sin aimakisna: witin sika Gâd Luhpia ba.”

Wark daukaia nani.

Lain ba purara ani bila ulbaia kan ulbras ba, baha bila ba uls.

1. Jan Tatahbura bila witin sika upla _____ tasbaya ra _____ baikra kum wini ba (23).
2. Jan Tatahbura prapit Aiseya aisan bila ba aisi win, “Dawan kainara _____ kum _____ dauks” (23).
3. Jan Jisas dukiara aisi win, “Witinka yang _____ ra aula ba. Witin pas yang kainira kan (27-30). [Naha wiaya want sa, Jan Tatahbura bal Jisas yabalka ridi daukan, kuna Jisas kau kulkan ka tara brian. Jan witin silp dukiara naku aisin. Yang Witin suska awa pan sin langkaia aitan apia sni. Jan nukan, Jisas, tara pali ba tanka.]
4. Jan, uplara Jisas dukiara naku aisi wikan: “Kais man nani, naha waitnika aula na sika, _____ Shipka _____, naha tasba _____ bri _____ ba” (29).
5. Jan li wal tahbi dauki balan Jisas ra kakaira takbia dukiara _____ uplika nani mita (31).

9

6. Jan nukan, Jisas, Gad Luhpia ba (Gad waitna baku aisubi takan ba). Kan Gad Spirit ka kasbrika pura wina _____ baku bal iwan, bara Witin ai pura kat takaskan (32). Naha sin sain kum kan, baha Jisas _____ ni tahbi daukbia ba sainka (33).

Jisas yabalka Ridi Daukikan.

Mani 400 luan nani ra, Gad mita bak sakan nisanka Israel ba, prapit kumi sin briras kata Gad bila witin nani ra brih balaya dukiara. Testament Almuk ba lika bri banghwi kan, la nani ba nu takaia dukiara, bara Gad pramiska nani sin. Witin nani nu kan Misaia ba, Gad, suaki sasakra bâk sakan ba, yu kum balbia bara Israil purara rul munbia. Aisia bila win, mairin tiara kum wina aisubi takbia, bara Imanyuil baku dahra aisia (Aiseya 7:14). Tanka lika "Gad yawan nani wal sa." Maika (Mikeas) kaina manis aisan kan, Witin ba Betlehem ra aisubi takbia bara Israel Dawan ka kabia (lalka tara) (Maika 5:2).

Man lukrasma ki upla nani ba ta iwi aihka ai dahra wali banghwikan, bara sin lilia banghwikan Jan Tatahbra ra wali naku smalki kan taim: man nani ridy taki banghs Dawan aula ba dukiara. Nahki upla nani ba *sipkabia* ridi takaia? Matyu wauhkataya ra wan wisa, Jan Tatahbra naku smalki kan: **"Man nani kupiam laks, kan Gad King aimaki laka ba pat baila sa bamna!"** (Matyu 3:2). Upla ailal pali Jan Tatahbra mita tahbi daukan kata Jordan awala ra, "Ai saurka dahra aisi sakan ninkara". Kan upla kupia nani ba kaina manis pat ridi kaia sa, Jisas briaia dukia ra, ai saurka nani ba swiaia, kasak pali lukaia sa, (ai kupia lakaia). Yawan nani wan saurka nani ba swiaia ridi taim—wan daukanka saura nani, lukan saura nani, Gad mapara bara waitna mapara daukanka satka nani ba swiaia—ba taim yawan nani ridi sa Jisas ba, Gad ra waia yabalka baku kaikaia, bara wan King ka bara wan Dawanka baku briaia. Jan tahbi daukanka li ra dauki kan ba, saurka nani wan kupia wina sikbi saki ba marikaia want kan. Jisas lika Spirit Holikira wal tahbi daukbia wan saurka nani ba pata klahwi ba ni klin wan daukbia dukiara (Matyu 3:11, 12) ba-

10

kusin rayaka raya wapni kum wankaia dukiara (Kraist rayaka yawan nani ra). *Man* Gad ra pat saurkam dahra aisi wiram ki?

Jisas, Gad Ship ka Luhpia Ba.

Israel uplika nani kasak pali nu banghwikan ship luhpia kum ba kulkanka tara briba Gad wark ka nani dukiara yus munikan ba. Mani handad nani ailal luanra, Isrial uplika nani Igip ra alba laka ra bri kan taim, Dawan Gad Fero kupiara aisan ai uplika nani pri lakara suika wabia dukiara, Egip wina. Gad yus munaia kan sauhkanka satka matawalsip nani, Fero baha uplika ailal nani ba pri lakara swika wabia dukiara, upla nani ba 2 milian baku praiska kan. Lâs sauhkan ka ba kau saura kan, baha sika Dawan ba Igip tasbaia ku lui waikan, bara baha tihmika pamali bani luhpia tahwakia bani ba pruan kabia.

Bansakuna natka kum bara kan, nahki suakwaia ba. Upla bani ra adar kum yan kata Gad wina, bila kat wali daukbia ba, tahwakia prubia apia. Gad adar yan ship luhpia kum taya ra mark apu klin kaka ikbia. Bara baha talia ba brih utla bani durka nayara sain mankbia talia ba ni, bara durka pura ra sin. Bamna Gad baha sainka dur naya nani ra kaikuia bara witin baha watlara dimras lui auya, bara luhpia tahwakia ba prubia apia. Ba mita Isrial uplika nani baha pyua wina mani bani insal luan liliaka daukisa, ai kupia krauki, Gad, "witin nani ai purak ki la dauki luan ba," kan witin nani ship luhpia talia ni ai durka pura ra, naya nani ra sin sain mangkata (Naha sturka na Impakan sturka 12:1-42) ra sa).

Nahki painkira sa, Jisas, Tasba aiska mawanka ra aima pas trip taki sa, "Gad Ship ka Luhpia!" baku. Witin balan kan sakripais



11

daukaia ship ka luhpia baku, kasak pali saurka apu kira, baku mika ai talia pranakira laikuia ba bri upla kupia durka un, bara naya nanira sain mankbia, bara Gad laka wan saurka tawan la daukaia balbia taim, kraist talia sainka ba kaiki "wan purak lui wabia." Hibru nani 9:22 ra naku wan wisa: **"bara tala saki laikras kaka, saurka nani ba sip swih tikras sa.** (Saurka nani ban swih tiki ba)." Libait Laka 17:11 ra naku wisa "... kan tala ba sika upla rayaka mana aibapi ba." Mani nani luan ra ship nani sut sakripais daukan ba, Jisas "Gad Ship ka Luhpia", baku balaia kan ba dukiara tanka mariki kan, ai talya laikaia, bara ya uplika witin ba ai sasakrika (suaki sasakrika) baku bribia kaka sip kabia ai kupia durka pura ra tala sainka briaia. **"Kasak pali mai wisna: Yang aisisna bara ya aman walisa, ai blikan bara sin kasak lukisa kaka, witin raya ban kaia laka ba brisa, pât ra sin lulkan kabia apia; kuna pruan wina taki pat raya kaiara luan sa** (Jan 5:24).

Aiseya 53:7 wan wisa **"bara ship baku ikaia pliskara brihwan."** Jisas pruaia balan naha tasba uplika saurakira nani swaki sakaia dukiara. Dia mita tingki wiras ai bila baikra tara wal, Witin ba Gad Ship ka Luhpia, ba dukiara, witinka talia laiwan *man* dukiam ra bara saurkam nani klin dauki ba? Gad tala ba kaiki bara man saurkam nani ba witin kaikras. Witin Kraist sakripaiska kasak pali bâ man kaikisa, kan witin wan saurka ai purara brih twilkan, bara lâ mihta ra aimakan yawan nani wan sirkara (widiska ra) Gad ra mayuns!

Saurka sut wina suakuia want sma ki?

Jisas ki baman karnika brisa.

Raya iwi holi lakara lilia iwaia want sma ki?

Jisas ki baman karnika brisa.



**ATKI SAKAN tanka ba KUMIRA Gad wal asla
sa kan Jisas talya ba wan saurka wina
klin wan daukisa bamna.**

12

STURI 3. JISAS WAL KAKAIRA TAKAN.



Jan 1:35-49

³⁵Yaprika wala, kli Jan bara kan, ai nina blablikra wal ba kira. ³⁶Jisas bal luya kan kaiki, Jan mita naku win: —Kais man nani, witin sika Gâd Syîpka Luhpia ba. ³⁷Jan nina blablikra wal ba mita, naha aisin walan bara, mahka Jisas nina blikan. ³⁸Bamna Jisas ai nina ra tauikaikan, baha nani ai nina blikan, bara naku wisata: —Dia pliki bangwisma ki? Witin nani bila: —Smasmalkra. Anira takaskisma ki? ³⁹Jisas pana win: —Man nani bal kaiks. Bamna witin nani wih kaikan, Jisas anira takaski kan pliska ba; bara baha yua kau taka ba, witin nani Jisas wal takaskan; kan pat tutni 4 aklak kan bamna. ⁴⁰Jan aisin wali, waitna wal taki Jisas nina blikan ba wina, kumi ba nina

Andru maki kata, witinka ba Saiman Pita muhnikan kan.

⁴¹Andru ai muhni Saiman pliki saki, naku win: —Yang nani Mesaia ba sakri (baha tanka lika Kraist). ⁴²Ningkara Andru mita Saiman ba brih wan, Jisas bara kan ba kat, bamna Jisas kaiki, naku win: —Man ba Saiman, Jan luhpia, sakuna Sipas mai makan kabia (baha tanka ba: Pita).

⁴³Yu wala Jisas Galili tasbaia ra waia luki kan bara, witin Pilip wal prawan, bara witin ra naku win: —Nini blik. ⁴⁴Pilip lika Bitsaida taunka wina kata, Andru bara Pita taunka ba. ⁴⁵Bamna Pilip lika wan Nitani pliki, bara naku win: —Yang nani waitna kum kaikri, witinka dukyara Moses bara dahra aisasara nani mita ulban kan ba. Baha ba lika Jisas Nasaret wina, Josep luhpia ba. ⁴⁶Nitanil bila: —Nasaret ba wina ban diara pain bal takbia ki? Pilip mita win: —Bal kaiki, tankam bris. ⁴⁷Jisas kaikan Nitani ai lamara aula kan, bara witin dukyara naku win: —Kais Israel waitnika pali kum aula ba, witinka ra kunin apu ba. ⁴⁸Nitanil makabi walan: —Nahki ai kaikisma ki? Pana Jisas bila: —Pilip kau mai

13

winras kan bara, yang pat mai
 kaikri kan, kwah damni dusa
 munuhnta ra katma bara.
 49Bamna Nitani bila: —
 Smasmalkra, man ba Gad Luh-
 pia bara Israel Kingka sma.



Bal bara Kaiks.

Jan Tatahbra disaipil ka wal ba, Jisas dukiara kau nu takan dauki kan, Jan naku aisi kan taim: Kais man nani, naha waitnika aula na sika, “Gad ship ka Luhpia ba!” Witin nani Jisas ba anira iwi sa, sapa tanka pliki kaikaia luki banghwan. Jisas witin nani ra paiwan, “balbia bara kaikbia.” Man nani tankam briaia sip sma ki, dia sat sturka yamni nani aisan sapa Jisas wal naha disaipilka nani! Witin nani diara ailal Jisas tanka dukiara lan taki banghwan. Kan naha luan tisku pali kan, waitnika nani wina kum, Andru, mita ai muihni Pita ra win, Witin nani Misaia ba saki banghwan!

Misaia tanka ba “blis munan”—Baha uplika Gad mita prapit, pris bara king baku blikaia kan ba, Israel pura ra rul munbia lalka tara baku, bara King baku. Testament Almur ka prapit ailal naha bâk sakan waitnika aula ba dukiara ulbansa. Mosis pali sin ulbansa Witin dukiara, Mosis ra Gad mita naku wisata, “Ai muihni nani tila wina prapit bukamna, man baku; bara ai bilara, yang bili yamni nani ba mankamna, bara witin, yang dia wimna ba sut pali aisi kabia” (Kli Smalkan 18:18). Kau naika kan bara Jisas ai pyuara naku win “Aisa ai smalkanka ba baman lika aisisni” (Jan 8:28b). Naha waitnika nani aihka pali ai dahra wali banghwi kan!

Man ka Jisas tanka nu takan mai daukisa ki? Witin wina kau lan takan mai daukisa ki? Nu takan mai daukisa ki ya ba Jisas sapa? Jisas naiwa man ra naku wisa: “Bal bara kaiks.” Diara nani ba plikuma bara sakisma, kaikisma. Jisas naku win: “Pliks, bara sakma” (Matyu 7:7). Man Jisas ra balma kaka,

14

man sip kama *kaikaia*! Witin wal takasma bara wal mai swika aisama kaka ai bila ba wal, Witin mai marikbia Witin ba rait pali ya sapa. Man selp wal kakaira taka sipsma! “Yang witin nani ra kupia yabam na, bara witin nani ai kaikbia yang na Jehova sna, bara witin nani upliki nani kabia, yang sin witin nani ai Gad ka kamna. Kan witin nani ai kupia aiska ni yang ra kli tau balbia bamna” (Jirimaia 24:7).

Jisas dukiara witnis aisi sa.

Upla kum Jisas ra aula bara Witin ba ya pali ba kaikuya taim, Witin dukia ra upla wala ra aisan daukisa! Jisas dukiara dia nu ba upla wala smalki sir munan daukisa, bara baku mika ai panika nani sin “bal bara kaikbia” dukiara. Man Jisas wal kakairasma kaka, bara Witin wina diara lan takisma kaka; man naha sturka yamni na upla wala aikuki aisi sir munisma ki?

Man mampara Jisas ba ya sa kaka, lain nani ba pura ra uls:

Gad ra sans kum makas, man naiwa upla kum wal witin ai dahra aisi sir munaia, baku mika baha uplika sin sip kabia “bal bara kaikaia.”

STURI 4. JISAS MARIT PATA KUM RA LILIA DAUKISA.

John 2:1-11
 1Yu yuhmpa aimakan ra, marit laka kum bara kan Kena, Galili tasbaia ra. Jisas yaptika bara kan, 2bara Jisas ai disaipilka nani wal sin, marit patara paiwan kata. 3Wain laya ba, dahn takan, bamna Jisas yaptika win: —Wain laya apu, dahn takan sa. 4Jisas pana win: —Mairin, diakan man yang ra baha ai wisma ki? Yang awarki ba kau balras sa. 5Jisas yaptika, wark dauki nani ra win: —Dia, dia witin man nani ra mai wibia ba, dauki bangws. 6Bahara li

15



watla walpa ni paskan 6 bara kan, Ju nani klin takaia dukyara yus muni kan ba. Laya watla bani ba, batil 50 tila nani ba 70 alki kan. 7Jisas wark tatakra nani ra naku win: —Naha laya watla nani na, li laiki bangki dauks. Baku bamna witin nani mita bangki daukan. 8Ningkara Jisas bila win: —Nanara wira laiki saki, naha lilia paiwanka ta

uplika bara brisi yas. Witin nani baku daukan. 9Bamna lilia dauki ta uplika ba, li wina wain daukan ba dih kaikan; baha ba ani wina takan sapa nu apu kan, sakuna alba nani li pangkan ba; baman lika nu kan, kan witin nani li ba pangkan bamna. Baku bara, ta uplika ba, marit waitnika bara winan, 10bara naku win: —Upla nani sut ba, wain pain ba pas taura uplika nani paiwan ra yui dakakisa, bara baha nani manis din bara lika, wain karna apia ba dakakisa. Sakuna man lika, wain kau pain ba alki takas-kram nana ra kat sakisma. 11Naha na lika, pas sain kata Jisas daukan ba Kena Galili ra; baha wal ai prana ba marikan, bara disaipel nani witin ra kasak luki bangwan.

Wark daukaia nani.

Lain nani ba pura ra sturi aisan bila nani kum brih uls.

1. Jisas yaptika mita wark dauki nani ra win, “_____” (burs 5).
2. Jisas wark dauki uplika nani ra win, sumi nani ba li laiki banghki daukbia, Witin nani li laiki banghki daukan, “_____” (7)

Bila walaia ba, lilia kaia kimihtika sa.

Jisas yaptika ba, bankra Jisas diara aihka daukan kaikras kan. Kuna witin nu kan Jisas sip kan ba *diara kum* daukaia help munaia dukiara. Nanara yawan nusa dia sat wainka yus munan ba

16

naha maritka patara, bla taki wainka apia kan. Naiwa yua nani ra upla wain paski nani ba sat apia. Laya ba auhni palikan, wain ma (grip ma) wina laya subi sakan. Swira laka kaia kan wain apu kan kata!

Bankra man ba pat Kristian kum sma. Dia, dia nitka briram ki naha yua nanira? Samtaim kupiam alki takaskaia nitka brisma ki? Kupiam ba imti sa ki lilia bara latwan laka sin apu naha minitka nani ra? Jisas man nitkam nani sut ba kaiki sa, dia sat, kabia sin. Witin yamni mai munaia want sa rayakam ra diara aihka kum dauki! Witin swiram takma wantapia sa Kristian rayakam ra, lilia laka, laman laka bara latwan laka uya brirasma taka. Witin pramis daukan “**ya witin ra kasak lukbia ba, ai swira takbia apia**” (Rom 9:33). Kuna baha ra sikrit kum bara ba, man nu takaiaasma sa! Bila wawalra kaia ba blesin kum sa. “**Diara sut witin mai wibia ba dauks**” (Jan 2:5). Yawan bila wali taim, Jisas diara aihka nani wan daukaia sip sa. Yawan ai bila walisa bara yawan mariki sa, Witin ra kasak lukisa.

Upla kum kra manra saura mai munan sa kaka, Man baha uplika saurka ban swih tikram sa ki? (Matyu 6:14, 15). Man heven ra kukan kam daukisma ki? (Matyu 6:20). Bankra lukisma man ba sipapia sma Gad wark ka ra wark daukaia. Kuna Jisas nu sa man nitkam nani ba. Witin ra kasak luks bila wali kira. “**Jehova bila, man nani baku dauki traiki kaiks, man nani kaikma kasbri-ka purara windarka nani ba bukutbi, yamnika ailal man nani sut puramra yakabras kamna sapa**” (Malakai 3:10b).

“**Spirit ni aibanghwi bas,**” Gad bila naiwa (Epesus 5:18). Kristian kumi sin lilia lakara iwbia apia, Gad Spirit ka ni aibanghras sa kaka yu banira.

Bankra man Kristian apiasma. Bankra rayakam ba suapram baku damhra walisma. Man sin Jisas adarka bila wali daukaia sipsma. Witin ra bal bara ai rayaka ni aibanghs—lai pura pali kat. Witin bila wisa: “**Sakuna yang balri na lika witin nani raya kaia laka bribia ba dukiara, bara baha sin manis pali bribia mata**” (Jan 10:10).

17

Wark taki uplika nani *ai bila kat* wali daukan. Witin nani sumi nani ba li bakriki man laikras kata. Sakuna banghki pali laiki banghwata. Dawan Gad ra kupiam aiska kira ni bila walisma taim lilia bara yamni laka brih bali sa. **“Dia dia man nani daukisma bara wilinkira dauki bas, Dawan warkka daukisma baku, upla nani warkka daukisma baku lika apia. Bamna man nani pat kaikisma Dawan wina mamna brima kukan ka maikaia ba wina, kan man Dawan wark ka daukisma ba mita”** (Kolosi 3:23, 24).

Dia kum bara sa ki Jisas mamkaban ai bila wali daukma dukiara? Diakan naiwa daukras? Naiwa dauks.

Disaipil nani ba diara aihka daukan kaikan bara ai kasak ka lukanka ba kau karna pali kasak lukan — witin nani Witin ra kasak lukan. Bamna man Dawan Gad bila ba kat, bila wali daukisma kaka, bara Gad wark dauki ba kaiki, kasak lukankam ba sin paw sa. Kasak lukanka ba wan wina bunhka baku sa. *Yus muni* bara *iksasais* daukisma bara kau karhna takisa. Kaisa yu banira wan kasak lukanka wal nina blikaia. **“Kasak kira ba kasak luki ba mita raya kabia”** (Rom 1:17).

KASAK LUKAN LAKA = Diara sut lulki swiaia, witin ra kasak lukisni.

STURI 5. JISAS TEMPEL BA KLIN DAUKI SA.



Jan 2:13-22

¹³Insal luan yua Ju nani kulki

ba pat baila kan bamna, Jisas Jerusalem taunka ra wan. ¹⁴Tempel watla bilara kaikan upla nani ba bip nani, syip nani bara butku nani sin atki kan. Lalah sins mamunra nani ba sin, ai iwaika ra iwi, upla nani lalahka sins muni kan. ¹⁵Jisas baha kaikan bara kiwa lupia nani brin, bara wipaia kiwka kum paskan, bara tempel watla wina baha

18

nani sut kangbi sakan ai syipka bara bipka waihtka nani sut aikuki. Lalah sins muni uplika nani ra, lalahka tasba ra yakaban, bara tebilka ba makupan. ¹⁶Butku aiâtkra nani ra win: — Baha nani ba saks naha wina! Yang Aisiki watla na, sin atkaia watla baku daukpara! ¹⁷Baha kat disaipel nani ba Ulbanka ra aisi ba tanka bri bangwan: “Man wamtla na tawan, yang kupi aiska ni lauri.” ¹⁸Bamna Ju nani mita, Jisas ra makabi walan: — Dia sainka ni wan marikisma, man ba naha diara daukaia karnika brisma ba? ¹⁹Jisas pana

win: —Man nani naha tempelka na sauhki bangks, bara yu yuhmpa bilkara yang kli paskamna. ²⁰Ju nani mita win: —Mani 46 naha tempelka na paski tnata alkan, bamna man lika sip kama ki yu yuhmpa bilara paski tnata alkaia? ²¹Sakuna tempel dukyara Jisas aisi kan ba lika, witin ai wina pali dukyara aisi kata. ²²Jisas raiti wina buan pyua, ai disaipel nani naha dukyara ai kupia krauki bangwan; naha dukiara aisan ba, bamna Jisas bila nani ra kasak lukan bara Ulbanka nani ra sin.

Jisas dia nu kan ba.

Man damra walisma ki “Insal luan” ba dia tanka sa? Naha dukiara yawan wahya 10 ba ra aisikan. Jisas Jerusalem ra wan “Insal Luan” lilia ka daukaia dukiara. Tempel bilara upla nani ba kaikan bara Witin aihka pali ai dahra walata. Dawan Gad ra mayunaia pliska kum baku kaikras, bara sin walras kan, apia kaka Gad wan saurka ban swih tikbia dukiara plikaya pliska baku sin apia kan. Sim markit kum baku kan, bin aihka pali kan! Dawan baha tempeka ba wina laiura pali kan. Jisas kasak pali ai kupia sauhki lawan.

Rait lika upla nani ba nitkan daiwan lupia nani ba atki brih Gad ra sakripais daukaia dukiara. Bansakuna daiwan atki uplika nani mita praiksa nani ba uba mana pali atkikan, lahla ailal sakaia dukiara. Bara daiwra nani ba tempel bila kat atki banghwi kan. Sim baha tawan Jisas mita tempel wina kangbi sakan. Mark 11:17 ra naku wisa: **“Ulbanka nani ra naku wisa: ‘Yang waitla ba tasba aiskara upla nani ai pura sunaia watla makan kabia,’ sakuna man nani lika aimplikra watla daukram sa.”**

19

Jisas mita ju nani lalka nanira wisata, baha witin tempel klin daukaia raitka bri ba, tanka param marikbia. Witin nani (ju nani) mita tempel ba slingbi banghbia taim. Bara Witin Jisas mita yu yumpa ra kli bukan kabia! Witin nani siran tara iwi banghwan, kan witin nani nu apu kan Jisas ai wina tara ba dukiara aisi kan ba. Jisas nu kan ju nani lalka nani mita dus prihnira sabaikan ba. Baku sim witin nu kan dus prihni ra sabi ikbia ninkara yu yumhpa ra Witin kli buaya kan ba prura nani tila wina.

Jisas wina tara ba Gad tempeka kan.

Mani nani kaina ra luan ra, Salaman tempel pranakira kum paskan ba, Gad prana nani ni aibangwan kan. Kuna Israel nisan ka gad bahki nani ra mayunan taka Gad prana nani ba tempel ba wina taki wan, bara sauhki tikan. Kau kaina mapara tempel ba kli makan kata, baha nani kli Gad yabalkara balan dauki kan nani ba mita. Gad baha yua nanira aisi win: **“bara nesan nani sut want ba, balbia [Misaia] bara naha watla prana ni banghkanmi; baku win Jehova karnika aiska alki ba bila”** (Hagai 2:7). Jisas bara kan, tempel ra balan klin daukaia dukiara! Witin bara kan, param sin aisi wikan ai wina tara ba Gad tempil ka sa!

“Bamna Gad tanka nani ba witin ai wina aiska ra iwisa” (Kolosi 2:9).


“... Gad ba upla baku latan takan...” (1 Timoti 3:16).

“Tyara aihwa ba kwihra tiwbia, bamna ai luhpia waitna kum sakbia, ai nina ba lmanyuel makbia” (baha tanka lika: **“Gad yawan wal sa”**) (Matyu 1:23).

“Naha tasba wihtka nani wina kumi sin sinska laka na tanka briras kata. Witin nani tanka na brin kan sa kaka, Dawan pranakira ba dus prihni ra sabaia apia kan” (1 Korint 2:8). Kupiam krawisa, Jisas nahki praiksa ai prana marikan. **“Sturi 4 ra”** kaiki luram ba? (Jan 2:11). —Ju uplika nani lalka tara nani ba nu apu kan prana Dawanka ba witin nani ai tila-ra kan ba, Jisas wina tara ra iwiki bamna kasak pali kan ai tempeka ba klin daukaia!

20

Naiwa yuara Gad tempel ka ba anira sa?



“Man nani nu apiasma ki Gad tempelka sma ba, bara Gad Spiritka man nanira iwi ba?” (1 Korint 3:16).

Jisas upla banira iwisa, ya kasak pali ai kupiara brin ba, Spirit Holikira bak ku! **“Apia kaka kaikrasma ki man nani winam ba Spirit Holikira tempel ka ba, Witin sika man nani ra iwi sa, baha Gad wina bri banghwisma ba, bara man nani ba, man nani dukiam apia sma ba? Kan man nani sika mana tara ni mai atki banghwansa; bamna Gad ra mayuns winam tara ra bara Spirit kam ra sin, baha nani ba Gad dukia sa bamna”** (1 Korint 6:19, 20).

Nahki tara pali sa yawan nani mapara, rayaka Holi kum iwaia ba! Aima Kum sin yawan wan wina wal saurka daukaia apia sa, yawan wan rayaka ra Kraist brinsa kaka, baku sa kaka yawan na Witin ai wina piska kum sa, bara yawan Witin ra kasak pali lukaia sa. Gad ai raitka aiska brisa ai tempelka klin daukaia. Witin ai raitka aiska brisa, wan rayaka klin munaia, ani piska Witin ai kupia laka apia ba. Witin klin wan dauki bara kaisa ai mina ra bawi kap. Witin bila ba wal klin wan daukisa.

“Dia wal wahma ba ai yabalka klin daukbia? Man bilam dia wi ba kat dauki ba mita” (Lawana Nani 119:9).

“Yawan Gad ra wan saurka nani dahra sakbia kaka, Witin ba kasak sa, bamna kasakira baku wan saurka nani sut ban swih tikbia, bara wan watawan ka laka sut ba wina sikbi klin won sakbia” (1 Jan 1:9).

21

"Kuna Yawan (ai bila) ingnikara taukisa kaka, Witin sika ingnika, bamna wan walka aikuki wan tanka brisa asla lakara, bara Witin ai Luhpia Jisas Kraist ai talia ni wan saurka sut wina klin wan daukisa." (1 Jan 1:7).

Gad ba upla Kristian bani wina baman ai tempelka daukras, baku sin Kristian nani sut asla ba "Kraist wina" makisa. "Baku sin, yawan ailal na, Kraist ra prakan bara wina kumi sa" (Rom 12:5a). "Kraist ba wina tara lalka sa, baha sika surts ba" (Kolosi 1:18a).

"Jisas Kraist pali sika baha playa bapan walpaia kau tara ba. Bamma Kraist baha playka ba pura ra, utla ba ai pliska kat, kat bapan, ban taua, taua tempel hulikira kum takisa, Dawan wal asla lakara. Baku sin man nani, Kraist wal asla takram ba mita, wala nani sut ba wal asla taki utla kum takram, bara Gâd bahara iwisa ai Spiritka Hulikira bak" (Epesus 2:20b-22). Nahki painkira sa upla bani Gad wal iwi bara! Yawan traikaikaia sa wan Kristian ka wala nani ra kulkan ka yabaia bara latwan laka sin. Witin nani ra nahki praiska kulkan ka yabisma ba, simbaku praiska yawan Dawanra sin kulkisa.

Pal dukiara aisabia kaka, "Kanra yamni, wan kasak ka lukanka aiska wal pyua banira baku, nanara sin Kraist yang winira yamni daukbia, raya kamna kra apia kaka pruri kabia kra" (Pilipai 1:20b).

Yawan kasak wan dahra wali kap, baha wan wina — tempel nani ba pura sunra pliska nani sa, bahara yawan yu bani Gad wal aisisa bara yawan wan dahra walisa Witin wan lamara sa. Baha tempel ka ba yarka "aimplikra nani pliska takbiara", kan naha tasba dukia nani bara naha rayaka brinka nani ba mita Gad prana ba tihmu daukisa.

STURI 6. JISAS, JU NANI TILA WINA TA UPLIKA KUMRA NAHKI KLI AISUBI TAKAIA BA WISA.

Jan 3:1-8, 14-21, 36

¹Parisi waitna kum bara kan, witin ba Ju nani tilara kulkanka nina ba Nikudimus makikan; Nikudimus ba Jisas kaikaia wan,

22



bara naku win:—Smasmalkra, yang nani kaikisna wan smalkaia dukyara, Gâd mita man ba mai blikan sa; kan upla apu sa sain aihka nani daukaia, man daukisma ba baku; Gâd ba witin wal apia sa kaka. ³Jisas pana win:—Kasak pali mai wisna, ya kli aisubi takras sa kaka, witin sip Gâd king aimaki ba laka kaikbia apia. ⁴Nikudimus pana makabi walan:—Kuna, nahki upla kum pat tara pawan ba sip kabia kli aisubi takaia? Sip kabia ki ai yaptika byara ra aimaki kli aisubi takaia? ⁵Jisas mita pana win:—Kasak pali mai wisna, ani uplika li ni bara Spirit wina aisubi takras kaka, witin sip Gâd kingka tasbaia ra dimbia apia. ⁶Upla wina aisubi takan

ba, wan wina sika; sakuna Spirit wina aisubi takan ba, spirit sika. ⁷Aihka lukpara mai wisna ba dukyara: 'Upla sut ba kli aisubi takaia sa.' ⁸Pasa ba krauisa, witin ani tani wina kraun dauki bara; ai binka ba walisma, sakuna kaikras sma ani tani wina aula sapa bara ani tanira auya sapa. Baku sa ani uplika Spirit wina aisubi taki ba.

¹⁴Bara baku sin, Moses upla iwras tasbaia ra, pyuta pura ra bukan kata baku, Upla Luhpika waitna ba sin pura ra bukan kabia. ¹⁵Bamna witin ra kasak lukbia ba sut, raya ban kaia laka ba bri kabia.

¹⁶Bamna Gâd tasba ra uya latwan kaikan, bara witin mita ai Luhpia kumi baman bri kan ba yan; bara baku mika ani uplika witin ra kasak lukbia ba, sut pali tanis tiwbia apia, sakuna raya ban kaia laka ba bribia. ¹⁷Gâd mita ai Luhpia naha tasba ra blikras kan, upla nani na pâr ra lakaia, sakuna witin mihta swaki sakaia.

¹⁸Ani uplika Gâd Luhpia ra kasak luki ba, pâr ra lakan kabia apia, sakuna ya kasak lukras ba, witin Gâd Luhpia kumi baman bara kasak lukras bamna, pâr ra lakan kabia. ¹⁹Kasak lukras nani ba pat pâr ra lakan

23

sa; kan ingnika naha tasba ra balan bara, witin nani tihmia bara kau brin daukan, ingni ra lika baku apia, kan diara saura nani baman daukisa. ²⁰Saura dauki uplika nani ba sut ingni ra misbara kaikisa, bara ingni lamara sin balras, witin nani saura dauki ba param sakbia sia. ²¹Sakuna baha nani kasakka laka dauki ba, witin nani lika

sut ingni lamara aula, baku mi-ka kaikbia dia witin nani dauki ba tilara Gâd kupia laka sin bara ba.

³⁶Ya Gâd Luhpia ra kasak luki ba, raya ban kaia laka ba brisa; sakuna ya Gâd Luhpia ra kasak lukaia apia wi ba, sip baha raya-ka ba bribia apia, sakuna Gâd klalka saura pali ba bribia.

Wark daukaia nani.

A. Sturi aisi kaikram tila ba wina, bila nani bri lain nani ba pura ulbi banhki dauks.

1. Nikudimus ba _____ ju nani tilara. (burs 1). Witin Jisas kaikaia balan _____ ra (2).

[Jisas upla sutra help munaia want sa — lalahkira kra apia umpira kra, Sinskira kra apia aisi kaikras kra.]

2. Nikudimus lukan Jisas ba _____ kum Gad mita blikan balan (2).

3. Jisas pana win, Gad King aimaki ba laka kaikaia kaka, waitna kum ba _____ Takaia sa (3).

4. Waitna kum, Gad Kingka tasbaia ra sip dimbia apia, witin L _____ ni bara S _____ wina aisubi takras sa kaka (5).

[Nikudimus mapara li, tanka ba klin laka. Sturi 2 ra yawan nani kaikan nahki Jan Tatabra liwra tahbi daukikan upla nani ai saurka dahra aisi ai kupia lakuia taim. Jisas lika Spirit Holikira wal bal tahbi daukan bara uplara rayaka raya yabaia balan. Gad Kingka lakara dimaia dukiara, wan saurka nani ba sut swiaia sa, bakusin Gad Spiritka rayaka ba wan kupiara briiaia.]

5. Upla wina aisubi takan ba, _____ sika (6).
[“Wina” dukiara aisi bara, wan wina tara dukiara baman aisaras, bansakuna yawan ûn wan wina brinka dukiara sin aisisa (Rom 8:8, 9).]

24

6. Spirit wina aisubi takan ba S _____ sika (6).

[Bamna wan wina tara na tasba aisika yaptika nani wina aisubi takan taim; yawan nani sin tasba uplika wina tara brisa. Bakusin wan Spiritka nani ba Gad wina aisubi takan taim; yawan nani sin Spirit rayakira kum brisa, bara Gad Spirit dukia nani sin tanka briiaia sipa (1 Korint 2:12, 14).]

7. Upla Luhpika waitna ba (Jisas) pura ra bukan kaia kan (dus prihni ra sabi) dus prihnira, M _____ upla iwras pliskara p _____ pura ra bukata baku (14).

8. Jisas naha tasbara balan tanka ba sika, Gad tasbara uya l _____ kaikan. Ani uplika Witin ra kasak lukbia ba, tanis t _____ apia, sakuna r _____ b _____ laka ba bribia (16).

9. Gad mita ai Luhpia naha tasbara blikras kan, upla nani ra _____ ra lakaia, (yu kum Witin tasba na laka daukaisa), bansakuna Witin mihta _____ sakaia balan (17).

10. Ani uplika Jisas ra kasak luki ba _____ ra lakan kabia apia. Ani uplika Jisas ra _____ lukras ba pâr ra lakisa (18).

11. Ingni ba naha tasbara balan, bara upla nani ba _____ tara ba kau brin daukan _____ ba wal, kan wark saura baman dauki ba mita. Jisas naha daukanka nina “p _____ b _____” makisa (19).

[Pâr bankaiara ba, tanka sika pâr kam ba danh takras, bara Gad wina sin dakwi takram.]

12. _____ laka dauki nani ba, ingni ra aula (21).

[Upla apia sika kasak laka dauki ingni ra bali ba. “Upla apusa kasak laka dauki ba, kumi sin apu sa” (Rom 3:12). Ani uplika kasak laka ra iwi ba, baha uplika ai saurka dahra sin kasak pali aisi sa; bara Gad mita saurka sut swih tikisa. “Sakuna yawan Gad ra wan saurka nani dahra sakbia kaka, Witin ba kasakkira sa, bara sip sa wan saurka nani sut ban swih tikaia, bara wan saurka sut ba wina wan sikbi klin wan daukaia” (1 Jan 1:9).]

B. Sturi 6 ra, Jan 3:16 bara Jan 3:36 burska nani ba: ulbanka munhtara lain kum uls, apia kaka wauhtaya pis sirpi kumra ulbi saks.

25

Dia tanka ba kli aisubi takaia.

Kli aisubi takaia tanka ba, "pura wina" aisubi takaia, rayaka raya kum ta krikaia, ta krikanka *sat wala* kum briaia. Tasbara aisubi takisma ba mita tasba uplika famali ka mai daukisa. Spirit wina aisubi takisma ba lika Gad famali ka membar ka kum mai daukisa. Spirit ba yawan ra wark takisa bara lata tanira yawan nani ra wan daukanka sat wala taki ba kaikisa. Sampla kum wibia kaka: upla kum kra imhpliki kan kaka, kli imhplikras. Naha na pasa krawi ba baku. Yawan sip pasa ba kaikras kuna dia dauki ba lika kaikisa.

Upla kum spiritka ba Gad wina aisubi takras sa kaka, naha uplika Spirit tanira "pruan sa" (Epesus 2:1, 5). Wan saurka nani klin daukaia ba, pas ta palira, Kraist pruan ka mita balisa, bara kainara wan rayaka natka almuk pruan ka—Kraist kli rawi buan raya ka ba kira. Naha dukia wal na nit pali sa Gad Kingka laka ra dimaia sa kaka. Aisubi takanka raya kum ba sip sa takaia Spirit Holikira (Jisas Spirit Ka) yawan wan winara kasak pali rait dimi iwbia kaka lika. **"Ani uplika Kraist Spiritka ba briras sa kaka, Witin lika Kraist uplika apia sa"** (Rom 8:9b).

Kraist natka ba yawan nani brisuya. (2 Pita 1:4): wan daukanka raya, wan brinka karnika raya kum, wan sinska raya kum ai bila Holikira ba tanka briaia dukiara.

Man Nikudimus baku sma ki? Bankra man pyu banira shurts uplika aihwa pali kapram. Kuna yu kum pan pura wina aisubi takram ki, Gad Spirit ka Holikira ba mita paskan ka raya kum mai daukan ki? **"Baku bara, ya Kraist wal asla takan sa kaka, witin lika upla raya kumi sa; diara almuk nani ba lui wan sa, bara nanara diara raya baman takan sa"** (2 Korint 5:17). Man kau "Kli aisubi takrasma" kaka. Dia muni man na minit Jisas ra balras, Nikudimus daukan baku? Jisas ra makas rayakam ra balbia dukiara, baku lika man rayaka raya kum briaia sip kama, bara Gad pamalika kum kama. **"Ani uplika Gad Luhpia bri ba, witin rayakaia laka brisa; sakuna ani uplika Gad Luhpia briras ba, raya kaia laka ba briras sa"** (1 Jan 5:12).

26

saurka brih saki yaba ai purara suni dus prihni ra saban ba, bahara kaikaia sa, (Jan 12:32, 33). Kaiks bara raya bas! Witin nani tanka briaia nitka apukan, "nahki" rawan ba, bras pyut ka ra kaikan baman. Witin nani diara kumi baman daukaia kan ba sika, kasak lukan wal bila walaia. Bara yamni pali takan!

**Kaiks bara raya bas, muihki, raya bas!
Nanara Jisas ra kat kaiks bara raya bas;
Naha na ai bila ra grabar munan sa aleluya!
Baha baman sa "aman kaiks bara raya bas."**

Ingni ra aulma bara.

Yawan Kraist ra aula bara, wan saurka nani sut ba param sakisa, kan Jisas sika ingni ba mita (Jan 1:9). Tihmya ba mita kasak ka laka ra yukukisa, bansakuna ingni ba lika diara nani nahki pali ba param marikisa.

Ani uplika Gad ingnika ra balaia wantapia luki nani ba, ai saurka nani pura bikisa, bara Gad ra sans yabras ai saurka wina ai Kupia laki Gad uplika takaia. Upla saurakira ba, witin pat *ridika* daukan sa ilpauta prana. Witin Kraist ba nit takisa, ilpauta wina suakwaia sa kaka. Ani uplika Jisas briras nani ba nanara Gad lawanka munhtara sa. (burs 36), kuna ani uplika Kraist briba, rayaka raya kum ta krikisa, heven ra rayaka briaia ba baku raya bankaia ra Gad wina ba. **"Gad sika ingni, bara Witin ra tihmu laka kumi sin apu sa. Bankra yawan wibia, Gad wal asla sa, kuna yawan tihmya lakara taukisa kaka, yawan kunin aisisa, bara yawan kasak ka laka ba alki brih daukras; bansakuna yawan ingnira taukisa kaka, Witin ingnira ba baku; yawan asla lakara iwisa wan walka wal, bara Jisas Kraist Gad Luhpia talya ba yawan wan saurka nani sut wina klin wan daukisa"** (1 Jan 1:5-7).

Upla kum holi kan daukisa, bara witin wantsa ai saurka nani ba param sakbia, bara ai saurka swih tikbia. Baku,

28

Mosis twi lalma upla iwras pliskara.



Kaina pyuara, Israel luhpia nani twi lalma upla iwras pliskara iwi banghwi kan pyura, ai ta uplika Mosis mina muntara kan taim, witin nani urangbi bara aisi banghwan diara saura manas Gad mapara bara Mosis mapara sin. Witin nani, Gad mita nahki natkara plun nani yabi ba mapara brukwi banghwan. Bamna Gad mita upla nani tila-ra pyuta ailal blikan, upla ra sambia dukiara. Upla ailal prui banghwan. Upla nani ba Mosis ra bali banghwan bara ai saurka dahra aisan. Mosis ra bik taki banghwan Gad ra ai pura sunbia, pyuta nani ba upla tila wina sakbia dukiara. Gad ai pura sunra nani ra, ansika yaban kuna natka walara. Witin mita Mosis ra win bras pyutka kum pasbia bara dus kum bapi baha purara pambia. Ani uplika baha bras pyutika aipami ba kaikan bara rawan kan. Pyuta puisin saura briba mita sambia sin witin rawi kan, bras pyutka ba kaiki sa bara. (Naha sturka na: kulki Kaikan 21:4-9) ra ulban sa.

Saurka ba pyuta napa kum wan saman baku praiska puisin brisa, pruwaiia pali kat. Yawan nani sin pruwaiia sipsa Jisas ra kat kaikras sa kaka, baha Witin saurakira takan ba yawan nani wan tnatamana. (aima kum sin saura daukras kan kuna). Upla ailal na twiya lalma ra prui banghwan pyuta saman taim, bras pyutka ra kaikras kan ba mita. Baha nani bras pyutka paman kan ra kaikan nani ba, baman rawi banghwan. Jisas Nikudimus ra win, witin sin Jisas ra kat kaikras sa kaka rayaka raya kum briaia dukiara, ban tanis tiwbia.

Sim baha waitnika pyuta "pruwan" kum paman kan ba kaikan bara rawan baku, witin nani sin, baha kumika tasba

27

Kraist ra balaia ba raya kaia apia prura. Kuna raya kam ba ingni ba wal dia daukma ba wal aibapbia. Ingni ra aulma ki? Apia ingni wini yukuwaisma?



KASAK LUKANKA + GAD BILA BA (JISAS) = RAYA BANKAIA RA.

STURI 7. JISAS, RAYAKA LAYA YABISA.



Jan 4:5-42

⁵Bamna witin Sameria taunka kumi ra balan, nina ba Sai-
kar; baha ba lika Jakob mita ai
luhpia Josep ra, tasba kum ya-
bata ba wal baila kan. ⁶Bahara
sika Jakob laya wahnta maki
bangwi kan ba, bara kan. Jisas
yabal wihka pali wapan ba mih-
ta swapan kan bamna, laya wah-
nta ba lamara iwan; baha pyua

29

ba lika pat yu wan lal kat baila kan. ⁷⁻⁸Disaipel nani ba lika, plun wiria atki piaia dukyara taun ra wan kan. Baha sin awarka ra, Sameria wina mairin kum balan li pangkaia, bamna Jisas bui win: —Li wira aik diaia. ⁹Sakuna Ju nani ba, Sameria uplika nani wal diara briras bamna mairka ba naku Jisas ra win: —Man ba Ju uplika kum sma, bara nahki man yang ra li diaia makabisna, kan yang na Sameria wina mairka sna na? ¹⁰Bara Jisas pana win: —Gâd diara yabi ba kaikram kata, bara ya sin man ra li makabi ba, kasak pali mai wisna man, witin ra li makabaia kapram; bara witin mita li raya kira ba maikbia. ¹¹Mairin ba bila: —Masa, dia ni li pangkaia kat sin apu sma ba, bara liwahnta na sin pakni pali sa. Bamna ani wina li diaia aikma ki? ¹²Yang nani damiki Jakob naha liwahnta na wankan; witin pali sin naha wina din, ai luhpia nani bara ai daiwra nani sin. Bamna dia man kau tara sma ki witin ba wal? ¹³Jisas pana win: —Ani uplika nani naha laya wina di ba, sut kli din daukbia; ¹⁴sakuna yaura yang mita li yarka dibia ba, kli din daukbia apia. Kan yang li diaia yamna ba, witin wina li aubi kabia raya

ban kaiara.

¹⁵Pana mairin ba bila win: —Masa, baha laya ba aik dimna bara kli diran ai daukbia apia ba mata, bara naha liwahntika ra kli bal li pangkamna apia. ¹⁶Jisas mita win: —Man wih maïam wini brih, nahara kli bal. ¹⁷Mairin ba pana win: —Yang maï apu. Bamna Jisas mita win: —Man aitani aisaram, maïam apu; ¹⁸kan man pat waitna 5 brih swiram, bara nanara brisma ba sin, man maïam apia sa. Naha man kasak aisaram. ¹⁹Naha walan bara, mairin ba bila: —Masa, yang kaikisni man na dahra aisasara kum sma. ²⁰Wan damika nani Sameria wina kan ba, naha ilka ra Gâd ra ai pura suni mayuni kan; sakuna man nani Ju uplika nani bila Jerusalem ra baman Gâd ra wan pura suni mayunaia sa. ²¹Jisas pana win: —Mairin, yang ra pain ai wals, pyua ba aula bara man nani Aisa ra puram suni mayuni kama naha ilka ra balras kira, baku sin Jerusalem ra waras kira. ²²Man nani Sameria uplika nani ba, yaura puram suni mayunisma sapa sin kaikras; sakuna yang nani lika kaikisna, yaura puri suni mayuni sna ba; swaki sakan laka ba Ju nani wina aula bamna. ²³Pyua ba aula, bara

30

baha ba nanara pali sika, bara Aisa ra ai pura suni mayuni bangwi ba lika, ai pura suni mayunbia kasak tanka ra bara Spirit ra sin. Aisa ba baku brin daukisa, witin ra ai pura suni mayuni bangwi ba baku daukbia. ²⁴Gâd ba Spirit sika, bamna witin ra ai pura suni mayuni bangwi ba baku daukbia, kasak tanka ra bara Spirit ra sin. ²⁵Mairin ba mita pana win: —Yang kaiki sna Misaia ba balbia (baha wiaia ba, Kraist); bara witin balbia bara, diara sut tanka ba param wan wibia. ²⁶Jisas mita win: —Baha ba yang sika, man wal aisi na ba.

²⁷Baha pali pyua ra disaipel nani ba aidrubi balan, bara witin nani sut aihka luki kan, Jisas mairin kum wal man aisi kan bamna. Sakuna witin nani kumi sin karnika apu kan makabi walaia dia want sapa, bara Jisas ra sin makabi walras kan, dia muni mairin ba wal man aisi kan sapa. ²⁸Bamna mairin ba ai laya watla ba swisi taun ra wan, bara upla nani ra win: ²⁹Man nani bal kais, nahki waitna kum yang dia daukri ba sut ai win. Naha apia ki Kraist ba? ³⁰Bamna witin nani taun ba wina taki, Jisas ra aidrubi balan.

³¹Kau aidrubi balras kan bara disaipel nani Jisas ra, win:—

Smasmalkra, plun wiria pan pis. ³²Sakuna witin mita win: —Yang piaia dukya brisna, baha man nani kaikras sma ba. ³³Bamna disaipel nani ba pana, pana tauï makabi wali kan: —Upla kum mita witin ra plun piaia sal yan ki? ³⁴Sakuna Jisas mita win: —Yang pati sika witinka ai blikan ba kupia laka daukaia, bara ai warkka sin sut pali daukaia. ³⁵Man nani wisma: ‘Kau kati 4 bara insla ma nani krikaia pyua kabia’; sakuna yang mai wisni: Namkra nani buki insla nani bara kais, mâ ba pat pihwan sa, mahka krikaia pyua sika. ³⁶Insla ma krika uplika ba ai mana brisa, bamna insla mâ wabbisa raya ban kaia ba briaia, bara baku lika mâ mangki ba bara mâ krika ba wal sut lilia kabia. ³⁷Bamna kasak pali sika, sturi aisanka kum naku win ba: ‘Upla kum mâ



31

mangkisa bara upla wala sika ma krika ba.’ ³⁸Yang man nani ba mai blikri anira mâ mangkras sma ba wina mâ krikaia, upla wala wark takan ba wina yamnika briaia.

³⁹Sameria uplika nani baha taunka ra iwi bangwi kan ba tila, manis Jisas ra kasak lukan, dia baha mairin aisin natka wina: “Dia daukri ba sut witin yang ra ai win.” ⁴⁰Baku bara Sameria uplika nani bal Jisas ra

makaban, witin nani wal takaskbia; bamna witin baha nani wal yu wal takaskan, ⁴¹bara kau upla manis kasak lukan, Jisas pali aisin walan ba mita. ⁴²Bamna Sameria uplika nani mita mairin bara win: —Nanara yang nani kasak lukisni, man wan wiram ba baman apia, kuna yang nani pali mita, witin wina walri bamna; bara yang nani sin tanka brisna, witin ba kasak sa tasba aiska swaki sasakrika sa.

Wark daukaia nani.

A. Makabanka nani ba ansika yabaia sturi ba wina.

1. Jisas nahki ai dahra walikan, bara baha wal witin ba rait pali upla ba ai tanka wan mariki sa? (burs 6) _____

2. Jisas dia wisata, Samaritan mairka ra? (7) _____

3. Dia mita naha mairka siran iwan Jisas witin ra aisan taim? (9) _____

[Samaritan nani ba ju nani kiamka; upla tringsar wal marit taki luhpia baikan nani ba. Witin nani Israel Gad ka ra baman ai pura suni mayunra ya bras kan, sakuna gad bahki nani ra sin mayunra yabi banghwi kan. Rait pali ju uplika nani mahka ai tempilka kli maki banghwi kan taim Jerusalem ra, Samaritan uplika nani helpka wantapia wibanghwan. Kuna Jisas upla kumi bani nitka dukiara kasak pali luki kan, ju nani laka apia kan kuna, ju waitnika kum mairin kum wal upla ailal mawanra aisi kaia ba; Jisas lika upla sut wal aisikan.]

32

4. Jisas, dia yabaia wata ki, naha mairka dia pali makabaia ba nu kan kata? (10) _____

5. Dia baku sat wala sa ki, liwanhta laya diaia ba wihki Jisas li yabi ba diaia wal? (13, 14) _____

6. Jisas dia nu kan naha mairka dukiara? (18) _____

[Jisas, yawan nani wan saurka sikrit ra yukuki bri ba sut nusa.]

7. Bara Jisas Samaritan mairka ra ai saurka nani param saki win taim, dia saki aisata ki naha mairka? (20). Witin plis kum dukiara aisan, waitna nani ba naha _____

[Samaritan nani ba silp ai tempelka ra mayunra dauki kan Gerisim ilka pura ra. Witin Testament Almuk wina taura wauhtaya ulbanka 5 ba baman kulki kan. Bara man “relidian” dukiara kau aisaia want kama ki, Gad wal kau asla taki kaia ba wal?] _____

8. Nahki Gad ra mayuni kan, rait lalukra nani ba? (23) _____

[Gad ra kasak pali mayunaia kaka, yawan kli Spirit wina aisubi takaia sa.]

9. Bara naha mairin, Jisas ba ya pali ba nu takan taim, witin dia daukan? (28, 29) _____

10. Dia dukia ba kau Jisas ra kupia pah dauki kan plun piaia ba wal? (34) _____

11. Jisas ba ya wisi luki banghwata ki Samaritan uplika nani mita? 42) _____

B. Sinskam ra lan taks naha burs ka na: **Jan 4:24.**

33

Nahki kasak lukan laka pawu ba.

Yamni apia sa ki, Samaria mairka Jisas wal kakaira takisa bara kau sin kasak lukisa, Witin wal kau aisibara? **Burs 9** ba laki kaiks. Witin pas taura Jisas ba ju uplika kum baku kaikuya, baha witinra bila yamni pali aisan ba. **Burs 11** ba laki kaiks. Ai respik ka ba kau pawisa bara mairin ba mita "Dawan" wisa. **Burs 19** ba laki kaiks. Jisas naha mairka tanka uba nukan, bara mairin ba lukisa Witin ba prapit kum kaia sa. **Burs 29** ba laki kaiks. Mairin ba nanara lukisa Jisas ba Kraist kaiasa, Misaia pramis munan kan ba.

Yawan Jisas ra Kau swiram wan aisi taim Baibil bakku, Witin ra wan kasakka lukanka ba kau pawisa! **"Baku bamna, kasak lukanka balisa wali ba mita, bara walaia ba Gad bila ba wali mita"** (Rom 10:17).

Dia ba rayakaia laya?

Samaria mairka ba naku lukan, diara yamni pali kabia Witin ai bukitka ba wal kli Jakob liwanhika wina li panhkbia apia. Li ba lawanhta pura wina 30 mita prais ka pali kat bara kan, baha tihiu pali kan. Kuna Jisas yawan di ba laya dukiara aisaras kan. Jisas aisikan ba lika Witin kupia pah laka yabaia sip ba, naha mairka diran bahki Spiritka wal ai wina brinka saura nani baman pliki tauki ba, witin lukanka wina tikaia. Bara kupia pah kabia. **Raya kaia laya** dukiara Witin aisi ba sika raya bankaiara presant ka ba dukiara aisisa — Witin ai rayaka ba. **Karma iswi ba** lika lilia bara laman laka wal ai banghram damhra walisma ba sika, Witin Spiritka wal ai banghram taim.

Mairin ba li ba want sa, kuna pastaura Jisas ai Kupia ba Kangbi kaikaia wantkan. Mairin ba ai saurka nani sut dahra aisaya kan bara baha nani sut ba sin *wilin* kaia swiaia kau Jisas wina rayakaia laya briras kainara.

Naha Sturka wan marikisa nahki Gad warkka daukaia ba.

1. Upla bani ba Dawan bila ba walan kaia sa, bara Kraist ra sin kasak lukaia suaki sakan laka ba briaia dukiara. Yawan

34

upla kumira sin lulkan, bahki baku kulkaia apia. Jisas baku daukras kan.

2. Na tasbara Spirit nasla nani ba pat pihwan atia sa, ridi dakaya baman sa. Yawan nitsa wan purara tawi kaikaia, bara wan naya ra kaikaia upla an pali plun pin dauki baku daukisa kasakka laka tanka briaia dukiara, bara ridi sa tanka briaia baman.

3. Upla kum ba mamankra kaia sipsa (wala nani ra Jisas dukiara aisaia, Baibil bila aisi kaiki yabaia, Gad bila smalka-ia). Upla wala kum sipsa dakaia. (Kraist ra upla kupia alki brih balaia). Yawan nani nitsa naha dukia nani daukaia. Manki uplika baku, bara daki uplika sin walsut liliakira banghwi kaia.

4. Gad kupia laka dauki bara yu bani wan warkka nani *danh daukaia*, bara naha kau wan kupia pah laka wankisa plun kum piaia ba wal.

5. Diara tara pali sa wan panika nani ra Jisas dahra aisaia ba, *bara Witin ra sin brih balaia wal kakaira takaia dukiara*.

STURI 8. JISAS WIHTA TARA KUM LUHPIA RAKISA.



Jan 4:46-54

⁴⁶Bara Jisas Galili wina kli Kena ra wan, bahara sika witin mita li wina wain daukata ba. Dawan, aihni bal kau luhipi

35

Bahara wihta tara kum bara kan, witin ai luhipia waitna Kapernaum ra siknis pali bri kata.

⁴⁷Naha wihtka tara na walan, Jisas kli Judia wina Galili ra balan, witin wih Jisas ra makaban, ai watla ra wih ai luhipia waitna sikniska ba wina rakbia, pat pruaia man sa bamna.

⁴⁸Jisas pana wisata: —Man nani sip kasak lukras sma, wark aihka nani ba kaikras kaka. ⁴⁹Sa-kuna wihtka tara ba bila: —

pruras bara. ⁵⁰Jisas mita naku wisata: —Wamtla ra kli tau was; man luhipiam ba raya sa. Waitnika ba Jisas bila kat kasak lukan. ⁵¹Bamna witin ai watla ra auya kan bara, ai albika nani witin ba prawaia taki wih, nan win: —Man luhipiam waitna ba raya sa! ⁵²Bamna wihtka ba ai albika nani ra makabi walan, ai luhipia waitna ba, dia pyua wina mahka yamni takan sapa. Alba

nani ba bila: —Nahwala tutni wanaklak wina ai rihka ba swin. ⁵³Baku bara aisika ba ai kupia kraukan, baha pali pyua ra kata, Jisas witin ra wisata ba: "Man luhipiam ba raya sa"; bara witin ai watla uplika sut aikuki Jisas ra kasak lukan. ⁵⁴Naha ba, aima wal sika, Jisas mita sain aihka daukan ba, witin Judia wina Galili ra balan pyua ra.

Gad bila karnika ba.

Dawan Gad dia dukia aisi wibia kaka, baha dukia takisa! Naha Gad ka kasbrika bara tasba wal paskan, bara diara aiska baha bila ra nani ba sin ai bila baikra Kumi aisin ba wal, nana ra wihta kum ra aisi sa "was luhipiam raya sa" (Jan 4:50).

Bara rait rayakan Jisas naku aisi win: Baibil bilara diara nani pramis munan ba sut takaia kabia (Mateo 5:18). Man Gad bila ba kasak lukisma ki? Man dia kasak lukisma baku daukisma ki—naha waitnika kasak lukata baku?

Yawan wan bila nani aisma ba karnika brisa, *Kraist wan kupia bilara iwisaka kaka*. Mark 11:22, 23 ra Jisas ai disaipil ka nani ra win: **"Man nani Gad ra kasak lukan laka bris! Kan yang kasak pali mai wisni, ani uplika naha ilkara wibia: taki was bara kabu bara dimuas, kuna ai kupiara sringhka apukira ni, dia aisan ba takbia lukbia kaka, baku kabia"**. Yawan wan bila aisi nani ba, Gad ra wan kasak lukanka ba mita *karnika tara* brisa. Dia sat bila nani aisma man? Man kupia bukaia bila, maisa nihkaia bila, kasak ka bila, bara latwan laka bila nani aisma ki?

Naha sturka wan marikisa pura sunra ba dukiara.

Naiwa yua ra, Jisas wan makaban ka nani ansi ka wankisa

36

ki? Hibru 13:8 ra wan wisa Jisas Kraist ba: **"Witin ba bansa nahwala, bara naiwa, bara handad mani nani luan ra sin."** Yawan nusa Witin ra waia ba, wan makabanka nani wal. Witin bila wisa: **"Bara ya yang ra aula ba, yang sip kangbi sakamna apia."** (Jan 6:37b). Witin wan wisa: **"Man nani makas bara maikbia; pliks bara sakama; dur ra kingks bara man nani ra kwakan kabia."** (Matyu 7:7).

Baha ninkara yawan Witin ra waia sa, Witin ansika wantbia lukanka wal. **"Kuna upla kum kasak lukan laka apu kaka, witin ra Gad mita sip pain kulkbia apia. Kan ani uplika Gad lamara waia kaka, kasak lukaia sa Gad ba bara sa, bara witin ra pliki uplika nani ra sin mana yabisa"** (Hibru 11:6).


Yawan wan Kupia pah Kaia sa, Jisas dia ansika wanki ba wal. Naha waitnika wihta tara kan ba Jisas ra makaban ai watlara balbia dukiara, kuna Jisas witin watlara waras kan. Kau kan mapara ni Witin mita win: **"Was luhipiam rayasa"** (Jan 4:50). Witin pyu bani manra ansika maikbia apia man dia pali makabisma baku, bansa kuna Witin pyu banira, man mampara dia kau yamni ba baha dauki kabia, bara dia makama ba wal baha natkara ansika maikbia.

Kasak lukan laka ba wal diara sut pali lika *wapni* man takras (Hibru 11:35-39) ba stady muns; kuna kasak lukan laka ba pyu bani wan *ta brisa*, bara laman laka wan kupiara banghikisa. **"Man nani diara kumi sin dukiara sari takpara, sakuna dia, dia luha sma ba sut, Gad ra puram suni makabi wis, bara tinki sin wis. Bara Gad ai kupia kumi laka, upla sinska tanka sip briras ban pura lui ba, man kupiam bara man lukankam nani suni swibia Jisas wal asla"** (Pilipai 4:6, 7).

Man Gad ra kasak lukisma taim, bara Gad ai warkka karna daukuia taim, kasak lukankam ba kau karna taki sa. *Man pama-likam* kasakka lukan ka sinbaku kau karna takbia, sim naha waitna wihta tara *watla aiska* Gad ra kasak lukan ba baku.

37

STURI 9. JISAS WAITNA WAPRAS KUM RAKISA.



Jan 5:1-9, 14-19a

¹Naha ningkara, Ju nani lilia yua tara kum brian, bamna Jisas kli Jerusalem ra tau balan. ²Jerusalem pliska ra, Syip nani Durka wi ba lamara, li madakura kumi bara sa, Hibru bilara Bitsata maki ba, bahara dur 5 nani bara sa. ³Bahara upla sikniskira ailal tasba ra aitniki kan: kaikras nani, skahwa nani, bara wina tara lawi pruan nani sin. [Bara witin nani sut lika li klahbia ba bila kaiki bangwi kata. ⁴Kan insal kumi ai pyua kat baha li madakura bal iwi klahbi kan, bara ani uplika pas li klahban ba ningkara dimuya kaka, dia dia sat sikniska bri kan ba sut wina rawi kan.] ⁵Bahara waitnika kum kan pat mani 38 siknis kata. ⁶Jisas naha waitnika aitniki kan ba kaikan bara, pat sin kaikan nahki pyua wihka

baku ba, bamna makabi walan: —Man sikniskam ba wina rawan mai daukisa ki? ⁷Siknis-kira waitna ba pana win: —Dawan, yang ra help ai munaia uplika briras sna, li klahbi ba pyua ra, li madakura ai alki ai dingkaia; ani pyua yang dimwaisna bara, kainira upla wala pat dimisa. ⁸Jisas mita win: —Bus man, krikrikam ba twilki was. ⁹Baha sin pyua ra, waitnika ba ai sikniska wina rawan, bara ai yapaika wahbi brih, mahka wapen. Sakuna baha yua ba lika wingka puhbaia yua kan bamna. ¹⁴Ningkara Jisas baha waitnika wal prawan tempel ra, bara win: —Kais, nanara man sikniskam ba wina rawram sa, kuna kli saura yapara, diara kau saura mai takbiara sia. ¹⁵Waitnika ba mahka wan, bara Ju nani sut ra maisapahkan, baha ba Jisas kata witin ra rakan ban. ¹⁶Baha mihta Ju nani ba Jisas ra ai waihla saki ikaia want kan, kan naha diara nani na wingka puhbaia yua ra dauki kan bamna. ¹⁷Sakuna Jisas witin nani ra win: —Yang Aisiki pyu sut wark takan, bara yang sin wark takisna. ¹⁸Naha tawan, Ju nani Jisas ra maka ikaia want kan, baha lika wingka puhbaia yua

38

kulkaia laka baman sauhkras, ^{19a}Bamna Jisas bila baha nani ra sakuna witin ai wina ba Gâd wal win: “Yang kasak pali man nani baku dauki kan, bara Gâd ba ra wisna, Gâd Luhpia ba witin ai Aisika pali sa win bamna. yakan diara daukras sa.”

Wark daukaia nani.

Lain ba pura ra ulbi banghki dauks.

1. Waitna kum Bitsata laya madakra unra bila kaiki kan Witin ba mani _____ pali siknis kan bara suapan kan (5).
2. Jisas witin ra makabi walanka tara pali kum daukan: Man siknis kam na wina _____ dauki sa ki? (6).
3. Jisas mita win diara daukaia sip apia praiksa ba, daukbia win. Witin bila: Bus man _____ ba twilki was (8).
4. Ninkara Jisas naha waitnika wal tempil ra prawan taim win: “Kais nanara man raw ram sa, kuna _____, diara kau saura mai takbiara sia” (14).
5. Ju nani diara tara wal taka Jisas ra ikaia plikikan: (a) Kan Witin _____ laka man sauhkras (18). [Waitna kum raki ju nani ris yua kulkikan yua ra], (b) baku sin Gad ba witin ai aisika pali sa win, Witin ai wina ba _____ dauki kan. (18).

Man rawan mai daukisa ki?

Bankra man winam ra rawaia nitka kum brisma bara winam ba, sinskam ba karna kaia dukiara. Bankra man rayakam ra diara kum brisma mita man Dawan warkka sip maikan daukras mai munisa man wantsma baku. Lukan saura mita sip kaia sa kupiam bila tani ra mai sauhki kaia.

Jisas man nitkam nani sut kaikisa, bara Witin mai wisa, “Man rawan mai daukisa ki?” Man sip sma dia tawan rawrasma ba iskius ka brikaia. Kuna baha Jisas mapara trabil apia sa. Witin nâ minit mai rakaia sipsa! Sakuna Witin sipsa mamkabaia diara kum man daukaia sip apia lukisma ba, satka kum daukma, sim baha waitnika sip waprass kan ra

39

makaban baku: bui wapbia bara kau pali ai krikrika ba brih twilkbia win. Dia, dia, dukia kra kabia sin mahka man Gad bila ba alki bila wali dauki auma bara, Jisas, karnika nitsma ba maikbia bara man rauma! Ninkara, Witin pura luan rayaka kum ra mai brih wabia.

STURI 10. KLI RAWIBUANKA WAL BA.

Jan 5:24-29

²⁴“Kasak pali mai wisna: Yang aisina bara ya aman walisa, ai blikan bara sin kasak lukisa kaka, witin raya ban kaia laka ba brisa, pâr ra sin lulkan kabia apia; kuna pruan wina taki pat raya kaiara luan sa. ²⁵Kasak pali mai wisna, pyua ba aula, bara baha ba lika nanara pali, pruan nani ba Gâd luhpika waitna bila baikra walbia, bara baha nani bila wali bangwbia ba sut raya takbia. ²⁶Kan Aisa ba yakan

raya ban kaia laka ba brisa; baku sin witin ai luhpia ra yan, witin yakan raya ban kaia laka sin briaia; ²⁷bara lâ aisi daukaia karnika sin yan, kan witin sika upla takan ba. ²⁸Naha dukyara man aihka lukpara, kan pyua ba aimakbia, bara pruan nani sut bila baikra wali, ²⁹raiti wina buan kabia. Yamni daukan nani ba buan kabia raya kaia laka ba briaia; sakuna saura daukan nani ba lika buan kabia, pâr tara ra lulkan kabia dukiara.

Luki kaikaia dukia.

Painkira apia sa ki Jisas ra walaia wan kupia durkara kinghbi taim, bara yawan Witin ra kasak luki wan rayaka ra swin dimisa, baku mika yawan sipsa kasak lukaia yawan raya bankaiara laka brisa! Yawan baku nu kaia sipsa yawan prura wina pat lui rayakaia laka brin. Makabi walisma kra. Nahki sip kabia naku takaia? Naha sipsa baku kaia kan rayaka ba Jisas Witin ra sa mita, Witin rayaka ba brisa (burs 26). Wina tara brinka kat luki iwi uplika nani ba. Gad kupia laka sip daukras sa. (Rom 8:8). Baku bamna raiti wina kli rawibukbia taim, Witin nani bila kaikan kabia ai laka daukaia bara Gad wina dakwi takan laka bankaiara ba baman witin nani dukia kabia.

40

Wark daukaia nani.

Jan 5:24 tiks ka na sinskamra lan taki bris, sim man kainam kahbaika baku, kupiam kraui kabia dukiara naha tiks ka na tanka na man suaki sakan kamsa. Pyu bani man Gad bila walisma taim, bara Witin ra kasak luki walisma. (Man bila wali daukisma ba, man tankam marikisma Witin ra kasak lukisma ba). Setan yarka kupiam ra bara sinskam ra namhpa, namhpa lukanka mankbia ra. Gad wantsa nu takma man ba Witin ai dukiasma ba. Man Gad wal asla sma bara dia kumkra mistik daukma kaka, Gad mita param mai waisa damhra aisi sakma dukiara bara baha saurka ba swima. Gad kli mai alki mai bukisa, Setan lika damhra saki mai sauhkisa.

STURI 11. JISAS RAYAKA BRED KA BA.

Jan 6:5-14, 35, 47-51, 53-56, 63

⁵Jisas ai nakra buki kaikan, upla ailal pali ai nina bliki aula kan, bamna Pilip ra win: —Ani wina yawan plun atkbia naha uplika nani na dakakaia? ⁶Pilip ba dia aisabia sapa kaikaia wisi, Jisas baku wisata, kan witin pain nu kan dia daukaia ba. ⁷Bamna Pilip pana win: —Lalah ma handat wal brit plun atkbia sin, naha uplika sut na baha wina wiria pan sin pibia apia. ⁸Bamna disaipel wala kumi nina Andru, Saiman Pita muihnika ba, bila: ⁹—Nahara lika tuktan waitna lupia kum, barli britka 5 brisa bara inska sin wal; sakuna, baha ba dia sa ki naha upla ailal na mapara? ¹⁰Bamna Jisas bila: —Witin

nani ra wis sut iwbia. Baha pliska ra twi manis pawikan, bara upla 5,000 ba iwan. ¹¹Bara Jisas brit nani ba ai mihta ra brih, Gâd ra tingki wih, bara upla nani iwi kan ba tilara yuan. Inska wal ba ni sin baku daukan, sut want kan ba



41

praiska kat. ¹²Sut pih ai byara bangki daukan ba ningkara, Jisas ai disaipelka nani ra win: —Yuika nani kau takaskan ba wahbi bris, wiria sin tiwan kaia apia ba mata. ¹³Wahbi bangwan bara, upla nani barli britka pin yuika nani ba 12 pa-taki wahban kata. ¹⁴Bamna upla nani ba Jisas naha sainka aihka pali daukan kaiki, nan win: —Kasak pali, naha sika dahra aisasara tasba ra balaia kan ba.

³⁵Bara Jisas pana win: —Yang sika raya kaia yabi britka ba. Ya yang ra aula ba kli plun daukbia apia; bara yang ra kasak luki ba, kli sin diran daukbia apia.

⁴⁷Yang kasak pali mai wisni, ya yang ra kasak luki ba, raya ban kaia laka ba brisa. ⁴⁸Yang sika raya ban kaia yabi britka ba. ⁴⁹Man damikam nani lika upla iwras tasbaia ra manna ba pin, sakuna sut pruan. ⁵⁰Sakuna yang aisina na lika kasbrika purara ba wina bal iwi britka ba dukyara, bamna ani uplika baha pibia ba, prubia apia. ⁵¹Bara yang pali na sika, baha

rayaka britka kasbrika purara ba wina bal iwan ba; ya naha britka na pibia kaka, ban kaiara raya kabia. Baha britka yang mita yabamna ba lika, yang pali wini tara ba sika. Yang baha yabamna, upla nani sut raya kabia ba dukyara.

⁵³Jisas pana win: —Kasak, kasak pali mai wisna, man nani Upla Luhpika waitna wina tara na piras bara talia sin dirasma kaka, raya ban kaia ba briras sma. ⁵⁴Ya, yang wini tara bara tailya sin disa kaka, raya ban kaia ba brisa, bamna yang mita ntata yua ra pruan wina bukamna. ⁵⁵Kan yang wini tara ba lika plun aingwa sa, bara tailya ba lika diaia laya aingwa sa. ⁵⁶Ya yang wini tara ba pisa bara talia sin disa kaka, witin ba yang wal asla iwsa, bara yang sin witin wal asla sna.

⁶³Spirit ba sika raya kaia yabi ba; wan wina tara ba lika bahki pali sa. Bara deiara nani yang mai wiri ba lika kasak pali spirit tanka nani sa, bara raya kaia sin yabisa.

Wark daukaia nani.

Jan 6:35 bara Jan 6:63 burska nani ba sinskam ra lan taki bris.

Naha sturka wan smalki ba.

1. Jisas yawan wan nitka nani dukiara kasak pali lukisa.

42

Witin pat redi daukan sa yawan wan nitka nani wankaia dukiara, kuna Witin kaikaia wantsa Witin ra yawan nahki prais kat kasak luki sa sapa. Witin wantsa yawan nani ba Witin kat kaikbia, bara Witin wina helpka nani bri kabia dia nitka bri ba dukiara.

2. Jisas pali sin tinki win wiria man brikan ba dukiara. Gad nan wan wisa: “Diara sut dukiara tinki wis, kan baha sika Gad kupia laka yawan nani wal Jisas Kraist ra” (1 Tesalonaika 5:18).

3. Jisas trabil bani ba wapni daukaia sipsa, bara nitka nani bani, kupia pah aihwa pali daukaia sipsa. “Bara Gad ra mayunan kabia, witin lika sip pali sa yawan dia makabia ba, bara wan kupia ra luki ba sut kau pura luki daukbia, ai karnika yawan ra wark dauki ba bani” (Epesus 3:20).

4. Dawan Gad wantapia sa, diara bahki ra tikaia ba. Witin want sa diara sut wanki ba, sut pali yus munbia, “diara kumi sin bahkira munbia apia.”

Witin want sa wan taimka ba sins laka kat yus munbia: “Pyua brisma na pain yus muni bas, kan yua nani na saura sa. Man nani sins apu baku kapara; sakuna Dawan kupia laka ba dia sapa tanka pain bris” (Epesus 5:16, 17).

Witin wantsa yawan dia pain dauki ba bara wan talentka nani ba sins laka kat yus munbia: “Bara Dawanka ba bila: Pain, man ba alba pain bara yamni sma. Man ba diara wiria wal kasak kapram bamna, diara ailal mihtam ra mangkamna. Bal dims Dawan kam lilia ra” (Matyu 25:21).

Baku sin Jisas want sa wan lalahka ba sins laka kat yus munbia. “Man nani naha tasba ra yuya nani suni bripara, kan yula nani mita sauhkisa, diara nani ba sut aisauisa; bara aimplikra nani implikaia dimisa. Sakuna, man nani diara brisma ba kasbrika purara suni bas; baha ra lika yula nani mita sauhkras, diara nani ba sin aisauras, aimplikra nani sin sip dimi implikras. Kan ani pliskara duki-am nani suni bri kama bara, kupiam sin bahara kabia” (Matyu 6:19-21).

43

5. Disaipil bani Jisas mihta wina plun ba brin, bara upla ailal plun dauki kan nani ra yuhan. Baku sin yawan Jisas wina yu bani Spirit pata bri ba, baha sin yawan sir munan kaia sa, wan lama uplika nani aikuki, kan “rayaka brid ka” nit sa bamna.

Brid, satka wal ba.

Upla ailal ka ba lilia banghwi kan, witin nani plun dauki kan kuna plun piaia bri banghwi kan ba mita. Witin nani want kan Jisas ba ai king ka kabia, bara baku lika witin nani kli wark taka apia kan, plun piaia dukiara! Kuna Jisas witin nani ra kupia kraukan, kaina pyua ra dia takan ba ai aisa nani ra. Israel luhpia nani ba yabalra impaki kan ldsipt tawanka wina Gad pramis munan tasbaya ra. Naha upla ailalka tara ba, Gad mapara aisan witin nani twi lalma ra kan taim. Bara Gad mita kasbrika wina yaban brid nani yakawan li auhwi baku, yu bani plun dakaki kaia dukiara! Nahki diara aihka painkira sa naha daukan na (Impakan Storka 16:4-35)! Upla nani ba kasak pali tanka briras kan naha pata raya kum yabi ba; baha mita witin nani nina “mana” makan kata mana tanka ba: Naha dia dukia sa?

Baha ninkara Gad mita upla nani ra marikan dia dukiara Witin naha daukan ba. Moses upla nani ra win: “Pat maikan plun wauhram, sakuna ninkara manna maikan, man nani kaikras sma ba damikam nani sin kaikras kan ba. Mamrikaia want sa upla ba plun wina baman raya apia ba, sakuna bila bani Dawan bila wina taki ba mita raya sa” (Kli Smalkan 8:3).

Kau ban pali Gad mita diara aihka nani dauki, mani ailalra kasbrika wina manna yakabi yaban, mana ba brid kum wan wina tara helpka baman kan. Upla nani baha brid ka pin nani ba sin almuk takan bara prui banhwata. Baku sin nana ra Jisas upla ailalka nanira baha yuara plun dakakan taim, baha brid ka witin nani pin ba, baha sin ai wina tara help ka dukiara baman kan. Witin nani ai biara banhki pi banghwan bara ai

44



kupia pah taki banghwan, ban sakuna baha ninkara almuk taki banghwan bara prui banghwan.

Kuna Jisas turi tara kum bri kan! Nanara Jisas “bred” raya kum yabisa witin nanira, ya baha bred ka wina pibia kaka witin prubia apia. Au, ai wina tara ba lika prubia, sakuna witin nani sip prubia apia, bara ai wina tara ba Kraist kli balbia yua ra bukan kabia. Jisas upla nani ra win, baha Witin pali sin bred sat wala kum sa, bara piaia sip sa! Witin ba rayaka bred ka sa sulka nani pata! Witin ba kasbrika nani wina bal iwan kata, sim manna kasbrika wina bal iwan kata baku. Witin naha ra balan ai rayaka yabaia naha tasba uplika nani dukiara. Ya ya ai wina ba “pibia”—apia kaka ai kupiara bribia kaka—Jisas rayaka ba, witin sip prubia apia.

Nahki yawan sipsa, naha raya ka brid ka na “piaia”, kan naha brid ka sika Jisas sa bamna? Nahki yawan sip kabia ai talia “diaia”? Naku: yawan sip kabia briaia ai wina tara sakri paiska dus prihni ra daukan, yawan ra suaki sakan laka wankaia dukiara. Yawan nani sipsa Jisas ra briaia Gad ship luhpia baku, witin ai talia ni wan saurka nani klin daukisa bamna. Yawan sipsa ai Spirit ka rayaka yayabra ba wan kupia nani ra briaia. Baku sin yawan sipsa ai bila nani rayaka yayabra ba briaia, aisi kaiki lan taki bara ai bila wali dauki taim. Yawan nani nit pali sa, ai rayaka wina yu bani di kaia sa, sim pali wan wina tara yu bani plun want nit taki ba baku.

45

Spirit sinska tanira man sip sma Jisas wina ba “piaia,” bara talia ba sin yu bani “diaia”.

1. Yu bani Gad bila ingnika ra wapi bas. Man saura daukma kaka, saurkam dahra aisi wis Gad ra, bara Jisas talia mita saurkam ba klin daukbia, bara baku lika man Gad wal ban tankam pain bri kaia sip kama (1 Jan 1:7-9).

2. Yu bani Jisas ra makas ai Spirit ka Holikira ni mai banghi kabia. Diara sut man daukma ba ai Spiritka man ra ba karnika ra daukma. Yu bani witin sin tanka maiki kabia Baibil aisi kaikisma bak ku. Gad bila ba sika rayaka yawan nani mapara. Yu bani taim kum saki bri bas Gad wal bilam baikra karna wal aisaia dukiara. (Man upla kum wal aisisma baku). Baku man yu aiska ra Witin ra luki tauki bas. Man Witin wal aisas sinskam ra diara sut dukiara. Baku man tankam brima nahki prais ka kat Jisas wal taliam taki auma ba!

Gad pramis painkira kum brisa man dukiam, naha dukia nani daukma kaka: **“Gad sibrinka bri nani kan ba, kumi bani ai panika aikuki aisi banghwan; bara Jehova walikan, bara kupia kraukanka wauhkataya kum ulban Witin ai mawan kat Jehova sibrinka bri nani ba dukiara, bara ya ai nina ra kasak luki nani ba dukiara sin. Bara yang maipara baha nani ba bak saki kulkan nani kabia, Jehova baku aisin; yang yui balbia bara Witin saurka ban swih tikamna, baha wainika ai luhpia ai kupia laka ai wark ka dauki kan saurka swih tiki ba baku”** (Malakai 3:16, 17).

Gad bila ba wan solka pata sa.

Pyua nani luanra Job naku win: **“La mankan ba wina nayara takras kapri, ai bila nani sin kasak alki brii yang pati ba purkara praiska”** (Job 23:12).

Jirimaia naku aisan: **“Man yang ra ai aisi kapram bara, bilam nani ba langki katna; baha nani sika yang liliaki, ayapah sakikan kupira, kan yang sika man dukiam sna Dawan bara Gad karnakira”** (Jirimaia 15:16).

Lawana nani ayulbra ba naku win: **“Man pramis kam nani ba yang dairkaia ra damni pali sa”** (Lawana nani 119:103).

46

bak wapi luamna kra; diara saura kum sin sibrin ka lukamna apia; kan Dawan, man, yang wal sma” (Lawana nani 23:4a).

STURI 13. JISAS PRI LAKA DUKIARA AISI SA.

Jan 8:31-37, 42, 47

³¹Ju nani kasak luki bangwan ba sut ra Jisas mita win: —Dia mai wisna ba kat kasak kama kaka, man nani ba kasak yang disaipelki nani kama. ³²Bamna diara kasak tanka ba kaikma; bara kasak tanka ba mita sin pri mai sakbia.

³³Baha nani pana win: —Yang nani na lika Ebrahim kyamka, bara kau aima kumi sin yang nani upla albika takras; bamna nahki man wisma yang nani na pri laka bri kamna? ³⁴Jisas baha nani ra win: —Kasak pali mai wisni, baha nani saura dauki ba lika saurka laka albika sa. ³⁵Alba ba utla ra ban kaia apia sa, sakuna luhpia ba lika utla ra ban kaia sa. ³⁶Baku bamna, Luhpia mita pri mai sakisa kaka, man nani

lika kasak pali pri kama. ³⁷Yang kaiki sna man nani ba Ebrahim kyamka, sakuna man nani ai ikaia want sma, kan yang dia mai wisna ba alki daukras sma.

⁴²Bamna Jisas pana win: —Gâd ba kasak man nani aisi kam kata kaka, latwan ai kaikaia katma, kan yang Gâd wina ai blikan nahara sni. Yang yakan balras, sakuna Gâd mita ai blikan.

⁴⁷Ya Gâd wina sa kaka, Gâd bila nani ba aman walisa; sakuna man nani na Gâd wina apia sma ba mita, walaia want apia sma.

Jan 7:17

¹⁷Upla kum Gâd want ba dukya daukaia lukisa kaka, witin kaikbia smalkanki nani ba, Gâd wina apia kaka, yang yakan kupi wina saki smalkisna sapa.

Wark daukaia nani.

Lain nani ba pura ra ulbi banhs.

1. Man nani yang bili kat _____, Jisas bila, man nani ba kasak yang _____ (8:31).


2. Bara _____ mita pri mai sakbia (8:32).

48

Pita bila, **“Tukta suap lupia aisubi takan baku, Spirit tyalka laya ba pliks, bara baha dih suaki sakan laka ra pawma, Dawan yamni ka ba laik takram sa kaka”** (1 Pita 2:2, 3).

Yu bani Dawan bila ba pi banghwi kap!

STURI 12. JISAS LI PURAK KU WAPI SA.



Jan 6:16-21

¹⁶Pat tihmia iwan kan bara, Jisas disaipelka nani ba lakun ra iwi wan, ¹⁷bara duri tara kum ra aimaki mahka lakun baila walara lui Kapernaum ra auya

kan. Pat sin tihmu kan, kuna Jisas lika kau balras kan. ¹⁸Baku bara mahka pasa karna kum krauan, bara rip nani sin tara bukikan. ¹⁹Disaipelka nani pat 3 apia kaka 4 mails prais, lagun un ba wina tihu ra takan kan bara, witin nani kaikan Jisas duri tara ba lamara aula kan, li pura bak wapi; bara witin nani sibrin taki bangwan. ²⁰Sakuna Jisas mita win: —Yang sna, man nani sibripara! ²¹Bamna witin nani wili pali, Jisas ba duri ra brin, bara witin nani waia kan pliska ra pat pali wan.

Luki Kaikaia dukia.

Man pat tilara iwisma ki? Na minitka ra rayakam ba tihmu baku kaikisma ki? Jisas ba man wina laiwhra sa baku damhra walisma? Man bara namyara uplikam nani ba aikuki silp dukiam ra pat taki sma ki skual tara kum ra, suapni kam tilara traikaikisma baila wala ra luwaia? Naha aisanka na baku pât takisma kaka, nanara nu taks *Jisas kasak lukisa* yawan nani dukiara. Witin diara sut *nu* sa bara *kaikisa* sin. Man trabil brisma taim Witin lamam ra balisa. Sibripara. Man trabil kam tilara Jisas ra liliakira bris. Witin ai mihtara diara sut manki swis. Witin awala praut takan ba lamni daukbia, bara *bâk* baila wala kat mai brih lubia. **“Il bila kau prura tihmu ka**

47

3. Baha nani saura dauki nani ba lika _____ (8:34).

4. Baku bamna, _____ pri mai sakisa kaka, (saurka wina), man nani lika kasak pali pri kama (8:36).

5. Bamna Jisas pana win: Gad ba man nani aisikam kata kaka, _____ (8:42).

6. Ya _____ wina ba, Gad bila nani ba aman walisa (8:47).

7. Upla kum Gad _____, daukaia lukisa kaka, witin _____ smalkanki nani ba, Gad wina apia kaka yang kupi wina saki smalkisna sapa (7:17).

STURI 14. JISAS TASBA INGNIKA BA.



Jan 8:12

¹²Jisas kli upla nani ra aisi, win: —Yang sika upla nani ingnika; ya yang nini bliki ba, rayakaia yabi ingnika ba bri kabia, bara kli sin tihmia ra tauki kabia apia.

Jan 9:1-9, 13-25, 33-38

¹Jisas plis kum bak impaki lui auya kan bara, witin waitna kumi kaikan ba aisubi takan ba wina blain kan. ²Bara ai disaipelka nani ba mita, witin ra

makabi walan: —Smasmalkra, diakan naha waitnika na blain aisubi takan ki? Dia ai aisika nani saurka ba mita, apia kaka witin ai saurka ba mita ki? ³Jisas pana win: —Witin ai saurka ba mita apia bara ai aisika nani saurka ba mita sin apia; sakuna Gâd karnika witin bak marikan kaia ba mata sa. ⁴Kau kakna nara, ai blikan ba warkka yawan daukaia sa; kan tihmia ba aula, bara bahara upla sip wark daukras sa. ⁵Kau naha tasba ra sna ba pyua ra, yang lika naha tasba ingnika sna. ⁶Naha aisin ba ningkara, Jisas tasba ra yabalaia tuhban, bara yabalaia ni drapapa wiria dauki, blain waitnika ba nakra nani ra yukan. ⁷Ningkara witin ra win: —Sailoam laya madakura ra wih aihatas (baha nina tanka ba

49

lika: “Blikan”). Blain ba wih aihataban, bara kli tau balan bara, witin sip kan diara kaikaia.

⁸Bamna ai watla tnayara iwi nani ba, witin diara makabi kan kaikan uplika nani ba sin, naku win: —Naha waitnika apia, iwi upla ra diara makabi kata ba?

⁹Upla kum, kum bila: —Au, witin sika. Wala nani bila: —Witin apia, blain waitna kata ba. Sakuna waitnika pali ba bila: —Au, yang sika baha waitnika ba.

¹³Bamna witin nani blain kan rawan waitnika ba, Parisi nani mawanra brih wan. ¹⁴Jisas drapapa dauki blain waitnika ra rakan ba lika, wingka puhbaia yua kata. ¹⁵Bamna Parisi nani blain kan rawan waitnika ra kli makabi walan, nahki ai nakra brin sapa. Waitnika ba bila: —Drapapa naikra nani ra yukan, ningkara wih naikra ba sibkri, bara nanara kaikisna. ¹⁶Bamna Parisi nani tila bila: —Naha daukan waitnika ba, Gâd wina apia sa, kan witin wingka puhbaia yua ba kulkras sa. Kuna wala nani bila: —Upla saura kaka, nahki sip kabia naha sât wark aihka nani na daukaia? Baku bamna, witin nani ai tilara tarbaiwan laka takan. ¹⁷Bara blain kan rawan waitnika ra kli makabi walan: —Bara man ba dia

wisma baha waitnika namkra maikan ba dukyara? Waitnika ba bila: —Yang lika wisna baha waitnika ba dahra aisasara kum sa. ¹⁸Sakuna Ju nani lika sip kasak lukras kan, baha waitnika ba nakras kan bara nanara ai nakra pain brisa; aisika yaptika wal ba paiwi, ¹⁹baha nani ra makabi walan katra mika: —Naha na man nani luhpiam sa ki, witinka nakras ban aisubi takan wisi man nani aisisma ba? Nahki kan nanara witin diara pain kaikisa? ²⁰Aisika bara yaptika wal bila: —Yang nani kaiki sna naha na yang nani luhpi pali bara witin sika blain ban aisubi takan ba; ²¹sakuna yang nani kaikras nahki witin ba sip sa sapa kaikaia, bara ya pali mita nakra ba pain daukan sapa sin kaikras. Man nani witin ra makabi wals; witin pat aitanai waitna pawan sa, bamna dia, dia tanka sut param aisaia sip sa. ²²Aisika bara yaptika wal sibrin kan ba mita baku aisin, kan Ju nani pat lâ daukan kan, ya mita Jisas ba Misaia sa wibia kaka, prias watla ba wina kangbi sa-kaia. ²³Baha mihta aisika bara yaptika wal mita win: “Man nani mita makabi wals, witin na aitanai almuk pawan sa bamna.” ²⁴Bara Ju nani mita kan pyua ra

50

5. Ya bila win, “Naha waitnika Gad wina balras kan kaka, diara kumi sin daukaia apia kan?” (9:33).

6. Ya bila win, “Man Gad Luhpia ra kasak lukisma ki?” (9:35).

7. Ya bila win, “Kasak lukisni Dawan?” (9:38).

Jisas ingni brih bali sa.

Jisas waitna blain nakra kuakan taim, Witin ingni brih balan naha waitna rayaka ra. Kuna Jisas marikaia want kan ba lika, Witin balan ba upla sut tihmya tilara tauki nani ba Spirit ka nakra ilinkaia dukiara balan.

Mani ailal luanra, Gad ai prapit ka nani bâkku pramis munan, upla kum balbia, baha ingni brih balbia. Gad, Jisas dukiara aisan kata. “Yang Dawan mai paiwri bara mihtam wina mai alkri, man ba upla swaki sakaia dukia kaia; yang mai paskri, yang want sna, laika upla wal daukri ba sainka kaia, nisan nani ingnika. Yang want sna nakra yama nakras nani ra, bara silak uplika nani silak watla wina sakma tihmya tara tilara iwi ba wina” (Aiseya 42:6, 7). Aiseya, Jisas yua ba kaikan. “Baha tawanka tihmya tilara watauki kan ba, ingni tara kaikan; baha nani prura distika tasbayara iwi kan nani ba, purara ingni ba ingwan” (Aiseya 9:2).

Bamna Jisas witin ba tasba ingnika win taim, ju nani ba nu kan, baha Jisas wiaia want kan Witin ba Gad, kan Gad sika ingni “Dawan ba yang ingniki bara sasakriki sin” (Lawana Nani 27:1) baku wisa. “Tihmya tara tilara iwi kamna sin, Dawan yang ingniki kabia” (Maika 7:8b). Debit naku aisi Dawan ra tinki win, “Man sika yang lampki, yang Dawanki; yang Gadki, tihmu ki tara nani ba ingni daukbia” (2 Samyuil 22:29). Yawan Jisas wal kakaira takuia bara, Gad wal sin kakaira takisa. Jisas bila, “Man nani yang na ai kakaira katma kaka, Aisiki ra sin kakaira kaia kapram” (Jan 14:7a). “Dawan mita tihmya ra ingwbia dukiara ingni

52

blain kan waitnika ba kli paiwi, win: —Diara kasak ba wan wis Gâd mawanra; kan yang nani kaikisna baha waitnika ba lika saura dadaukra sa. ²⁵Blain kan rawan waitnika pana win: —Yang kaikras sni witin ba saura dadaukra apia kaka baku apia sapa. Sakuna diara kumi baman lika kaiki sna: yang blain kapri, bara nanara kaikaia sip sna ba. ³³Naha waitnika na Gâd wina balras kan kaka, witin diara kumi sin sip daukaia apia kan. ³⁴Bara witin nani win: —Man lika saurka laka wina aisubi takram, bamna yang nani ra ai

smalkaia lukisma ki? Bamna witin nani Sinagog ba wina waitnika ba kangbi sakan. ³⁵Jisas walan blain waitna kata ba, prias watla wina saki lulkan ba. Witin waitnika wal prawan bara, naku win: —Man ba Upla Luhpia waitna ra kasak lukisma ki? ³⁶Waitnika ba bila: —Dawan, yang mita kasak lukaia sna uplika ba ya kaka, ai wis. ³⁷Jisas pana win: —Man witin ba pat kaikram sa; baha ba yang sika, man witinka wal nanara pali aisisma na. ³⁸Bara waitnika ba Jisas mawanra ai lula kriki, win: —Kasak lukisni, Dawan.

Ya bila win?

1. Ya bila win, “tihmya ba aula, bara bahara upla sip wark daukbia apia?” (9:4).

2. Ya bila win, “Naha waitnika apia, iwi upla ra diara makabi kata ba?” (9:8).

3. Ya bila win, “Naha daukan waitnika ba, Gad wina apia sa?” (9:16).

[Parisi nani ba, ju daknika lalukra nani kum kan. Witin nani ai laka karna pali brikan, Mosis laka nani ba kulkaia ra, bara witin nani ai natka nani kulkaia ra sin.]

4. Ya bila win, “Witin pat almuk sa, witin ra makabi wals” dia mita ju nani sia yabi kan? (9:20-23).

[Diara saura pali kan sinagog wina kangbi sakan kaia ba. Latara lulkan uplika ba lipar kira baku kulkan kan. Upla kumi sin witin wal iwras kata plun pia, apia kaka wal bisnis daukras kata.]

51

blikan, ba mita sika ai ingnika wan kupiara yan ingwan, bara baku mika baha ingnika wal Gad prana Jisas Kraist mawanra ingwi ba, yawan kaikbia” (2 Korint 4:6). Man naha ingnika pat briram ki?

Ingnira Wapaia.

Ya Jisas nina bliki nani ba, tihmura wapi banhbia apia, bansakuna ingnira lika. “Kaina pyua ra man nani tihmya ra iwi banghwi kapram, nanara Dawan uplika takram ba mita, ingnira iwi banghwisma. Bamna man nani ingni uplika baku tauki bas” (Epesus 5:8).

“Upla watawikiran nani yabalka ba tihmu tara baku sa, witin nani ai dahra walras dia mita ai mina prukisa sapa” (Sins laka 4:19). “Bansakuna, upla kasakkira nani yabalka lika yu baiwi uli aula ba ingnika bakusa, kau ban ingni taki auya, yu ingnika kum kasak painkira takan baku” (Sins laka 4:18).

Dawan bila ba sika ingni. “Man bilam smalkanka ba, yang mini lampka sa, bara yang yabalki ingnika sin” (Lawana Nani 119:105). “Man bilam smalkanka nani ba ingni wankisa; ai dahra walras nani ra diara tanka yan brisa” (Lawana Nani 119:130). Yawan yu bani Dawan bila wali bamna, kasaka palisa yawan bila walaia bara alki sin daukaia dia wan wiba kat. Naha tanka sika “Ingnira Wapaia”. Gad dia wan wiba daukaia sika ingnira wapaia. Man Jisas la kum mankan ba kupiam krawisa ki naku wiba walkam wal pana pana latwan kaiks? Ba mita Dawan bila ba naku wisa, “Sakuna ya ai muihnira misbara kaikisa kaka, witin lika tihmyara iwi sa, bara tihmyara sin taukisa, ba mita witin anira auya sapa kaikras sa, tihmya ba mita nakra sut blain daukan” (1 Jan 2:11).

Yawan tihmu ra pyu bani wapisa bara kau isti blain takisa. Muyul nani, karbun main ka nani ra yus muni ba, wik kum bilara mas aima kum pan latara saki kaya lapta ingnika ra, baku sakras sa kaka, nakra ba isti blain takisa kan tihmu ra man brisa kaka. Yawan nani wal sin baku takisa; pyu banira

53

yawan ingnira wapi kaia sa; baku apia kaka wan Spirit ka nakra ba Sitan mita kunin munaia sipsa, bara wan sinska, baku sin wan kupia blain daukaia sipsa.

Yawan na tasba ingnika sa.

“Diara nani sut brukras bara blahwan sin apu dauki bas, bara baku upla kumi mita sin lawi mai daukbia apia, kuna taski apu Gad luhpia nani kama, upla saura nani tilara, Man nani ba witin nani tilara slilma ingwi baku kama naha tasbara” (Pilipai 2:14,15). Dawan Gad bak pliki wan sakan, “Man nani Gad warkka aihka painkira nani ba saki aisama dukiara. Witinka man nani tihmu tara wina mai paiwi mai sakan ai ingnika painkira ra” (1 Pita 2:9b). *Rayakam* ba ingni kumsa ki, lamamra iwi uplika nani mapara? Baku apiasa kaka, Pal naku wan smalkisa “Tihmya warkka nani ba mahka swiaia, bara ingni praka dimaia, ingni warka praka” (Rom 13:12b).

Yawan nani ridi takan kaia sa dawan kli aula ba dukiara. Yawan nani aihwaki rayasa bara ingni ra wapisa kaka lika, yawan ridi kabia. “Kan man nani sika ingni luhpia bara kakna luhpia nani sin, yawan tihmya uplika apia bara tihmu wina sin apia. Baku bamna yawan yapbiara wala nani baku, bansakuna yawan aiwahki raya kaia, bara wan dara pain wali kaia sa” (1 Tesalonika 5:5, 6).

Jisas win, kasbrika raya bara tasba raya dukiara aisi taim, Jerusalem raya bribia ba dukiara aisisa. “Taunka ba wan yu lapta ba, kati ba sin, ai ingnika yaia apia kabia, Gâd ingnika pali ba witin ra ingwisa banma, bara Syîp ba ai lampka sa” (Param Marikan 21:23). Nahki prana kabia Jisas ba yawan ingnika kabia raya bankaiara.

Kau ingni bara wark dauki kaia.

Jisas kli balbia ba kat yawan nit sa wark taki kaia naha tasba tihmu ra. Yua kum balbia bara naha tasbaia na luwi wabia (Matyu 5:18). Baha nani ingnira balras nani ba luwi wan kabia lata tani tihmu tara ra bankaiara (Matyu 22:13). Wark taki kap. “bara baha uplika nani nakra nani ilinkma

54



ba sut ba ta kat aimaki wapi auya; bara syîp nani ba mita nina bliki auya, kan ai bila baikra ba kakaira bangwisa. ⁵Bamna syîp nani ba mita upla tringsar nina lika blikbia apia, sakuna witin nani ba wina plapbia, kan witin nani lika upla tringsar nani bila baikra ba wawalra apia sa bamna.” ⁶Jisas naha maprika na aisin, sakuna Parisi nani sip tanka briras kata, dia wiaia dukiara Jisas baha aisin ba. ⁷Bamna Jisas kli Parisi nani ra win: “Kasak pali man nani ra mai wisni: Yang sika syîp nani dimaia durka ba. ⁸Sakuna baha nani sut yang kainira balan ba lika, aimplikra nani bara upla ra rausauhki dukya dadakbra nani ra; bara syîp nani ba mita witin nani ra walras kata. ⁹Yang sika dur ba; bamna

ani uplika yang ku dimbia ba, swaki sakan kabia. Bara witin ka ba lika syîp kumi klarka ra dimi si, ai pata pliki taki auya baku kabia. ¹⁰Bamna aimplikra ba lika aula, implikaia bara iki apu daukaia baman; sakuna yang balri na lika witin nani raya kaia laka bribia ba dukyara, bara baha sin manis pali bribia mata. ¹¹Yang sika Sepad yamni ba. Sepad yamni ba ai syîpka nani tawan ai rayaka ba yabaia wilin sa. ¹²Sakuna wark taki uplika ba lika ai mana bri-aia dukyara baman wark takisa; bamna ani pyua yul wail kaikan aula bara, syîpka nani ba swisi plapisa, kan witin ba sepap apia sa, bara syîp nani ba sin ai dukya apia bamna. Baku bara yul wail ba mita syîp nani ba alkuya, bara yakabrira baman daukuya. ¹³Naha waitnika na lika plapisa ai mana ba dukyara baman wark takisa bamna, bara baha mita syîp nani ba dukyara lukras pali sa. ¹⁴⁻¹⁵Yang sika Sepad yamni ba. Aisiki mita ai kakaira ba baku, yang mita sin Aisiki ba kakaira pali sni, bara baha sin natkara, yang na syîpki nani mita sin ai kakaira ba baku. Bara syîpki nani ba tawan yang rayaki ba yaia wilin sni. ¹⁶Bara syîp wala

56

bara witin nani tihmya ba wina ingni ra taubia, bara Sitan karnika ba wina Gad mihtara taubia, baku mika kasak lukan laka yang ra ba mita, saurka sut swih tikan laka ba bribia...” (Wark nani 26:18).

Ju nani ba mita aima kum Jisas ra makabi walan “Yawan dia daukaia sa ki, Gad warkka nani ba alki brih daukaia sa kaka? Jisas pana win “Naha sika Gad warkka ba, Witin mita blikan uplika ra kasak lukma” (Jan 6:28, 29). Jisas tanka param pali wal smalki win “Kan man nani kasak luki banghras sma yang sna ba, bamna saurkam wal ban pruma” (Jan 8:24b).

Pas taura yawan pain wan tanka briaia, yawan rait pali ingni ra balan sapa, rayaka bankaiara briaia dukiara. Baha ninkara Jisas wal wark takaia wala nani ingnira brih balaia dukiara. “Wark taki banghs, sakuna baha pata aisawi lui ba dukiara apia, bansakuna bankayara pata ba dukiara bara rayaka bankaiara dukiara sin. Naha pata upla Luhpika waitna mita maikbia” (Jan 6:27).

Kupiam krawisa ki, waitna nakras dukiara wan sturka kata ra aisi kata? Witin param pali aisan wala nani ra, Jisas witin dukiara dia pali daukan ba. Kau pali naha waitnika ra ai tila wina kangbi sakan kata, baha nani Spiritra blain pali nani kan ba mita, Jisas naha waitnika dukiara kasak pali luki kan, bara witinra balan ai tanka kau param marikaia dukiara. Jisas man dukiamra sin naku daukaia sipsa!

STURI 15. JISAS SHEPAT YAMNI BA.

Jan 10:1-16, 27-33

¹Bamna yang kasak pali mai wisni, ani uplika syîp nani klar-ka ra dimaia durka ba swisi tna-ya walak ni dimisa kaka, baha lika aimplikra bara upla ra rausauhki dukya dadakbra sa. ²Kuna durku dimi uplika ba sika sepad, syîp nani main kakaira

ba. ³Bara dur main kakaira ba mita syîp main kakaira dimbia dukyara dur ba kwakisa, bara syîpka nani mita sin ai bila baikra walisa. Ai syîpka nani nina kat maki winisa, bara klar bila wina saki latara brih auya. ⁴Ai syîpka nani sut latara sakan ba ningkara, witin lika syîp nani

55

nani sin brisni, bara baha nani ba lika naha klarka wina apia sa; sakuna baha nani ba sin brih balaia sni. Au, witin nani mita sin yang bili walbia, bara baku dakni kumi takbia bara sepadka sin kumi kabia.

²⁷Syîpki nani ba bili baikra pain walisa; yang witin nani ba kakaira sna, bara witin nani nini blikisa. ²⁸Yang baha nani ra raya ban kaia laka ba yabisni, bamna witin nani sin prubia apia ban kaiara raya kabia, baku bara upla kumi sin apu sa baha nani ba mihti wina dakbi briaia. ²⁹Aisiki mita aikan dukia ba kau tara sa diara wala nani

ba sut wal; bara upla kumi sin baha nani ba Aisa mihta wina sip dakbi bribia apia. ³⁰Yang na Aisa wal kumi pali sni. ³¹Bara Ju nani kli walpa nani brin, Jisas ra lulki sabia. ³²Bamna Jisas win: —Aisiki karnika mita man nani mamwanra diara manis pain daukri; ani pali dukya ba tawan walpa ni aisabaia isma ki? ³³Ju nani pana win: —Diara pain nani daukram ba kumi sin tawan yang nani man ra walpa ni mai sabamna apia, sakuna man Gâd mapara saura aisisma ba tawan lika. Man ba upla kum sma, bara trai kaikisma winam ba Gâd baku takaia.

Naha sturka smalkanka kum kum ba.

1. *Suaki sakan durka kumi baman ba sika Jisas.* Diara kumi man daukaia sipsa, yawan nani ai bila baikra wali bara ai nina blikbia kaka, yawan sipsa Witin ai shipka aihwa pali kaia. Witin ninam kat maki mai winisa, ai rayaka sin yabisa man dukiam ra. “Yawan nani sut ship baku wan mah-wakan, kumi bani ai yabalkara tauui wan; sakuna Dawan, yawan nani sut wan saurka ba witin brih twilkan” (Aiseya 53:6). Man yabalkam ba wina pat swih Dawan yabalkara tauram sa ki?

2. *Jisas baman shepat kasakkira ba.* “Kan Witin sika yawan wan Dawan ka sa, bara yawan lika Witin ai uplika nani, bara ai ship ka daknika Witin ai mihtara brisa” (Lawana nani 95:7). “Man nani kasak luki banghs, Dawan Witin sika Gad ba; Witin wan paskan, bara yawan Witin ai uplika nani sa, ai ship ka daknika sin” (Lawana nani 100:3).

57

3. Yawan nani na ai shipka nani sa kaka, Witin yawan nani wal kakaira sa, bara yawan sin Witin wal kakaira sa. **"Sakuna yang Dawanki, man pain pali ai kakaira sma, man pat ai kaikram, bara yang kupi na sin pat kaikran man ra nahki prais kat luki ba"** (Jirimaia 12:3a). *Man Jisas wal kakaira sma ki, smasmalkrikam wal kakaira sma baku?* Baku sa kaka, man Witin ai nina baman blikma, upla wala nina blikma apia. *Witin man wal kakaira sa ki?* "Smasmalkra tara" ba balbia taim, upla ailal wibia, **"Dawan, Dawan yang nani man ninam maki sturi yamni aisi banghri, ninam maki spirit saura nani kangbi sakri, bara ninam maki sin sain tara ailal dauki banghri?"** Jisas bila, **"Sakuna yang mita pana witin nani ra wimna: yang man nani mai kaikras pali sna; diara saura dadaukra nani! Maiwan wina taki was!"** (Matyu 7:23). Yawan sipapia sa Dawan uplika kaia, bara sim pyua ra yawan silp wan kupia laka ra tauki kaia. Holi laka luha ni upla kumi sin Dawan kaikbia apia (Hibru nani 12:14).

4. Yawan Jisas brisa bara, Witin wan kaina kahbi sa bankaiara kat. Upla kumi sin ai mihta wina wan dakbi bribia apia. Naha pramiska na daukan sa baha nani **"Ship Shepat ka tara ba"**, Jisas Kraist nina bliki nani ba dukiara baman.

5. Ya Jisas nina bliki nani ba, upla aihka nani wina plapisa, Sitan sika aimplikra kum baku sa, kan witin imhplika, ikaia ba sauhki tikaia plikisa bamna.

6. Jisas bila witin ba Gad wisata. Bara Jisas bila Witin ba Shepat yamni ba win, bara Witin ba ai Aisa wal kumi ra asla sa win, ju uplika nani nu banghwi kan Witin ba Gad wal baku ai wina ba kulki kan ba. Bara witin nani Gad nina bliki kan kaka, Jisas ba witin nani ai Shepat ka baku kaikaia kan. Aiseya naku wisata: **"Kais Jehova Dawan balbia... Witin shepat baku ai daknika ba main kaikbia; ship luhpia nani ba ai klahklara twilkbia, ai lama bilara manki bribia; tawa tawa brih taukbia ship luhpia sirpi nani ba"** (Aiseya 40:10, 11). **"Bara witin nani pura ra shepat kum bukam na, bara witin main kaikan kabia; yang napakanki David, witin plun dakaki main kaikbia, bara witin ba shepat kabia."** (Isikiel 34:23).

58

ka Lasarus ra alkan na lika pruaia dukya apia sa, sakuna Gâd prana ba marikaia bara yaka baha sikniska bak, Gâd Luhpia prana ba marikaia dukyara sa, ⁵Au, Jisas mita Marta bara Lasarus wal ra uya latwan kaiki kata. ⁶Sakuna Jisas ba Lasarus sikniska, witin ra win bara kau yu wal takaskan. ⁷Baha ningkara Jisas ai disaipelka nani ra win: —Kaisa yawan kli Judia ra waia.

¹⁷Bamna Jisas balan bara, kaikan Lasarus ba pat bikan yu wahlwal kan. ¹⁸Betani ba Jerusalem lamara kan, kau wiria bara mails wal praiksa. ¹⁹Ju nani ailal aidrubi balan kata, Marta bara Meri wal ra maisanihkaia, ai lakrika Lasarus pruan ba dukyara. ²⁰Bamna Jisas aula kan ba Marta kaikan bara, mahka taki wan wal prawaia, sakuna Meri lika utla ra ban takaskan. ²¹Marta mita Jisas ra win: —Dawan, man nara katma kaka, laikra ba pruaia apia kan, ²²Sakuna yang kaikisna, Gâd ra dia makama ba witin sut maikbia. ²³Jisas pana win: —Man lamkra Lasarus ba kli raya takbia. ²⁴Marta bila: —Au, yang kaiki sna witin ba kli bubia, tnata yua pruan nani kli bubia bara. ²⁵Jisas pana win: —Yang sika

kli buaia tanka bara rayaka ba sin. Ya yang ra kasak luki ba, prubia kra kuna raya kabia. ²⁶Bamna baha nani kau raya ba pyua ra yang ra kasak luki ba, prubia apia ban kaiara. Naha man kasak lukisma ki? ²⁷Marta bila: —Au, Dawan, yang kasak lukisna man ba Kraist, Gâd Luhpia ba, witinka naha tasba ra balaia kan ba.

²⁸Naha aisin ningkara, Marta wan ai muhni Meri ba winaia, bara witin wal man aihka taki, naku win: —Smasmalkra ba nara sa, bara witin lika mai paiwisa. ²⁹Meri naha walan bara, aihni pali mika taki wan Jisas wal prawaia. ³⁰Jisas ba kau taunka dimras; witin Marta wal prawan pliska ra ban bara kan. ³¹Ju nani utla bilara Meri maisanihki kan ba mita kaikan, Meri lika aihni pali latara taki auya. Bamna witin nani sin nina ra taki wan, kan luki bangwan Meri ba raiti ra auya bahara inaia. ³²Bamna Meri ba Jisas bara kan ba pliska ra wan bara, witin Jisas mina ra ai lula krika, naku win: —Dawan, man nara katma kaka, laikra ba pruaia apia kan.

³³Jisas kaikan Meri ba ini kan, bara Ju nani witin wal balan ba sin. Bamna Jisas sari

Shepat Lawana nani ba

Lawana nani 23

¹Dawan sika sepadki; yang diara sut brisna ²Two kura pawis tasbaia nani ra aitnikaia aikisa, li lamni nani lamara ai bri taukisa.

³Karniki raya aikisa kasakka yabalka nani bak ai bri auya, witin ai nina kulkanka laka dauki. ⁴Li bila kau tihamu bak wapi luamna kra, diara saura bara sa, sibrin lukamna apia; kan Dawan, man, yang wal sma; man sepadkam dusa kin kam ba, baha nani kupi bukisa kasak lukanka ra.

⁵Pata tara kum yang piaia man bui ridi ai daukram waihli nani mawan kat; batana laya ni laila ra laikram kap ki ba bangki



pali daukram. ⁶Man yamnikam, latwan ai kaikisma lâka ba, raya sna yua sut yang wal ban sa; bamna Dawan, wamtla ba waitla ban kabia.

STURI 16. JISAS BA KLI RAWI BUWAIA BA, BARA RAYAKA BA SIN.

Jan 11:1-7, 17-46

¹Waitna siknis kum bara kata, nina ba Lasarus, witin Betani wina kan, Meri ai muhni Marta wal taunka ba. ²Naha Meriba sika, Lasarus siknis ba lakrika kata, bara witin mita sika Jisas mina ra batana kia

pain ni yukan, bara ai tawa ni sin dikata ba. ³Bamna Lasarus lakrika mairin wal ba mita Jisas ra upla blikan, naku wiaia: —Dawan, man uplikam latwankira ba siknis pali sa. ⁴Jisas naha wali, nan aisin: —Naha siknis-

59

takan bara ai kupia ra wihra pali diman, ³⁴bara makabi walan: —Anira Lasarus ba blikram sa ki? Witin nani bila: —Dawan, bal kais.

³⁵Baku kan bara Jisas mahkanan. ³⁶Bamna Ju nani bila: —Kais, nahki latwan kaiki kan ba! ³⁷Sakuna baha nani wina kum, kum bila: —Naha waitnika sika upla blain kan yan kaikan, bara diara kum daukaia sip kan apia Lasarus ba pruaia apia dukia ra? ³⁸Jisas kli ai kupia wihra diman ba kira, raiti lamara balan. Baha raiti ba lika walpa unta kum kan, bahara Lasarus pruan ba, dingki dimaika ba prakan kan walpa kum ni. ³⁹Jisas bila: —Man nani walpa ba saks. Marta, Lasarus pruan ba lakrika bila: —Dawan, nanara pat kia saura takisa baku sa, kan Lasarus ba pat pruan yu wahlwal brisa. ⁴⁰Sakuna Jisas bila: —Yang mai wiras katna, man kasak lukma bara, Gâd prana ba kaikma? ⁴¹Bamna walpa ba sakan.

Bara Jisas kasbrika pura ra kaiki, naku aisin: —Aisa, yang tingki maiwisna man bili baikra walram bamna. ⁴²Yang kaiki sna man pyu nani bili walisma, sakuna yang baku aisisna upla

nani nahara bangwi na dukyara, witin nani kasak lukbia ba dukiara ai blikatma. ⁴³Naha aisin ba ningkara, ai bila baikra tara ni winan: —Lasarus, baha wina bal taks! ⁴⁴Bamna pruan kata ba bal takan, bara ai mihta bara mina nani sut kwala ni blakan kata, bara ai mawan sin kwala ni wilkan kata. Bamna Jisas mita win: —Man nani witin ba langks bara swis mahka wabia. ⁴⁵Naha taka mita, Meri yula kahbi aidrubi balan kan Ju nani wina ailal baha nani Jisas ra ka-



sak lukan, kan witin nani Jisas diara daukan ba kaiki bangwan bamna. ⁴⁶Sakuna baha Ju nani tila wina kum, kum ba mita Parisi nani ra wih win, Jisas dia daukan ba.

61

Luki kaikaia dukia.

Prana apia sa ki, Jisas nahki praiska kat ai panika nanira latwan kaikan ba nu takaia? Man sin Witin ai panika sma, Witin dia mai wiba daukisma kaka (Jan 15:14). Naha sturka ra, Jisas panika nani ba sari patka kum wal prawan kan. Ai panika Lasarus ai muini baku kulki kan ba pruan kata. Jisas ba sturi na walan taim lukras baku tauki kan. Yu kum kra man damra walisma pāt tara brisma kuna Dawan man dukiam ra lukras baku sa? Kuna Dawan sika yapras. Witin pyu bani ra man dukiamra lukisa. Yawan yu bani Witin ra kasak luki kaia, bara Dawan ra mayunra brih bali dukia nani ba daukaia.

Gad man dukiamra sin diara ridi dauki brisa. Witin want sa ai luhpia Jisas ra latwan kaikaia. **“Bamna yawan kaikaia, ya Dawan ra latwan kaiki nani ra diara sut mapara help yamni munisa, baha nani Gad ai kupia laka kat paiwan nani ra. Kainara Gad upla paiwan nani ba, ai luhpia baku kaia dukiara paiwan, baku mika Gad luhpia ba ai muini ailal tila-ra tawahkia kabia”** (Rom 8:28, 29). Baku bamna, naha taka mita yawan pat nani ailal wal prawi luwi waisa, **“Man nani kasak lukankam ba traika kaikan ra mankan kabia, baha gol wal sin kau mana tara ba, gol lika aisawi luwisa kuna, man nani lika Jisas Kraist balbia bara, maikan kabia: mayunra laka, prana bara yamni kulkanka laka ba”** (1 Pita 1:7).

Jisas marikaia want kan Mery bara Marta bara yawan nani ra sin, Witin ra kasak luki ba mita yawan prubia apia. Jisas ra kasak luki uplika kum pruya taim, **“ai wina tara ba wina taki auya, bara Dawan mawan ra witin wal sa”** (2 Korint 5:8).

Jisas trai muni kaikan Witin sipsa upla pruan ba kli rakai, ai bila ni nina maki winbia ba wal. [Lasarus Jisas bila baikra walan witin ra wini kan, bara kli rawi buan]. **“Pruwan nani ba Gad Luhpia bila baikra walbia; bara ya, ya bila baikra walbia ba kli rawi bui banghbia”** (Jan 5:25).

Kau naiwa kat sin, Jisas kupiam durkara kinghbisa. **“Ya yang bili baikra wali dur ba bukutbia kaka, witin ra dimamni bara witin wal plun pimni bara witin sin yang wal”** (Param Marikan 3:20b).


62

Baha nani ai bila baikra wali nani ba, bara ai durka kuaki nani ba paskan ka raya kum kabia. **“Bara Witin man nani ra rayaka maikan, man nani wataui laka taka, saurka lakara pruram kan ba wina”** (Epesus 2:1). **“Baku sin man nani, saurka laka mapara pruram baku damra wals, kuna Jisas Kraist wal raya bas Gad dukiara. Man winam tara praprura ba purara saurka mita yarka king aimakbia ra, bila sin walpara ai saurka nani brinka ra, winam sirpi ka nani saurka ra brih wapara, saura daukaia dukia kum baku, bansakuna man nani silp winam ba Gad ra brih was prura tila wina raya buan kum baku, bara winam sirpika nani ba Gad ra brih was kasak ka laka daukaia dukia kum baku”** (Rom 6:11-13).

Naha diara aihka daukan na, kasak bila walaia sa.

Man pat pāt kun wal prauram ki, sip diara daukaia apu kan, bara diara aihka kum daukaia lika satka? Jisas sipsa man rayakam ra swika pāt saura manas takaya, **“Gad mayunra ba dukiara”**. Kuna amya tikpara Witin latwan mai kaiki ba, Marta, Mery walra latwan kaikan baku. Witin sipsa man dukiam ra diara aihka kum daukaia, ridi daukisa man bila sin kaikrasma bara dauki maikaia. Kuna bila walaia ba nit pali kan, diara aihka daukaia ba, rayaka raya kum yabaia ba Jisas bila win: **“Walpaya ba saks”**. Upla nani ba, naha sins laka apiasa lukan, sakuna ban bila wali banghwan. Bara Lasarus raiti wina bal takan ninkara, Jisas bila win: **“Langhki bara swis wabia”**.

Gad karnika prana ba kaikaia dukiara, yawan sin bila wawala kaia sa, Spirit Holikira dia wan wi ba kat daukaia, diara sirpi kabia sin. Bankra upla kumra padin makabaisma, witin mapara saura yaram ba aiska pali lika patkira apia



63

kama sin, padin makabaia sma. Naha na walpaya kaia sipsa, baha sakaia nit ba, bara baku lika Jisas sip kabia diara aihka kum daukaia baha uplika wala ba kupiara. Bara Jisas diara aihka kum dauki taim, latwankira ni hilp munpi wala nani ra, diara saura nani mita wilki briba wina pri takbia dukiara. Prana apiasa ki, Jisas ai panika nani ra sans yaban hilp takisa diara aihka dauki?

STURI 17. LA UPLIKA NANI JISAS RA IKAIA RIDI TAKAN KAN BA.

Jan 11:47-54

⁴⁷Bamna Parisi nani, prist tara nani bara lâ uplika nani aikuki asla taki, makabi walan: —Yawan dia daukaia sa ki? Naha waitnika lika wark aihka nani uya pali daukisa. ⁴⁸Yawan baku ban swibia kaka, upla sut witin ra kasak lukbia, bara Rom wihtka nani bal wan tempelka bara wan nisanka nani sut apu daukbia. ⁴⁹Sakuna witin nani wina kumi nina Keyapas, baha manka ra witinka prist tara aimaki kata ba mita naku win: —Man nani lika diara kumi sin kaikras, ⁵⁰tanka nani sin briras

sma, yawan wan mapara kau pain sa upla ailal tawan upla kumi prubia, wan nisanka aiska apu daukaia ba wal. ⁵¹Bamna Keyapas lika naha na, witin ai kupia wina aisaras kata; sakuna baha manka ra witin ba prist tara aimaki kan bamna, Gâd mita yan baha dahra aisin, nahki Jisas ba Ju nani nisanka aiska ba tawan pruaia sa; ⁵²bara Ju nani nisanka tawan baman apia, sakuna Gâd luhpia nani laihwra yakaban nani ba sut asla daukaia mata sin. ⁵³Baku bamna, baha yua wina Ju wihtka nani lâ dauki bangwan Jisas ba ikaia.

King kum kulkanka yabras kan ba.

Ju uplika nani tilara “La uplika,” nani ba, Jisas diara aihka kira nani dauki kan ba sut kaiki banghwi kan. Witin nani Jisas smalkan ka ba sut wali banghwi kan, Witin ba Aisa Gad wal kumisa bara Witin ba Ebrahim kainara pat bara kan, wisi smalki kan ba (Jan 8:58). Bansakuna kau pali Witin nani sip

64

kasak lukras kan Jisas ba Isrial kingka Gad pramis munan ba kaia.

Naha sturka na wan wiaia want sa, ju lalka nani ba, ai iwai-ka ra lalka baku iwi ba sakripais munaia. Witin nani ba alba saura baku kan, Jisas parabil kum ra aisan baku. Alba nani ba bila, **“Yang nani want apia sna naha waitnika wan kingka kabia”** (Luk 19:14). Baku bamna ju lalka nani kan ba mita waitna kum ba ikaia wisi laka daukan (Jisas ra) ai nisanka uplika nani kupia lakbia apia dukiara. Kuna witin nani diara kum sip daukras kaia kan Jisas mapara, Witin silp ai rayaka ju nani mihta ra yaban kata.

Gad kupia laka kan ba, kau Tasba na paskaia ta krikas kan wina, Jisas wal Isrial nisan ka baman suaki sakaia lika apia, sakuna Tasba aiska ra suaki sakaia! **“Dawan baku want kan, bara ai wina yaka rau sauhki ni, tasba saurka ba taibaia. Bara baku Witin ai rayaka ba sakripais daukaia, saurka nani ba sikbi sakaia dukiara, bara ai kyamka nani ba kaikbia... Bara Gad kupia laka ba ai mihtara pawanka yamni kabia”** (Aiseya 53:10).

STURI 18. PRISANT KA MANAKIRA KUM STURKA.



Jan 12:1-8

¹Insal luan yua, kau yu 6 kan, Jisas Betani ra wan; bahara Lasarus takaski kata, bara witinka sika Jisas mita pruan wina

bukata ba. ²Bahara Jisas prana daukaia dukyara tutni pata tara kum dauki bangwan; Marta lika plun ba tebil ra kahbi help muni kan, bara Lasarus sin Jisas wal tebil ra iwi plun pi kata. ³Baku mika, Meri mita batana isint kia painkira batil bangki bri balan, baha ba mana pali kan, bamna baha ni Jisas mina nani ra yukan bara ningkara ai tawa ni dikan. Utlal aiska ba isint kia man kata. ⁴Bamna Saiman luhpia Judas, Kiriut taunka wina ba, witin ka sin Jisas disaipelka

65

nani tilara kulkan kan, bara witinka mita sika Jisas waihlamihta ra mangkaia kan ba bila:⁵—Diakan naha batanka kia painkira na, lalah ma handat yuhmpa mana wauhwi atki muni, lalahka ba umpira nani ra yaras kan? ⁶Judas naha aisin na lika umpira nani ra luki lika apia, kuna witin ba aimplikra

kan ba mita, bara baha purkara lalah sakbatka ba twilki kata, bara witin baha sakbatka wina lalah impliki kan. ⁷Bara Jisas win: —Swis mairin na; witin baha ba brikan ai bikaia yua ba dukyara. ⁸Pyu bani upla umpira nani ba tilamra bri kama, sakuna yang lika pyu bani ban ai bri kama apia.

Kulkanka yamni sut ba Jisas dukia kaia aitani sa.

Jisas Lasarus ra raiti wina bukan taim, ju nani lâ uplika nani kan ba, bila Jisas ba aitani sa pruwai. Kuna Jisas panika nani ba uba ai lilia banghwi kan, bara witin nani Jisas ra tinki ka yabaia dukiara, plun tara kum daukan Jisas ninara liliaka kum daukaia dukiara. Nanara Mery nukan, rait pali Jisas ba ya sapa. Witin ra latwan pali kaiki kan mita ai batanka laya kau mana pali sakripais daukata — mana ba yu 300 handad wark takan praiska lamara kata. Mery ba ai tanka brinkan Jisas turi aisan nani ba: baha pyu naika pali ra Witin ba dus prihnira saban kabia. (Matyu 26:2).

“Wan Dawan bara wan Gad ka, man lika mayunra ba, prana ba, bara karnika ba sin briaia aitani sma; kan man sika diara sut ba paskram, bara man kupiam laka mita baha nani ba bahara bansa, bara paskan kata” (Param Marikan 4:11).

Jan mita kasbrika (heaven) lilka kum wan marikan, upla sut asla daukbia taim: dakni bani, twisa aisi bani, tawan bani, bara nisan bani asla takbia ensal milian bara milian nani aikuki, Dawan ra mayunra yabaia dukiara, “Sakripais daukan Shipka Lupia ba aitani sip sa pura aimakan karnika nani sut ba briaia, sins laka ba, kukan ka ba, pain kulkan laka ba, prana ba, bara mayunra ba sin!” (Param Marikan 5:12). Yawan Jisas ra mayunra aiska yabaia ba aitani sa.

66

“Yawan Jisas ra prisant ka yabaia sip ba.”

Yawan dia yabaia sip sa Jisas ra, wan tinki ka kum dauki yabaia dukiara? Pal bila naku wisa: “Baku bamna, muihki nani, Gad kupia pihni laka ba dukyara mamkabisna, man nani winam aiska ba raya presant ka baku yama, Gad dukia bara ai kupia pah palikabia. Naha sika mayunra kasak pali yabaia ba. Naiwa yua lukan ka ra iwi banghpara. Ban sakuna lukankam ba sins muns, baku lika rayakam iwanka natka ba sin sins takbia bara sat wala iwma, bara Gad kupia laka ba sip kama kaikaia, tanka ba diara pain ba, yamni ba, kasak ba kaik ma” (Rom 12:1, 2). Kaisa wan lukanka Witin ra yabaia, ai nina ra lukaia, ai bila aisan nani ra, bara ai warkka nani ra sin, naha tasba dukia nani ra lukaia sirkara.

Upla kum kum lukaia sipsa, Dawan wark ka dauki talent kam bahki ra tikisma bara rayakam sin. Judas nahki lukata, Mery, Jisas mina batana laya manakira wal sikban ba, lahla bahki tikisa wisata apia? Kuna naiwa Judas ka anira sa? “Upla kasakkira ba yamni laka wal wan kupia krawi sa, upla rukkira ba isti wan auya tiwi sa” (Sins Laka 10:7). “Upla kasakkira ba, ban wan kupia krawi kabia!” (Lawana nani 112:6b).

Wan muihni Kristian nani ra latwan kaikisma taim, yawan Kraist ra kulkan ka yabisa, Witin sika Kristian nani aikuki iwi sa. Man aisa, man yapti, mayam, muihkam nani, apia kaka luhpian Kristian nani ra, Jisas ra aisisma baku kulkan ka yabi aisisma ki? Baku sin yawan Jisas ra kulkan ka yabisa, wan waihlara latwan kaiki taim, kan Witin baku daukbia wisi wan makaban (Matyu 5:44).

Kraist yawan ra uba latwan wan kaikan; bara Witin ai wina tara ba yan yawan nani dukiara. “Witin ba ship baku sakripais daukan Gad ra kia painkira anki yan” (Epesus 5:2). “Baha mita, pyu bani Jisas Kraist bak yawan Gad ra mayunra yabaia sa. Naha mayunra sika yawan sakripais dauki yabaia ba; tanka ba lika, wan bila baikra wal ai nina ba mayunaia” (Hibru nani 13:15).

67

STURI 19. KING BAWIKIRA KUM STURKA.



Jan 12:12-16

¹²Upla aial Jerusalem ra wan kata insal luan yua liliaka ba luaia; yu wala witin nani tanka brin, Jisas sin Jerusalem ra balaia ba. ¹³Bamna dus wahya

nani klaki brih taki wan Jisas wal prawaia, naku sin witin nani wini kata: —Mayunra! Yamni pali sa, witinka Dawan nina bri aula ba, yamni pali sa Israel Kingka ba! ¹⁴Baku bara Jisas lika biriku kum saki baha purara ulan, Ulbankara aisi ba baku: ¹⁵Sibripara, Saion taunka; kais, man Kingkam ba aula, biriku kum purara uli. ¹⁶Ta palira, disaipel nani naha diara nani tanka briras kan, sakuna Jisas pruan ba mita lika, tanka brin, naha sut ba witin ra takai kan ba, bara sin witin dukiara dia ulban ba baku kat sin takan sa.

Jisas kli balbia King kum ai Karnika aiska wal aula baku.

Testament Almuk prapitka naku aisi win, “Liliam pali bas, Saian taunka! Amyapahkira aiwans, Jerusalem taunka! Kingkam man nani ra aula; kasakkira, suaki sasakra, sakuna bauikira, beriku kum ra uli aula, beriku luhpia kum ra uli aula” (Sakaraia 9:9). Jisas balaia kan ba, waitna baku, Sasakra baku, smasmalkra baku, prapit nani mita param aisi win kata. 300 handad pura prapit aisanka nani ba pat bal taki lui wan sa, Jisas rayaka ra, pruanra ra, bara kli rawi buanka ra sin. Kuna kau aima yumhpa praiska pat takan ba wina prapit aisanka nani takaisa Jisas kli balbia taim, King tara kum baku, naha Tasbara 1,000 mani King aimakaia dukiara (Param Marikan 20:4).

“Kan Dawan Witin silp adar yabi bila baikra wal, arkinal bila baikra wal, bara Gad trumpit ka wal, heaven wina bal

68

iwbia; bara Kraist wal pruan nani ba pas taura bui banghbia. Ninkara yawan raya iwi nani na, yawan takaskan nani ba, bak wan bukan kabia, taura buan aikuki, Dawan wal pasara prawaia dukiara, bara baku yawan Dawan wal ban kabia” (1 Tesalonaika 4:16, 17).

“Dawan Jisas kasbrika pura wina ai insalka karnakira aikuki pauta klauhi tilara latan bal takbia, Gad wal kakaira apia nanira, bara wan Dawan Jisas Kraist swaki wan sakan sturka yamni ba bila wali daukras nani ra klala yabaia dukiara” (2 Tesalonaika 1:7b, 8).


Man ridisma ki, Dawan kli aula ba dukiara?

Dawan Gad pyu bani ai pramiska ba alki daukisa. Witin kli balaia ba, wira alki takaski brisa, baku mita upla kau bara kau ai kupia laki bara suaki sakan laka bribia dukiara. “Kan Witin brin daukras upla kumi kra tanis tiwbia, kuna upla sut ai kupia laki banghbia” (2 Pita 3:9). Kuna witin pat pali aula! Man ridisma ki: rayaka holi kumra iwaia bara upla wala nani sin Witin ai mina ra brih balaia? “Sakuna Dawan yua lika, aimplikra kum baku balbia tihmiara; bin tara ni kasbrika nani ba lui wabia bara diara nani bara ba ami lubia, bara Tasba, bara diara paskan nani bara nani ba sut ami lubia. Kan naha dukia nani na lui waia dukia atia sa bamna. Nahki kaka man nani lika holi bara kupiam suapni lakara sip iwras kama!” (2 Pita 3:10, 11).

STURI 20. PLAWAR MA KUM.

Jan 12:24-26

²⁴Kasak pali yang mai wisni, plawar mâ kumi tasba ra mangkan ba pruras sa kaka, pyua bani ban mâ kumi baman kabia; sakuna tasba ra mangkan ba prubia kaka lika, mâ ailal pali sakaia sip sa. ²⁵Ani uplika



69

ai rayaka ra latwan kaiki ba lika witin tikbia; sakuna naha tasba ra ani uplika ai rayaka bahki kulkbia kaka, witin lika ban kaiara swaki sakbia. ²⁶Bamna upla kumi yang duki daukaia

want sa kaka, witin nini blikaia sa; bara anira sna pliska bara yang duki dadaukra ba sin bara kabia. Bamna upla kumi yang duki daukisa kaka, Aisiki mita prana daukbia.

Dia ba pruaia tanka.

Kli rawi buaia karnika kainara prura ba pas balisa. Jisas Kraist ra baku takata sika, bara yawan nani ra sin baku wan daukisa. Apastil Pal, tanka wan marikan dia ba Jisas Kraist dukiara pruaia ba. "Naha dukia nani sut na yang maipara uya yamni kan ba, nanara Kraist tawan baha sut diara bahki atia kulkisni... yang want sna ba lika Kraist ra kakaira kaia, bara yang wini ra sin Witin pruan wina buan karnika ba bri kaia" (Pilipai 3:7-10a).

Aima manis ra Kraist bila walaia tanka ba, wan wina brinka kum kum ba swika pruaia. Kuna baha "yang" wisi lukisma ba swika prubia taim, Kraist karnika ba yawan ra wark takaia sipsa. Ba taim yawan kaikaia sipsa. Wan "yang ka" almuk ba Kraist wal dusprihni ra saban pruan takisa, "yang raya" kum brisa yawan, baha lika kasak lukan laka wina raya iwisa, yawan Kraist bila wali ba wal. "Yang Kraist wal dus prihni ra pruri; baha mita yang apia sika raya sna ba, sakuna Kraist sika yang ra raya iwisa, Gad Luhpia ra kasak lukisna ba mita raya sna, Witin ka yang ra latwan ai kaiki prura mihtara ban aimakan ba" (Galesha 2:20). "Winam brinka laka kat raya iwi kama kaka pruma; sakuna winam brinka ba Spirit mita ikbia kaka, man nani lika raya kama" (Rom 8:13). Gad Spirit ka mita swis tam bribia, winam wina dia dukia pali ba yarka pruaia dukiara rayakam ra: Daukan kam saura kum, lukan kam saura kum kra sapa? Man baha daukan kam winam wina pruan lukma taim, Kraist bila wawal ra baku waps, man baha taim kaikma Gad karnika mita rayaka raya kum ra mai brih wabia: "Kan Gad mita man nani ra brinka yamni maikisa, yamni daukma dukiara, ai kupia yamni ka ba mita" (Pilipai 2:13).

70

uplika kumi sin kau tara apia sa witin ka bui blikan ba wal. ¹⁷Bamna naha diara nani na tanka brih baha kat sin daukma kaka, lilia kama.

³⁴Naha lâ raya na, man nani ra maikisni: Pana, pana walkam ra

latwan kaiki kama. Yang man nani ra latwan mai kaikisna ba baku, pana, pana walkam ra latwan kaiks. ³⁵Man nani pana, pana walkam ra latwan kaikisma kaka, upla sut kaikbia man nani ba yang disaipelki nani sma.

Wark daukaia nani.

Ani dukia wal nani ba, Jisas silp ai samplika wal smalkan kata?

1. Witin bila, "Yang man nani Smasmalkrikam bara Dawan kam sna, kuna man nani _____ nani _____ kaka, baku man nani walkan _____ nani _____" (burs 14).

2. Witin naku sin aisin, "Yang man nani ra _____ mai kaikisna ba baku, pana pana walkam ra _____ kaiks (34).

Lilia kaia sikrit ka ba.

Jisas bila yawan nani ba lilia pali kabia, Witin ai samplika alki brih ai nina blikbia kaka, bara wan walka nani ra hilp mumbia kaka. Nahki painkira kaikisa! Wan papaskra ra kaikaia ai lula krika napakan kum warkka dauki: ai disaipil ka nani mina sikbi! "Man nani kumi bani luki bas Kraist Jisas luki kan ba baku. Witin sika Gad kan, sakuna ai karnika wina Gad baku bankaia lukras kan, baha watlikara witin ai dukia kan ba nayara swisi, alba talia lakan. Witin upla baku aisubi takan, bara upla baku pali takan; witin bauikira kan, bara ai kiama lihni kan ba mita, prura kat wan, dus prihni ra pruan. Baha mita Gad mita lai purara bukan, bara nina sut purkara kau nina tara ba yaban" (Pilipai 2:5-9).

Kaisa yawan plikaia nahki wan walka nani ra tabaikaia ai nitka nani yabaia dukiara. Yawan naha daukbia kaka, yawan lilia kabia. Wan walka nani ra wark ka dauki bara latwan kaiki yawan mariki sa Kraist nina lablikra kasak pali ba, kan baha sika Witin yawan dukiara daukan.

72

STURI 21. JISAS SMALKI SA SAMPLA BARA LA NANI BA WAL.

Jan 13:3-17, 34-35

³Jisas kaikan ai Aisika mita witin ra karnika aiska pali ba yan sa, bara witin sin Gâd wina balan bara kli Gâd ra auya. ⁴Bamna Jisas tebil wina bui, ai pura kwalka ba saki swisi, tawil kum brih ai maisa ra wilkan. ⁵Bara bisin kum ra li laiki brih, ai disaipelka nani mina nani sikbi, tauil ai maisa ra wilkan ba ni diki kan. ⁶Witin Saiman Pita mina nani mahka sikbaia kan bara, Pita win: —Dawan, man yang mini nani sikbisma ki? ⁷Jisas pana win: —Dia daukisa ba nanara man tanka sip briras sma, sakuna kau naika man tanka ba brima. ⁸Sakuna Pita bila: —Man yang mini lika sip sikma apia. Jisas bila: —Yang man minam nani sikbras sna kaka, man sip yang disaipelki kama apia. ⁹Saiman Pita bila: —Ban kaka, Dawan, mini nani baman sikpara, sakuna mihti nani bara laila sin siks! ¹⁰Sakuna Jisas bila: —Ani uplika bisiura aihtaban ba, witin lika klin sa, bamna mina nani baman sikbaia sa. Baku bara man nani lika klin sma, sakuna sut lika apia. ¹¹Jisas win: "Man



nani sut lika klin apia sma", kan witin pain kaikan ya mita ai waihla mihta ra mangbia ba. ¹²Jisas ai disaipelka nani mina nani sikban ningkara, witin ai pura kwalka kata ba dimi, kli tebil ra iwi, naku win: —Dia daukri ba man nani tanka brisma ki? ¹³Man nani mita yang ra Smasmalkra bara Dawan sin ai wisma, bamna baha ba kasak aisisma, kan yang lika baha sna. ¹⁴Yang na man nani Smasmalkrikam bara Dawankam sna, kuna man nani minam nani sikbri kaka, baku walkam mina nani ba siks. ¹⁵Yang man nani ra tanka kum mamrikri, baha sin natka ba kat man nani daukma. ¹⁶Kasak pali yang mai wisni, alba kumi sin kau tara apia sa ai dawanka ba wal, bara blikan

71

STURI 22. PRAMIS PAINKIRA MATSIP BA.

1. Jan 14:1-3, 6

¹"Man nani kupiam ra uya trabil taki luki kapara. Gâd ra bara yang ra sin kasak luki bas. ²Aisiki watla ra plis manis bara sa; baku apia kan kaka, yang man nani ra mai wiaia apia kapri. Man nani pliskam kum ridi daukaia auni. ³Bamna yang wih pliskam ridi daukamna ba ningkara, kli balamna man nani mai brih waia, bara baku mika yang anira sna ba, pliska ra man nani sin bara kama. ⁴Jisas bila: —Yang sika yabal ba, kasak tanka ba bara rayaka ba sin. Yang bak baman sip sa Aisa ra waia.

2. John 14:12

Kasak pali mai wisni, yang ra kasak luki uplika ba, diara nani daukisa ba witin mita sin daukbia, kau diara tara nani sin daukbia, kan yang Aisa bara ba pliska ra auna.

3. Jan 14:13, 14

¹³Diara sut man nani yang nini maki makama ba, yang daukamna, bara baku mika Luhpia ba mita Aisa prana ba marikbia. ¹⁴Bamna yang nini maki diara makama ba, daukamni.



3. Jan 14:15-17

¹⁵"Bamna man nani latwan ai kaikisma kaka, laika bila nani ba wali dauki kama. ¹⁶Yang Aisa ra makabamna, witin man nani helpkam bara maisamnihkaia dukyara wala kumi maikbia; baha sika kasak tanka Spiritka ba. Witin man nani wal kabia ban kaiara. ¹⁷Dawan ra tauras uplika nani baha Spiritka ba sip bribia apia, kan witin nani mita sip kaikbia apia, bara sip tanka bribia apia; sakuna man nani lika pat kakaira nani, kan witin ba man nani wal sa, bara ban kaiara sin man nani wal kabia."

5. Jan 14:27

²⁷"Man nani wina dakwi taku-na kupia kumi lakara. Kupi kumi laka man nani ra mai-

73

kisni, sakuna tasba uplika nani apia. Man nani kupiam trabil kupia kumi laka yabi ba sât lika bripara bara sibrin kapara.”

1. Jisas pramis munan, Witin **plis kum ridi** daukaia ya Witin ai nina bliki ba dukia (Jan 14:1-3, 6).

2. Jisas pramis munan, **Karnika kau tara** kum, kan Witin ai Aisa ra auya ba mita. Ai Spiritka raya kira, lalukra nani ra diara kau tara daukaia sip kabia Jisas daukan nani ba wal, waitna baku iwi kan taim, naha Tasbara (Jan 14:12).

3. Jisas pramis munan, ai pura suni dia makabia ba Witin yabia, baha ai uplika nani ba (Jan 14:13-14).

4. Jisas pramis munan, Witin disaipil nani **bani wal ban kabia**. Spirit Holikira balbia taim, Jisas sip kabia lalukra bani kupia *bilara* iwi kabia, disaipil nani *wal* baman lika apia (Jan 14: 15-17).

5. Jisas pramis munan, **kupia kumi laka kau tara** tasba uplika yabi ba wal (Jan 14:27). Yawan nitsa sibrin apu kaia, kan **“Man nani kupiam ra iwi ba kau tara sa, Tasbara iwi ba wal”** (1 Jan 4:4).

Wark daukaia nani.

A. Naha burska nani kli pain pali aisi kaiks Jisas *wal aisis-ma baku* praiska. Wauhtaya kum ra Jisas apia kaka Spirit Holikira, dia man dukiamra daukaia wibia sut ba ulbi bris.

B. Jan 14 wina burs yumhpa saki bris, man mampara bak saki kau pain kulkma nani ba, bara sinskam ra lan taks. Ani tiks ka walara sin taki sa kaka sin ulbi saks:

STURI 23. WAIN MA DUSA STURKA BA.

Jan 15: 1-11

sakras ba klaki sakisa, sakuna

¹Jisas kau aisin: “Yang sika ani tnawa ai mâ saki ba lika wain kiwka rait pali ba, bara dauhbi klin daukisa, ai mâ kau Aisiki ba sika baha mangki ba. sakbia dukyara. ³Man nani lika ²Witin mita ani tnawa sip aima pat klin sma, baha bila mai

74



smalkri ba mita. ⁴Bamna yang wal asla ban bangwi bas, yang man nani wal asla ban sna ba baku. Tnawa kumi ai kiwka ra apia sa kaka, witin yakan sip ai mâ sakras sa; baha sin natka ra, man nani yang wal asla ban apia sma kaka, sip mâ sakma apia. ⁵“Yang sika wain kiwka ba, bara man nani lika tnawa nani sma. Bara ain uplika yang wal asla ban ba, yang sin witin wal asla sna, bara baku lika witin ai mâ manis sakisa; baku bamna yang apu kira man nani sip diara

daukras. ⁶Bamna ani uplika yang wal ban asla apia ba, saki latara lulkan kabia, bara lawbia sin dus tnawa kumi lawan wahbi, pautu ra lulkan ami ba baku. ⁷“Man nani yang wal asla ban sma kaka, bara dia mai smalkri ba sin amya tikras sma kaka, dia, dia want sma ba makas, bara maikan kabia. ⁸Bamna man nani mâ manis sakuma bara, Aisiki ba mayun-ra brisa, bara baha ba mita mariki sma man nani ba kasak disaipelki nani sma. ⁹Aisa mita latwan ai kaiki ba baku, yang man nani ra latwan mai kaikisni; baku bamna, yang laitwanka ra ban bangwi bas. ¹⁰Man nani lâika bila kat wali dauki kama kaka, yang laitwanka lakara sin ban kama, sin yang Aisiki laka wali daukisa bara latwan ai kaiki ba kat sin ban sna ba baku. ¹¹“Baku aisisna man nani yang wal lilia kama ba dukyara, bara lilia pali kama.”

Kraist ra iwi kaia.

Yawan Jisas wina wan saurka *ban* swih tikan laka brin sa kaka, bara klin wan daukan sa kaka, bara rayaka raya wankan sa kaka, yawan ani yua Witin ra kasak lukan ba, baku ban yawan kasak luki iwi kaia ai Spirit ka ba mita wan Kristianka rayaka ra. Yawan aima kum sin lukaia apia sa, yawan silp wan karnika bara wan sins ka laka wal iwaia. Pal

75

Bila, “Nahki man nani ban tanis sma ki? Dia trai kaikisma, Spirit mita diara nani ta krian ba, nana ra karnikam wal daukaia lukisma ki?” (Galesha 3:3).

Aima kum kum ra, Jisas ba klin wan munaia sa wan biara klin muni baku. Na tanka wan wiaia want sa, pyu nani barsa, yawan pât wahwan kaia. Kuna Witin want sa yawan ba ma pain saki kabia. “Kasak pali sa, klala wankaia ba lilia laka apia sa, kuna sari dukia sa; kuna baha ninkara, ma yamni, kasak ka laka tanka yabisa, ya baha natkara lan lakan nani ba” (Hibru nani 12:11).

Spirit ma ba dia tanka sa?

Pal bila naku wisa, “Sakuna Spirit ma ba lika: latwan laka, lilia laka, kupia kumi laka, wihka bila kaikaia laka, yamnika laka, wan kupia yamni laka, kasak lukan laka, praut apu laka, wan kupia alki takaskaia laka” (Galesha 5:22, 23a). Jisas ra makabi klin daukbia dukiara, bara hilp munbia yu bani ai Spiritka ra yaka pawai dukiara, baku lika man rayakam ba mahka ma yamni nani ba kau, ban kau sakbia. Kasak ka tanka ma nani ba, baku sin tinki luki kupia kum briaia, bara lilia, baukika Spiritka kum sin briaia, baku Jisas ra wala nani brih balaia, Gad wark ka dauki, bahkira taim tikras kira ni, Gad bila param aisi, bara wan pura sunra ansika nani kaikira ni.

Kaina manas maisapakan ka kum.

Yawan Kraist ra *asla* apia sa kaka, Jisas kaina manas wina wan maisapakisa, wain kiwka baku latara wan lulkan kabia, bara lawbia taim wahbi pautara wan ankbia. Ya nani Kraist wal asla si ma pain saki nani ba, ai disaipilka kulkan sa (Jan 15:6, 8). Apostil Judas wan kupia kraukisa “**Dawan mita Israel uplika nani ba ldsip wina sakan, ninkara kasak lukras nani kan ba apu sauhki tikan**” (Judas 5).

Yawan nani yakan sip ma sakras, kuna yamni sa Gad bila nani ba laki kaikaia, lulinglas kum ra kaiki baku “**Man nani winam tanka ba silp laki kaiks ... Jisas Kraist man nani kupiam ra sa**” (2 Korint 13:5).

Yawan Jisas aisan bila nani wan kupiara brisa kaka, bara bila

76

sin walisa kaka Witin dia wan wi ba kat, baku lika ai latwanka ra iwi kabia (Jan 15:10). Yawan Kraist Spiritka yawanra iwi ba nusa kaka, yawan sibri kai apia sa, kan ai Spiritka Holikira ba wan *kan kahbisa*, bara wan wisa yawan ba Witin *ai dukia* sa. Kupiam kraukibas *latwan laka* ba kulkanka tara briba, man ra diara kasak pali baku. “**Gad ba latwan laka sa, bara ya latwan lakara iwi ba lika Gad ra iwisa, bara pana Gad witin ra iwisa**” (1 Jan 4:16b). Nahki prais Gad latwan maikaikisa! Baha latwan-ka ra iwi bas.

STURI 24. BAK WAHBI SAKAN AI PANIKA KAIA DUKIARA!

Jan 15:12-17

¹²“Bamna naha sika yang lai-ka bila ba: Man nani pana, pana walkam ra latwan kaikma, yang mita man nani ra latwan mai kaikisna ba baku. ¹³Latwan laka kau tara upla briaia sip ba lika, ai uplika nani dukyara ai raya-ka yabaia ba. ¹⁴Bamna man nani sika upliki nani, yang dia mai wisna ba sut daukma kaka. ¹⁵Nanara man nani ba albiki nani mai wiras sni, kan alba ba ai dawanka dia dauki ba kai-kras. Bamna man nani ba upliki

nani mai wisna, kan Aisiki dia, dia ai win ba sut man nani ra param mamrikri bamna. ¹⁶Man nani mita yang na bak saki ai briras katma; sakuna yang mita man nani ba bak saki mai briri, bamna man nani mahka taki wih mâ ailal sakma ba dukia ra, bara baha mâ sin ban kaia. Baku lika dia, dia yang nini ma-ki Aisa ra makama ba sut maik-bia. ¹⁷Bamna naha laka maikisna na: Man nani pana, pana walkam ra latwan kaiki kama.”

STURI 25. JISAS WAN SMALKISA, BILA KAIIKAIA WAN NINA BIIKI RAU SAUHKANKA KUM.

Jan 15:18-25

¹⁸“Tasba uplika nani mita yang ra sika pas misbara ai man nani ra misbara mai kai-kaikan ba. ¹⁹Man nani ba naha kisa kaka, kupiam krauki bas tasba wina katma kaka, naha

77

tasba wina uplika nani mita ai tahkia nani ra baku latwan mai kaikaia kan. Sakuna yang man nani ba naha tasba uplika nani tila ba wina bak mai saki mai briri, bara baha mita sika naha tasba uplika nani mita misbara mai kaiki ba, kan nanara man nani lika naha tasba wina uplika apia sma. ²⁰Bamna dia mai wiri ba dukyara kupiam krauki bas: 'Alba kumi sin apu sa, witin ai dawanka wal kau tara ba.' Yang pali nini bliki rau ai sauhkan sa kaka, man nani ra sin ninam bliki rau mai sauhkan kabia; bara witin nani yang smalkanki bila ba alki brin kaka, man nani smalkankam bila ba sin alki bribia. ²¹Naha diara sut yang taiwan man nani ra mai munan kabia, kan naha tasba

wina uplika nani mita, witinka yang ai blikan ba kakaira apia sa. ²²Witin nani ba patkira kaia apia kan, yang na bal witin nani ra smalkras katna kaka. Kuna nana ra ai saurka ba dukyara sip patkas kulkan kabia apia. ²³Bamna ani uplika yang ra misbara ai kaiki ba, Aisiki ra sin misbara kaikisa. ²⁴Naha tasba uplika nani ba patkas kaia kan, upla wala nani mita sip daukras dukya nani ba witin nani tilara daukras katna kaka; sakuna naha diara sut pali kaiki bangwan sakuna ban misbara ai kaikisa bara Aisiki ra sin misbara kaikisa. ²⁵Sakuna naha na baku takaia kan, baha bila nani witin nani laka wauhkataya ra ulban ba kat aimakaia dukyara: 'Patkas pali misbara ai kaikan.'

Jan 16:1-3, 33

¹Naha diara sut na mai wisna, man nani minam pruki kauhwma apia dukyara. ²Sinagog nani wina mai kangbi mai sakbia, bara ban sin pyua kum balbia ani uplika mita mai ikbia ba, witin lukbia baha ni Gâd warkka daukisa. ³Baku daukan kabia, kan tasba wina uplika

nani ba mita Aisiki ra kakaira apia sa, bara yang ra sin ai kakaira apia sa. ³³Naha dukya sut na mai wisni, yang wal asla kama ba mita kupia kumi laka ba bri kama. Naha tasba ra man nani ban pat wauhwaia kama; kuna kupiam karna bri bas, kan yang mita tasba na pura luri sa."

78

Jisas Kraist ra sin kakaira takaia, witin ka man mita blikram ba. ⁴Yang mita naha tasba ra mamyunri, bara dia daukaia wisi ai blikram ba sin sut daukri. ⁵Bamna Aisa, nanara aik baha mayunra kau tasba na apu kan wina, man wal kan ba. ⁶Baha nani man mita tasba ra iwi uplika nani tila wina saki, yang ra aikram ba sut ra marikri, man ba ya sma ba. Baha nani ba man dukyam kan, sakuna yang ra aikram, bamna man smalkankam bila nani ba alki brin. ⁷Nanara witin nani kaiki bangwisa diara nani sut aikram ba, man wina atia sa; ⁸smalkaia wisi man aikram ba sut yari, bamna witin nani baha alki brin. Tanka sin brin yang na man wina balri ba, bara kasak sin lukram ai blikram." ¹⁵Naha tasba wina mahka sakma dukyara lika mamkabras, sakuna debil ba wina dakbi sakma. ¹⁶Yang naha tasba wina apia sma ba baku, baha nani man aikram ba sin naha tasba wina apia sa. ¹⁷Naha nani ba man kasakkam ba ni aihka saki hulikira saks; man smalkankam bila ba sika diara kasak pali ba. ¹⁸Naha tasbaia uplika nani ra ai blikram ba baku sin, yang mita naha nani yang mita tasba ra blikisni.

¹⁹Witin nani dukyara, yang rayaki aiska na man mihtam ra mangkisni, bara baku mika witin nani sin diara kasak ba mita hulikira sakan kabia. ²⁰"Sakuna naha nani dukyara baman man ra puri sunras, kuna witin nani smalkanka mita upla wala nani sin yang ra kasak lukbia ba sut dukyara sin. ²¹Yang mamkabisni witin nani sut ba asla pali kabia; au, Aisa, witin nani sut ba yawan aikuki asla kumi kabia, man yang wal asla pali sma ba baku, bara yang sin man wal asla pali sna. Witin nani ba asla pali kabia, bara baku mika tasba uplika nani ba kasak lukbia man mita ai blikram sa. ²²Man prana aikatma ba sika yang witin nani ra yari, witin nani ba asla kumi kaia dukyara, man yang wal asla kumi ba baku. ²³Yang mita witin nani ra bara man mita lika yang ra, bara baku mika witin nani ba kumi aihwa pali kabia, bara baha mita tasba uplika nani mita kaikbia man mita ai blikram ba, bara man mita witin nani ra latwan kaikisma, sin yang ra latwan ai kaikisma ba baku. ²⁴Aisa, man mita sika baha nani aikram ba, bamna want sna baha nani sut yang bara kamna pliska ra kabia

80

Wark daukaia nani.

1. Naha tasba uplika nani Kristian nani ra misbara kaikisa, kan witin nani sika naha _____ wina apia (15:19).
2. Jisas naku win, "Bamna ani uplika yang ra misbara ai kaiki ba, _____ ra sin misbara kaikisa" (15:23).
3. Jisas naha tasbara kan taim wark aihka painkira nani dauki marikan, naha tasba uplika kasak lukras nani ba, diara sut pali _____ banghwan, bara Jisas ra bara Gad ra sin _____ kaiki banghwan (15:24).
4. Kasak pali, naha tasba uplika nani Jisas ra _____ misbara kaiki kan (15:25).
5. Ban sin pyua kum balbia, ani uplika mita mai _____ ba, witin lukbia baha ni _____ warkka daukisa (16:2).
6. Baku daukan kabia kan tasba uplika nani ba Aisiki bara yang wal sin _____ apia ba mita (16:3).
7. Naha tasbara kasak pat wauhma, kuna kasak luks, kan yang mita tasba na _____ sa bamna (16:33).

STURI 26. JISAS YAWAN DUKIARA A PURA SUNI SA.

Jan 17:1-8, 15-26

¹Jisas naha diara nani aisin ba ningkara, witin kasbrika pura ba tanira tau kaiki, naku aisin: "Aisa, awarka ba pat aimakan sa. Bamna Luhpian ra mayunra yas, bara baku mika witin mita sin mayunra maikbia. ²Man mita sika Luhpian ra karnika yaram ba, upla wala nani sut purkara, raya ban kaia laka yaia baha nani sut man mita witin ra yabram ba. ³Bamna raya ban kaia laka ba lika, mai kakaira takaia, Gâd kumi baman kasakkira sma ba, bara



79

bara baku mika man prana aikram ba kaiki kabia; kan man mita latwan ai kaikram kau tasba na apu kan pyua ba wina. ²⁵Aisa kasakkira, tasba uplika nani ba lika man ra mai kaikras, sakuna yang mita lika mai kakaira sna, bamna naha nani

sin ai dara walisa man mita ai blikram sa. ²⁶Yang witin nani ba man wal kakaira daukri, bara kau sin baku dauki kamna, bara baku mika latwan ai kaikisma laka ba witin nani kupia ra kabia, bara yang pali sin witin nani wal asla kumi kamna."

Jisas man dukiamra ai pura sunisa.

Prapit Aiseya ba, naku aisi win, baha Misaia ba, "Witin upla manas saurka twilkan, bara upla saura nani tawan ai pura sunan" (Aiseya 53:12). Witin rayaka bankaiara yabaia lukan, baha nani sut man mita yabram nani ba (Jan 17:2).

Jisas ai disaipilka nani dukiara sin ai pura sunan. Kaina manas Witin Pita ra win "Saiman, Saiman, kais Sitan man nani ba mamkaban sa, sin plauar ma baku mai singbaia dukiara. Sakuna yang man dukiam ra puri sunri, kasak lukankam ba tiwbia apia dukiara" (Luk 22:31, 32). Nanara aim walara, kau pruras kainara, Jisas kli ai pura sunan ai disaipilka nani kaina kahbaia dukiara, Sitan ba mapara. Baku sin Witin ai pura sunisa baha nani kau naika aisubi takaia nani ba, witin ra kasak lukbia kaka ai disaipilka witniska walira. Witin man dukiam ra ai pura sunisa!

Witin man dukiamra pyu bani ra ai pura suni sa, "Ba mita, sipsa bankaia ra suaki sakaia, Witin taka Gad lamara wi nani ra, kan Witin ba bankaia ra raya iwisa, witin nani tawan Gad ra makabaya dukiara" (Hibru nani 7:25). Nahki suaki Sasakra painkira yawan brisa! Bara nahki yawan dukiara ai pura sunisa, Witin asla kabia dukiara, bara yawan aikuki asla kumi latwan lakara! Puram sunra nani ba ansa munan kabia rayakam ra bara wamtla ra sin naha minit kara.

Baha ninkara, Jisas Getsimani ra ai pura suni kan taim, Witin ai disaipilka nani ra makabi walan, "Man nani yang wal awar kum pan sip aiwakras kapram ki?" (Matyu 26:40).

81

Man yu bani ra, taimkan wira kum yus munisma ki Jisas wal aisaia dukiara (puram sunaia) baha tiwan nani ba, man winam ba, bara shurts kam ba dukiara? Nahki sans painkira wankan sa Witin wal prawi kaia "Gad latwankira tronkara" yu bani wan rayaka aiska ra! "Baha mita, kaisa yawan wan kupia brih, wan Gadka latwankira King iwaika lamara waia. Bahara yawan latwan kaikan laka bribia, bara Witin ai kupia yamnika ba mita, yawan hilp want awarka ra Witin hilp wantbia" (Hibru nani 4:16).

STURI 27. JISAS KARNIKA BRIKAN AI RAYAKA NAHKI BRIH WAIA KAN BA, BARA AI PRUANKA SIN.

Jan 10:17-18

¹⁷Aisa latwan ai kaikisa, kan yang rayaki ba yaia wilin sni, adar ba kat yang kli baha ba briaia dukyara. ¹⁸Upla kumi sin apu sa rayaki ba yang wina sakaia, yang kupi wilikira yamna kaka lika. Baha ba yang yaia sna, kli briaia ba dukyara. Naha sika Aisa mita adar aikan ba."

Jan 19:4-11

⁴Pailat kli taki bal, witin nani ra win: —Kais, witin ba nahara brih aulna, bamna man nani kaikma yang witin ra watauan-ka kumi sin sakras palisna. ⁵Jisas latara taki balan, kyaya kraunka ba ai lal ra bapi, bara kwala balyanta talia ba sin dimi. Bamna Pailat bila: —Kais, waitnika nahara ki! ⁶Bamna prist tara nani bara suldawa nani sin Jisas ba kaikan bara,



mahka ai pura wini, win: —Dus prihni ra sas! Dus prihni ra sas! Pailat bila: —Ban kaka, man nani mita witin ba brisi dus prihni ra sabi bangs, kan yang lika witin wina watauan-ka kumi sin sakras sna. ⁷Sakuni Ju nani pana win: —Yang nani lâ kum brisna, baha lâka ba kat witin na pruaia sa, kan witin na Gâd Luhpia sa win. ⁸Pailat naha walan bara, kau sibrin daukan.

82


Witin ba, baha nani ai rayaka yua nani aiskara prura sibrin-ka mita alba nani kan ba sut pri sakan" (Hibru nani 2:14, 15). Man prura sia yabi sma ki? Jisas suaki mai sakaia dukia ra pruan! Au, Jisas, man dukiamra ai rayaka yabaia lukan!

STURI 28. JISAS DUSPRIHNIRA SABAN PRUAN BARA BIKAN.

Jan 19:17, 18, 30-37

¹⁷Bamna Jisas dus prihni ba twilki taki wan, Wan lalkamhka wi ba pliska ra (baha pliska ba Hibru bilara Gulguta makisa). ¹⁸Bahara witin nani mita Jisas ba dus prihni ra saban, bara aimplikra wal kan ba sin, kumi Jisas mihta aihkika tanira bara wala ba smihka tanira. ³⁰Jisas baha wain swahwan ba din ningkara, witin bila: —Diara sut ba daukan sa. Baha ningkara Jisas ai lal makupan, bara pruan. ³¹Insal luan yua kainara kata, bamna Ju nani want apia kan upla wina tara ba dus prihni ra ban swiaia wingka puhbaia yua kat; kan baha wingka puhbaia yua ba lika, kulkanka tara yabi kata. Baha mita Ju nani mita Pailat ra makaban suldawa nani blikbia, dus prihni ra uplika nani ba kuhma dusa nani ba krikaia, ai wina tara nani ba sin dus prihni ba wina lahbia. ³²Bamna suldawa nani wih, pas uplika kuhma dusa ba krikan, bara wala ba

sin, Jisas wal dus ra saban kata ba. ³³Sakuna Jisas lamara balan bara, kaikan pat pruan kata; baha mita suldawa nani mita witin kuhma dusa nani lika krikra kan. ³⁴Sakuna suldawa nani ba wina kum mita, langsar ni tnaya mina ra sabi klauhban, bamna tala li wal takan. ³⁵Baha uplika naha sturka aisi ba lika, witin pali mita ai nakra ni kaikan, bara diara kasak ba aisisa; bamna witin ai dara pain walisa, dia aisi ba lika kasak sa; bara baku mika man nani sin kasak lukma. ³⁶Naha diara nani na naku takan, Ulbanka ra naku wi ba aimakaia dukyara: "Upla mita



84

⁹Bamna Pailat kli lâ tara watla ra dimi, Jisas ra makabi walan: —Man ba ani wina sma ki? Sakuna Jisas lika pana diara kumi sin aisaras kan. ¹⁰Pailat win: —Man yang ra ai aisaras sma? Man kaikras sma ki, yang karnika brisna dus prihni ra

mai sabaia, bara pri maisakaia karnika sin? ¹¹Bamna Jisas pana win: —Man yang purira karnika kumi sin apu kawama, Gâd mita maikras kata kaka. Sakuna ya mita man mihtam ra ai mangkan ba sika saurka kau tara brisa man ba wal.

Jisas pruaia sipkan ki?

Jisas ba rait pali Gad Luhpia baku, upla mita sipkan ki ikaia? Waitna kumi sin karnika apukan Witin ai purara. Witin baman sipkan ai rayaka ba sakaia apia kaka kli rawi buaia.

Jisas mita Pailat ra wisa, "Yang kingki laka ba naha tasba wina apia sa. Naha tasba wina kan kata, yang nini biablikra nani ba aiklabaia kan, Ju nani mihtara ai mankbia apia dukiara" (Jan 18:36). Jisas silp ju nani ra sans yaban Witin ra alkbia dukiara. Bamna alkan taim naku win, "Kaikras sma ki yang sip sna Aisiki ra makabaia, bara Witin sip sa insal dakni 12 pura ai blikaia? Sakuna baku kaka, ulbankara baku takaia wiba nahki aimakbia ki?" (Matyu 26:53, 54). Insal nani, Jisas Getsimani gardinka ra ai pura suni kan taim bal hilp muni banghwi kan ba, sip kan suldahwa nani Jisas ra alkan taim sut ra iki tikaia. Kuna Jisas Gad lukanka ba nu kan, ulbanka holi ra ulbi sakan ba sim lukan ka sika.

Jisas mita sin win kata, "Upla Luhpika waitna pat kasak wauhwaia kabia, bara wihta almuk nani mita, pris tara nani, bara lâ smasmalkra nani mita sin bahki kulkbia, ban sin ikbia, sakuna yu yumhpa ra pruan wina kli buan kabia" (Luk 9:22). Man kaikaia sip sma, Jisas pruan, kan baha sika Gad lukanka kan, tasba paskan wina (Param Marikan 13:8).

Naha sika Gad lukan ka painkira kan ba, Jisas mita, prura ra pura lui taibia! "Baku bamna upla luhpia nani ba sin, wina bara talya sin brisa; baku sin, Jisas ba upla wina bara talya sin brisata, bara baku lika Witin sip kaia kan ai pruan-ka wal setan upla ikaia karnika bri kata ba, sauhki tikaia. Baku

83

witin ai dusa kumi sin krikbia apia." ³⁷Ulbanka walara sin wisa: "Upla nani mita witin ra saban ba kaikbia."

Jan 19:40-42

⁴⁰Baku bara Josep bara Nikudimus wal mita Jisas wina tara ba brin, bamna linen kwal-ka ni srukan, bara sika kia painkira ba ni yukan; baku sika Ju nani ba daukikan, upla kum pruan wina tara ba bikaia pyua.

⁴¹Jisas dus prihni ra saban pliska ba lamara upla bikaia tasbaia kum bara kata, bara bahara raiti raya kum bara kan, kau upla pruan wina tara bahara mangkras kata. ⁴²Baha raitika ra witin nani mita Jisas wina tara ba mangkan, kan baha raitika ba Jisas dus ra saban pliska ba lamara kan bamna, bara Ju nani wingka puhbaia yua kulki kan ba sin, pat baila kata.

Kraist pruan-ka ba aksidint apia kata.

Baibil tanka briaia kaka, nu takaia sa baha ulbanka aiska ba Kraist dukiara aisi sa. "Mosis wina ta krikuya, bara prapit nani sut aikuki, Witin ai dukiara aisi sa ulbanka nani sut ra" (Luk 24:27). Jisas nu kan, "Baha ba sut aimakaia kan, yang dukira dia Mosis lakara ulban ba, prapit dahra aisasara nani ulbankara, bara Lawana nani ra sin" (Luk 24:44). "Bamna sinska kuakan ulbanka nani ba tanka bribia dukiara, bara naku win: Baku ulban sa, Kraist ba pruaia kan, bara pruan nani tila wina kli bubia yu yumhpa ra; bara ai nina ba nisan nani sutra aisi smalkan kabia, ai kupia lakbia dukiara, bara ai saurka nani sin ban suih tikan kabia, Jerusalem wina ta krikbia" (Luk 24:45-47).

Nahki prana sa Gad lukanka ba! Man Baibil kum brisma kaka, naha ulbanka nani wina aisi kaiki, bara nu taks Nahki uplara Gad mita ai lukan ka ba marikisa ulbanka nani ra, bara Jisas baha lukan ka ba alki brih daukata. (Naha nani na aisasara nani 300 dahra aisan ba Jisas taura balaia ba dukiara, wina kum kum nani baman sa.)

Setan mita Gad paskan ka aiskara, alki silak ra manki brin, kuna Gad pat luki brikan kli mihta dakbaia, bara baha kli dakbi briaia lukanka ba alki daukan! Baha nani ya Setan mihta wina dakbi sakbia want sa kaka, sip sa pri laka briaia Setan albika laka wina, na minitka ra!

85

GAD LUKAN KA JISAS ALKI DAUKAIA KAN BA.

"Kiamka mairin kum wina"

pramis munan ba.

"Kiamka Ebreham wina" pramis munan ba.

Aisubitakanka Betlehem ra.

Tiara kum wina aisubi takan.

Galili ra wark daukan ba.

Prapit kum kabia (dahra aisasara).

Pris tara kum kabia.

King kum kabia.

Ju nani mita kulkan ka yabras.

Pura lui kira Jerusalem ra dimisa.

Ai panika kum mita atkan wan.

Lalah 30 pis mana atkan wan.

Witnis kira nani mita dahra sakan.

Ai bila prakan, ai dahra saki kan taim.

Yabala laya tuhban, bara prukan.

Dus ra upla saura tilara saban.

Ai mihta bara aimina nani klauhban.

Lawaska kikan, bara praut win.

Binigar yaban din.

Ai waiha nani dukiara ai pura suni sa.

Naya langsar saban.

Dusa kumi sin krikaia apia kan.

Lalahkira nani tilara bikan kabia.

Witin kli rawi buanka ba.

Witin pura ra uliwan ba.

PRAPIT NANI AISI SAKAN BA. BAL TAKAN

Blasi 3:15

Galesha 4:4

Blasi 18:18

Wark nani 3:25

Maika 5:2

Matyu 2:1

Aiseya 7:14

Matyu 1:18

Aiseya 9:1, 2

Matyu 4:12-16

kli Smalkan 18:15

Jan 6:14

Lawana nani 110:4

Hibru nani 6:20

Aiseya 9:7

Jan 18:36, 37

Aiseya 53:3

Jan 1:11; 5:43

Sakaraia 9:9

Jan 12:13-15

Lawana nani 41:9

Mark 14:10

Sakaraia 11:12

Matyu 26:15

Lawana nani 27:12

Matyu 26:60, 61

Aiseya 53:7

Matyu 26:62, 63

Aiseya 50:6

Mark 14:65

Aiseya 53:12

Matyu 27:38

Lawana nani 22:16

Jan 20:27

Lawana nani 22:6-8

Matyu 27:39-40

Lawana nani 69:21

Jan 19:29

Aiseya 53:12

Luk 23:34

Sakaraia 12:10

Jan 19:34

Lawana nani 34:20

Jan 19:33

Aiseya 53:9

Matyu 27:57-60

Lawana nani 16:10

Matyu 28:9

Lawana nani 68:18

Luk 24:50, 51

(Jisas pruanika sturka aiska pali nu takaia dukia ra, Matyu 26 bara 27 Saptika wal sut aisi kaiks; Mark 14 bara 15 saptika wal sut, Luk 22 bara 23 saptika nani aiska aisi kaiks, Jan 18 bara 19 saptika aiska, Aiseya sapti 53, bara Lawana nani 22 aiska aisi kaiks.)

86

STURI 29. JISAS KLI RAWI BUI SA.

Jan 20:1-9

¹Wik yua pas, Meri Magdalin ba raiti ra wan titan pali, kau tihmia kata witin kaikan, walpa raiti pura prakan kata ba sakan kan. ²Bamna witin plapi wan Saiman Pita ra bara disaipel wala Jisas mita latwan pali kaiki kan bara sin, bara naku win: —Upla mita Dawan ba raiti wina saki brih wan, yang nani sin kaikras ani palira brisi swin sapa! ³Pita bara disaipel wala nani ba kira taki raiti ra wan. ⁴Wal sut plapi auya kan, kuna disaipelka wala ba kau karna plapan Pita ba wal, bamna witin pas raiti ra balan. ⁵Witin bauli kaikan linen kwal-ka nani lika bahara swin kan, kuna raiti bilara lika witin dim-ras kata. ⁶Witin nina ra Saiman Pita sin balan, bara ban raiti



bilara diman. Saiman Pita kai-kan linen kwal-ka bahara swin kan ba, ⁷sakuna Jisas lal ra ang-sar wilkan kan ba linen kwal-ka ni baha ba asla apia kan, saku-na karbi tani walara swin kata. ⁸Disaipelka wala raiti ra pas balata ba sin raiti bilara diman, bamna witin sin kaikan dia takan ba, bara kasak lukan. ⁹Kan witin nani kau Ulbanka tanka kaikras kan, nahki Jisas pruan nani wina kli buaia kan ba.

Dia mita kli rawi buan ba, kulkanka tara brisa.

Pyua ailal luanra Job naha makabanka daukan kata. "Upla kum ba prubia kaka, kli raya takaia sip sa ki?" (Job 14:14). Naha sika ansika liliakira yaban ba, "Yang kaiki sni yang Sasakraki ba raya iwi sa, bara witin sika naha tasba ra taiwan aisasara kabia. Taya na pis pis ra kauhbia sin yang silp pali Gad ra kaikamni" (Job 19:25, 26). Au, kan Witin raya iwi bamna, yawan nani sin raya iwbia (Jan 14:19).

87

STURI 30. JISAS MERY RA PARAM TAKISA.

Jan 20:11-17

¹¹Sakuna Meri Magdalin lika latara raiti ba lamara ini kan. Witin kau ini ban raiti bilara bauli kaikan bara, ¹²kaikan insal wal kwala pihni dimi iwi kan, Jisas wina tara tnikan kan ba pliska ra, kumi ba lal tani bara wala ba mina tani ra. ¹³Bamna insal nani ba mita makabi wala: —Mairin, dia muni inisma ki? Meri Magdalin bila: —Kan yang Dawanki ba saki brih wan, bara yang kaikras anira brisi swin sapa. ¹⁴Meri Magdalin naha aisin na ningkara, witin ai nina ra tawi kaikan, Jisas bahara bui kan, sakuna witin lika kaikras kan baha ba Jisas kata. ¹⁵Baku bara Jisas mita makabi wala: —Mairin, dia muni inisma? Ya plikisma ki? Meri Magdalin luki kan baha lika raiti main kakaira ba, bamna naku win: —Waitna, man mita witin ba brih waram kaka, pliskam ai wis anira brisi

swiram ba, bara yang mita witin ba saki brih wamna. ¹⁶Jisas mita win: —Meri! Meri Magdalin tau, Hibru bila ra win: —Rabuni! (Baha bila tanka ba lika "Smasmalkra"). ¹⁷Jisas win: —Ai alkpara, kan yang Aisa bara ba pliska ra kau



uli wih asla takras sni. Sakuna muhki nani ra wih wis, uli auna Aisiki ra bara man nani Aisikam ra; yang Gâdki ra bara man nani Gâ dkan ra.

Jisas mairin nani ra kulkan ka yabisa.

Jisas mairin nani ra rispik munikan, pat saura nani pyua ra baku, bara lilia pyua nani ra sin Witin mairin nani ra kulki kan. Dus prihni ra, pruaia baila pali ra ai yaplika ra ai latwanka aiska ni aisata, bara ai disaipilka kau latwan kaiki kan

89

"Witin ba suapnikira kum baku dus prihnira saban, saku-na Gad karnika ba ban kayara raya sa. Baku bamna yawan nani sin suapnikira baku sa, witin asla lakara, kuna yawan raya iwi kabia Gad karnika ba wal, yawan nani dukiara yaban ba" (2 Korint 13:4). Suaki sakan laka smalkanka ba, Pal mita burs wal ra ulbi sakan sa: "Pas taura lika yang ra ai smalkan sturka ba man nani ra laki mai smalkri: Kraist ba wan saurka nani tawan pruan, ulbanka nani ra aisi ba baku, bara Witin ba bikan, bara yu yumhpa ra kli buan, ulbanka nani aisi ba baku" (1 Korint 15:3, 4). Jisas Kraist kli rawi buan ka ba apia kaka, yawa diara smalkaia apu kaia kan. Bila kaikan ka sin apu kaia kan, kau ban wan saurka nani tilara iwi kaia kan, bara prura patka ra sin wan lulkan kaia kan. Kuna Gad mayunra tara kabia, Jisas raya sa, bara Witin man rayakam ra iwaia sipsa! "Jisas Kraist pruan nani tila wina bukan Gadka Spiritka ba man nanira ra iwisa kaka; sin Kraist pruan wina bukan Gadka Spiritka ba winam tara pruikira nani ra raya kaia laka kli yabia, Spirit man nani ra raya iwi ba mita" (Rom 8:11).

Nanara yawan Witin dukiara raya iwi kaia.


"Kraist latwanka laka ba mita yawan ra la wankisa, kumi ba upla sut pura mata pruan, upla sut lika pruan. Kraist upla sut tawan pruan, baha mita raya nani ba ai wina dukiara raya kaia apia sa; sakuna Witinka, witin nani ai dukiara pruan, bara kli sin raya buan ba dukiara mika raya kabia" (2 Korint 5:14, 15). Yawan wan saurka ra pruan kan, Kraist yawan nani dukiara pruan taim, nanara yawan nani Gad dukiara raya iwisa. Yawan na paskanka raya kum sa Witin ai Spirit ka ra. Naha rayaka raya na, yawan silp dukiara iwaia apia sa, bansakuna Witin dukiara! Man man winam dawanka apia. "Kan Gad mita mana kum ni mai atki mai sakan sa. Baha mita man nani, winam wal, bara Spirit kam wal mayun ra pain yas, kan baha nani ba Gad dukia sa bamna" (1 Korint 6:20).

88

ba mihtara mamkata main kaikbia dukiara, baha ba Jan kata (Jan 19:26, 27). Nanara Witin pruan wina kli rawi buan taim mairin kum ra pas param takata — Mery wala ba baha ra pas param takan.

Gad mairka nani ba, Gad ra kasak luki nani ba bara ai kupiara Spirit yamni bri nani ba, **“baha ba Gad mawan ra kau tara pali kulkisa”** (1 Pita 3:4). Bara Gad waitna ba *ai lilka* kat paskan taim, Witin waitna bara mairin ba wal *ai lilka* ba kat paskan (Blasi sturka 1:27). Spirit dukia nani tanira, Gad mita waitna ra bara mairin ra baku, walsut ra sim sanska nani yaban sa Kraist ra balaia bara wal sim prapatika briaia. **“Naha dukia nani tila bak pramis nani sin wan munan, bara baha nani ba uya tara palisa, manaki ra palisa sin; bamna baha sin pramiska nani bak, sip kama Gad ingnika laka ra aikuki bara kaia”** (2 Pita 1:4). **“Waitna kaia apia kaka mairin kaia tanka apusa, kan man nani alsut kumi banghwi sma, Jisas Kraist ra asla sma bamna”** (Galesha 3:28b). Gad mita mairin nani ra kulkan kan tara yabisa, ba mita maya waitna nani ra adar yaban, ai maya mairin ra latwan pali kaikbia, sim Kraist mita surts ra latwan kaikan baku, bara ai rayaka yaban baku, witin dukiara (Epesus 5:25). **“Bamna maia waitna ai maia mairin ra baku latwan kaikaia sa, sin ai wina latwan kaiki ba baku. Ya ai maia mairin ra latwan kaikisa kaka, witin ai wina ra latwan kaikisa”** (Epesus 5:28). Gad latwan pali kaikisa baha maia waitna wihki maia mairin wal asla pali bara kupia kumi kasak ba laka ra iwi ba. Witin diburs laka ba *misbara* kaikisa. **“Kan Jehova Israel Gad ka bila win: man maiam wal dakwi takisma taski ka, wa tauika ba yang misbara kaikisna!”** (Malakai 2:16). **“Yang kupi na lilia banghki dauks, sut sin lukanka kumi, latwan laka kumi bri bas bara solkam mapara, diara daukisma sin kumi kaia. Yakan dukiam ra bara waihla lakara sin diara kumi daukpara, sakuna baukira bas, bara kumi bani ai walka nani ba kau yamni kulkbia”** (Pilipai 2:2, 3).

90



Dawan ba kaikri. Sakuna Tamas bila: —Witin ai mihta nani ra silak ni saban untika nani ra bara tnaya mina untika bara mihti sirpika ni dingki kaikras sna kaka, yang sip kasak lukamna apia.

²⁶Yu 8 luan ningkara, disaipel nani ba kli utla kum ra asla taki bangwan kan, bara naha pyua

lika Ta-mas sin baha nani tilara kan. Bamna dur nani ba sut prakan kan, sakuna Jisas ba dimi disaipel nani lilapas kat buan, la-kula dauki, naku win: —Kupia kumi laka man nani wal kabia! ²⁷Ningkara Jisas mita Tamas ra win: —Mihtam kulkaika ba na-hara dingki, mihti nani na kais, bara mihtam ba sakbi tnaiya mina untika mara dingki kais. Bamna lukras ban kapara, sakuna kasak luks! ²⁸Tamas mita pana win: —Yang Dawanki bara yang Gâdki! ²⁹Bamna Jisas bila: —Tamas, man ai kaikram ba katra kasak lukisma? Yamni pali sa baha uplika nani ai kaikras sakuna kasak luki ba.

Bak sakan blisinka kum.

Jisas bila man bak sakan blisinka kum brisma wisa, Witin ra kasak lukma kaka, namkra wal sin kaikras kama kra. Naiwa yawan Jisas wal kakaira sa, ai Spiritka yawan nani ra iwi ba mita. Baku sin Baibil ra ai bila nani wan aisi ba taka sin yawan Witin ba kakaira sa.

Yu kum yawan nani Witin *kaikbia*. **“Sakuna Kraist kli balbia taim, yawan sut Witin wal baku takbia, kan Witin nahki ba tanka yawan param kaikbia ba mita”** (1 Jan 3:2b). **“Yamni pali sa baha nani ai kupia taski apu bri nani ba, kan witin nani Gad kaikbia bamna”** (Matyu 5:8). **“Kaiks Witin kasbrika nani tila ra aula! Upla sut mita Witin ba kaikbia, ai wina tara dus prihni ra saban uplika nani sin. Tasba aiska uplika nani Witin kaiki sari inbia”** (Param Marikan 1:7). Jisas kaikma taim, man lilia kama apia kaka sari kama ki?

92

STURI 31. JISAS AI DISAIPILKA NANI RA PARAM TAKISA.

Jan 20:19-22

¹⁹Baha sin yua tihmika tutni palira, disaipel sut asla taki kan, bamna utla durka nani sut prakan kan, Ju nani sia. Jisas bal dimi, disaipel nani lilapas kat buan, baha nani ra lakula dauki, naku win: —Kupia kumi laka man nani wal kabia!

²⁰Naha aisin ningkara, ai mihta nani bara tnaya mina sin ba-ha nani ra marikan. Disaipel nani lika Dawan kaikan bara, lilia pali takan. ²¹Baha ningkara Jisas kli win: —Kupia kumi laka man nani wal kabia! Aisa mita yang ai blikan ba baku,



yang mita man nani ba mai blikisna. ²²Jisas mita disaipel nani sut ra ai wingka puhbi, nan win: —Man nani Spirit Hulikira ba bris.

Wark daukaia nani.

Jisas dia win? Lain nani pura ra ulbi bangks.

1. “_____ laka man nani wal Kabia!” (Burs 19).

2. “Aisa mita ai blikan ba baku, yang mita man nani ba mai _____.” (21).

3. “Man nani Spirit Holikira ba _____.” (Burs 22).

STURI 32. DISAIPIL KASAK LUKRAS KUM, KASAK LUKI BA.

Jan 20:24-29

²⁴Sakuna disaipel nani wina kumi nina Tamas, upla nani mita Sutki wi ba, Jisas balata

pyua disaipel wala nani tila ra, witin apu kan. ²⁵Bamna ningkara, disaipel wala nani ba mita Tamas ra win: —Yang nani

91

Jisas ba man Dawan kam bara man Gadkam kaka, Tamas Dawan ka kan baku, man lilia kama!

STURI 33. JISAS YABAIA SIPSA.



Jan 21:2-6, 9-12, 15-17

²Saiman Pita, Tamas, upla nani mita Sutki maki kan ba, Nitani, witin ka Kena Galili wina ba, Sebedi luhpia nani bara disaipel wala kau wal ba kumi ra asla kan. ³Saiman Pita baha nani ra win: —Yang inska alkaia auna. Disaipel wala nani ba bila: —Yang nani sin man wal wamna. Bamna witin nani wih duri kum ra aimakan, sakuna baha tihmika aiska diara kumi sin alkras pali kata. ⁴Mahka yu baiwaia man kan bara, Jisas lakun un ra bal buan, sakuna disaipel nani kaikan baha ba Jisas sa. ⁵Bamna Jisas bila: —Tuktan nani, inska alkram ki? Pana disaipel nani bila: —Diara alkras. ⁶Bamna Jisas bila: —Tan ba duri aihkika tanira

luks, bara inska alkma.

⁹Disaipel nani sauhka ra nan ulan bara, kaikan pauta kum mukan kan, bara baha pautika purara inska kum kahban ami kan, bara brit sin bara kan kaikan. ¹⁰Bamna Jisas bila: —Inska wiria bri bal, bisiura alkram ba wina. ¹¹Saiman Pita duri ra aimaki tan ba sauhka ra raskan, bara tan ba inska tara ni aibangwan kan, asla 153 inska nani kata. Inska ailal pali kan sakuna, tan ba kalwras kata. ¹²Bamna Jisas bila: —Man nani mahka bal, titan pata pis....

¹⁵Bamna titan pata pin ba ningkara, Jisas mita Saiman Pita ra makabi walan: —Saiman, Jan luhpia, man ba naha nani purkara yang ra kau latwan ai kaikisma ki? Pita mita pana win: —Au, Dawan, man kaiki-sma nahki yang man ra latwan sna ba. Jisas bila: —Baku sa kaka, syîpki luhpia nani ba plun dakaks. ¹⁶Kli Jisas aima wala makabi walan: —Saiman, Jan luhpia, latwan ai kaikisma ki? Pita pana win: —Au, Da-

93

wan, man kaikisma nahki yang man ra latwan sna ba. Jisas mita win: —Baku sa kaka, syŋpi nani ba main kaiks. ¹⁷Jisas aima yuhmpa ra kli makabi walan: —Saiman, Jan luhpia, man latwan ai kaikisma ki? Pita naha kat sari takan, kan Jisas

naha kat aima yuhmpa witin ra latwan kaiki sapa makabi walan bamna. Baku mika Saiman win: —Dawan, man diara nani sut ba kaikisma, bamna man kaiki-sma, yang man ra latwan sna ba. Jisas bila: —Baku sa kaka, syŋpi nani ba plun dakaks.

Bal bara pis.

Nahki painki ra kaikisa Jisas pata kum piaia paiwi ba! Jisas ai disaipilka nani ra plun *manas* pliska ra brih wan. Man *plun* mai daukisa ki, bara kasak ka tanka laya din mai daukisa ki? Jisas bila, “Yamni pali sa baha nani plun dauki baku, bara kasakka laka brin daukisa, diran dauki baku; witin nani kupia pah daukbia bamna” (Matyu 5:6). Titan bani ai mawan ra bal, Spirit pata kum piaia dukiara, ai bila smalki ba wina, baha wan auya pah wan sakisa, wan solka pata. Dawan ba, man Gadkam, Witin sika alba laka wina mai sakan, man ra mai wisa, “Bilam ba kuaks, bara yang bangki daukam ni (amyapah).” (Lawana nani 81:10b).

Man Kraist dukiasma kaka, man paiwanka painkira wala kum brisma “bal plun piaia” dukiara. Kli kau Jisas naha tasbara King nani Kingka bara Dawan nani Dawanka baku bal-ras kainara, kupiam kumi laka lalukra wala nani asla ban kaiara daukram ba, liliaka kum daukaisa marit pata kum wal.

Jan bila naku wisa, “Yawan liliakira kap, wan kupia lilia ni aibanghwi, yawan Witin ra prana yap, Ship Lupia marit takaia pyua ba aimakan sa bamna, ai maia mairin ba sin ridi takan sa, mairin ba linin kwalka painkira, klin, bara ingniki-ra yaban diman sa. Linin kwalka painkira ba lika, Gad uplika nani ai rayaka wapni bri ba tanka sika” (Param Marikan 19:7, 8). Man ridisma ki baha pata paiwanka dukiara?

94

Kupiam krauki bas, yawan sip un wan laka kat taukras. Gad nakra ra, “Yawan wan laka nani ba, siakwani kwalka busukra baku kaikisa” (Aiseya 64:6). Jisas baman lika kasakka kwalka ba, yawan ra sip wan dauki ba, baha marit pata painkira ra dimaia. “Kraist lika saurka kumi sin daukras pali kan, kuna yawan tawan Gad mita, Witin ba saura dadaukra kum baku kulkan; baku mika yawan Kraist wal asla taki, wan rayaka ba Gad want ba kat wapni bri kabia dukiara” (2 Korint 5:21). Nahki painkira pana, pana wan wihrika ba kasak ka wal sins munan ba! Witin wan saurka wihrika ba brin, bara ai kasak laka ba wankan!

Shipki nani ba dakaks.

Jisas mai dakaki ba baku, Witin want daukisa man wala nani ra dakakma. Man sulkam ba, Baibil ra Jan dukiara aisi smalki ba wina mai dakakan sa ki? Bansa kaka man Dawan dia maiwin ba, wala nani ra sin smalki wiaiasma. “Man nani mihtam ra Gad shipka nani mangkan ba, sepat nani baku main kaiki bas . . . tanka yamni nani mariki bas daukankam nani wal sin” (1 Pita 5:2, 3). Yawan sipsa wan walka nani ra yamni munaia, Dawan bila smalki sir muni, bara wan daukanka yamni nani wal sampla baku mariki Witin nani ra. “Bara smalki banghs, dia, dia man nani ra adar maikri ba alki brih daukbia, bara kais yang yu bani man nani wal kamna . . .” (Matyu 28:20).

95

Makabanka Ansika nani

Makabanka ansika nani Jan wauhkataya Baibil Stady munan ba naha munhtara ulban sa, bamna man laki kaikaia sip sma warkkam nani ba bara ansikam ba pain sa sapa nu takaia. Kuna naha wahya na man makabanka nani sut ansa munma ninkara laki kaikaia sma.

Wahya 4, 5

- | | |
|-------------------|-----------------------|
| 1. Gad | 8. lika apia, brinka, |
| 2. Gad walkan | apia, Gad |
| 3. rayaka | 9. upla takan |
| 4. tihmu tilara | 10. yang nani tilira |
| 5. Jan | 11. yuyaka, yamnika |
| 6. ai uplika nani | yamnika |
| 7. Gad, takaia | 12. Luhpia |

Wahya 9, 10

- | | |
|------------------------------|------------------|
| 1. iwras, bila | 5. Israel |
| 2. yabal, wapni | 6. butku, spirit |
| 3. ninira | Holikira |
| 4. Gad, Luhpia, saurka, saki | |

Wahya 16

1. Dia, dia witin man nani ra mai wibia ba, dauki bangs.
2. banghki laikan

Wahya 24, 25

- | | |
|------------------|--------------------|
| 1. kulkanka tara | 7. Moses, pyuta |
| 2. smasmalkra | 8. latwan, tiwbia, |
| 3. kli aisubi | raya bankaia |
| 4. Li, Spirit | 9. pat, swaki |
| 5. wina | 10. pat, kasak |
| 6. Spirit | 11. tihmya, ingni, |
| | pât bankaiara |
| | 12. kasak |

Wahya 32, 33

1. Swapan ba mita
2. Li wira aik diaia
3. Ju nani ba Sameria uplika nani wal diara briras kan bamna.
4. Li rayakira
5. Ani uplika liwahnta laya wina dibia ba, kli din daukbia, sakuna yaura Jisas mita yaka dibia ba kli din daukbia apia.
6. Witin pat waitna 5 brih swin kan, bara nanara briha sin, ai maia apia kan.

7. ilka ra Gad ra ai pura suni mayuni

1. kau
2. ai pura suni mayunbia kasak tanka ra bara Spirit ra sin
3. Witin taun bila ra dimi wan bara upla nanira Kraist dukiara aisan.
4. Witin ra blikan ba kupia laka daukaia, bara ai warkka sin sut pali daukaia.
5. Witin ba kraist sa, bara tasba aiska swaki sasakrika sa lukau.

Wahya 39

- | | |
|---------------------|------------------|
| 1. 38 | 5. (a) wingka |
| 2. rawan mai | puhbaia yua |
| 3. krikrikam | (b) Gad wal baku |
| 4. Kli saura yapara | |

Wahya 48, 49

- | | |
|-------------------|----------------------|
| 1. kasak kama | 4. Luhpia mita |
| kaka, yang | 5. latwan ai kaikaia |
| disaipilki nani | katma |
| kama | 6. Gad |
| 2. kasak tanka ba | 7. dukia, kaikbia |
| 3. saurka laka | |
| albika sa | |

Wahya 51, 52

- | | |
|------------------|--------------------|
| 1. Jisas | 4. aisika bara |
| 2. ai lamara iwi | yaptika wal |
| kan nani ba | 5. blain waitna ba |
| 3. parisi nani | 6. Jisas |
| | 7. blain waitna ba |

Wahya 72

1. minam, sikbri, mina, siks
2. latwan, latwan

Wahya 79

- | | |
|-------------------|---------------|
| 1. tasba | 4. patkas |
| 2. Aisiki | 5. ikbia, Gad |
| 3. kaiki, misbara | 6. kakaira |
| | 7. pura luri |

Wahya 91

- | | | |
|----------------|-------------|---------|
| 1. Kupiam kumi | 2. blikisna | 3. bris |
|----------------|-------------|---------|

BOOKLETS AVAILABLE

As the Lord provides the cost through contributions, free copies of this booklet will be sent in limited quantities to anyone who requests them for personal study or group study. Please tell us clearly how you plan to distribute the booklets. Write to:

WORLD MISSIONARY PRESS, INC.
P.O. Box 120
New Paris, Indiana 46653 U.S.A.

This booklet is *not for mass distribution*.
It is for individual study and group study.

Miskitu ra lakan: Onofre Zamora Messenn

The Bible text used is from the Dawan Bila Aiska © ASOCIEDAD BIBLICAS de Nicaragua 1998, Npresoen Corea 1998.